

東方雜誌

期八第 卷二第



售例

一本雜誌零售每册大洋銀二角五分預定全年十二册大洋銀二圓五角本埠外埠外國一律

郵費

二郵局和章見第二期本加增報紙寄費輪船火車直達之處為口岸如購一册郵費伍分全年伍角日本同輪船火車

未能直達之處為腹地開日開行者即以此未能直達之處為每購一册郵費壹角伍分全年壹圓伍角外國同至未

通郵政之處民局寄費閱者自給

三凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大

洋銀二角五分計算寄足應得册數為止

四在總發行所定購者本埠按期派送不取酒資

五凡一人定購五份寄送一處者照價九折拾份者八折

六在總發行所定購者如遷徙他處務託妥人代收一面知照總發行所改寄惟已寄原處之册不能複寄其在代售處

定購者請自向代售處商辦總發行所不能接寄

七總發行所按期寄送以郵局民局回單為憑中途遺失閱者自理

八凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發

行所清釐賬項照通例以八折核算餘二折作為酬勞惟至少以五份起碼代售至二百五十份者七折五百份者

七折七百五十份者六折一千份者六折再折扣悉依原定全年報資核算如一千份者六折即每份以大洋壹圓

五角核算其也惟郵費分文不扣

一代售處收到資費即寄總發行所如定購者不將資費照章寄足照第三條辦理至代售處道人送報不得另索酒資

一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局

有正書局 保定府宜書局 長沙集益書社 常德啓智書局 武昌文明書局 中東書社 新政書局 漢口

商務印書分館 江左漢記 廣東開新書報公司 聖教書樓 英文書莊 南昌廣智書莊 南京明達書莊

山西書局 杭州崇實齋 採辦書報處 蘇州開智書室 日本東京金港堂書店

商務印書館出版
嚴又陵先生新譯

英 文 漢 語

十年以來吾國討論西字者日多其有
志之士慮其本國文字之失其真者
前之僅資侍者買辦市井口談而已
此可為吾國學界深非者也而師資
於時不辦則無怪有說不通者多矣
年不辦則無怪有說不通者多矣
而西文者三矣侯官嚴幾道先生多
中法文以字為人所不能譯者大抵
高文公謂一事不為人所不能譯者
諸公謂一事不為人所不能譯者
英文公謂一事不為人所不能譯者
力撰成是編由淺而深乃以海內
至造句無不點綴而止用旁音與
漢文出無不點綴而止用旁音與
凡就中國學者所難通者尤為曲
反就中國學者所難通者尤為曲
昭啟人而明之也蓋以初學之
教有日久之見也蓋以初學之
疑難故能久見也蓋以初學之
之金針而學界之貴客也此誠
得其金針而學界之貴客也此誠
幸蒙先生不惜工費以公同人
以發售不工費以公同人
學期於中定其價每部大洋一元二角
編者於一載之開其不與通者一

孟 德 斯 鳩 法 意

法儒孟德斯鳩著原名 ESPRIT DES LOIS
成於一千七百四十八年為十八世紀最有名之
著作所論自君主民主之異制與其形質精神教育
所因而殊兵刑財賦通商工風土禮俗宗教
凡自希臘羅馬以來各國所通行之法典莫不著其
所由而亦窮其結果網羅宏富體大思精昔拿破崙
軍中獨書八種自隨而法意為其一厥後為法國造
律遂成近世最善法典蓋是書聲價自此定矣而吾
國朝野方官立憲行且大啓宏規毫厘千里其可憂
懼幸遇者嚴幾道先生檢取原書重為譯本館知
海內諸公先觀為快因請援鳳富之例稿分四起陸
續印行藉餉學界所冀於國家自強國治之方不無
小補至於譯家能事無待本館贅一辭矣茲次印行
凡十五卷價一元六角

商 務 印 書 館 出 版

嚴 又 陵 先 生 新 譯

英 國 穆 勒 約 翰

群 己 權 界 論

John Stuart Mill's on Liberty.

是書發揮自繇精義勸導清國羣小己二者權界平社會之凌犯振國民之精神大旨惡苟同而尚特操賤死法而尊公理平實地說實話無一毫放蕩恣睢之氣而胸次之超眼界之闊真編狹自是君對證之學藥原書風行字內久推傑作譯者精思妙筆更能相副自序有言學者必明乎己與羣之權界而後自由之說乃可用則是書之出其有功於今日世道豈淺鮮哉太史公謂有國者不可不知春秋爲人臣子者不可不知春秋今吾亦謂爲國民者不可不讀權界論也先生以版權特歸本館許以專印發售書凡五篇都八萬言洋裝一册價銀一元

英 倫 甄 克 思

社 會 通 詮

Ed. Jenks' A History of Politics.

民族主義源於泰西近十年來演輪我國雖從其說者見有廣狹而有文野而其排外則一也惟是世界大通種界宜泯彼都先覺獨標新義據羣學天演公理發明宗法社會軍國社會之殊前級勝蠻夷一等而我國今正進行後級漸進大同而彼族已經幾及彼方升堂我猶門外急起直追猶虞不及又安可也持陳說以自域進步乎甄君掌教英國耶斯羅大學是書爲三年前印本就社會已然之迹而推其所以致此之由掃蕩陳言推倒衆說侯官嚴先生以其能裨我國社會遂譯數月書成以版權昇本館專印行世現已出版洋裝一册價銀一元二角五分

東方雜誌第八期目錄

圖畫

一千八百五十六年美國公使坡理初至日本登岸圖

德國親王福禮留白日本親王兩院會同行入港圖

日俄日本海大戰

日俄李官堡雪中戰

社說

選論附

論變法必以歷史為根本 本社獨撰

別士

論中國民氣衰弱之由 本社獨撰

申蘇

衛生論 錄乙巳五月初八日漢口日報

論勇敢 錄乙巳五月十四日廣東日報

論東三省終宜開放 錄乙巳五月二十九日時報

論小說與社會之關係上 錄乙巳五月二十七日時報

論小說與社會之關係下 錄乙巳六月初八日時報

諭旨

六月初四日至十九日

目錄

內務

諭公布政務 錄乙巳五月十二日時報

諭各部擬設丞參事 錄乙巳五月二十七日中外日報

政務處吏部會奏邊疆兩廣總督岑奏請添設巡道並裁改糧道等缺摺

政務處奏邊 旨准覆御史黃昌年奏請刊刻諭旨圖抄摺

前署戶部尚書趙遵 旨奏陳應行時政十二事摺

刑部奏核議恤刑驗條奏摺

刑部奏斬絞人犯無論監候立決俱應按照正例議擬摺

修律大臣外務部右侍郎伍廷芳左侍郎沈奏覆御史劉彭年奏停止刑訊請加詳慎摺

陝西巡撫夏奏酌改陝西警務辦法摺

內閣中書尹克昌奏請添設建昌行省摺

各省內務彙誌

各國內務彙誌

一

乙巳

軍事

論殺降之罪

錄乙巳四月二十八日新聞

論中國宜注意於西南之國防

錄乙巳五月十四日新聞

湖南巡撫端方奏省援桂一軍迭獲捷報卓著勳績並邊防安謐情形摺

新疆巡撫潘奏設立卡倫查禁逃哈摺

各省軍事紀要

日俄戰事紀要

重慶島戰

中立案誌

民政設署

停權易名

各國軍事紀要

外交

論外交與國力之關係

錄乙巳四月二十九日新聞

論中俄交涉之因果

錄乙巳五月十四日新聞

二

論聯俄派主意之變遷

錄乙巳五月二十五日中外日報

論政府宜竭力援助外交官

錄乙巳五月九號外交報

署兩江總督周札飭金陵關道核議限制各國兵輪停泊口岸章程文

江西派辦處英國兵艦入湖詳請江西巡撫核示辦法文

侯前道黃觀察中慧因膠濟鐵路站長有意開罪事上慶親王稟

德人在江蘇海州交涉事件公文

署江蘇海州直隸州知州王曜補用知縣李嶽衡稟

其二

其三

金陵關道連署兩江總督周札會同各局議定各國兵輪停泊口岸章程

中外交涉彙誌

各國交涉彙誌

教育

論政府宜利用報館并推廣白話演說

錄乙巳四月廿日新聞

修訂法律大臣汪會奏請專設法律學堂摺

財政

河南巡撫陳奏設立初級師範學堂摺

河南巡撫陳奏設籌河南駐防滿營小學堂摺

饒江西巡撫周奏遵章設立學務處摺

饒江西巡撫周奏擬設練將學堂摺

修訂法律大臣沈奏請於各省議吏館內專設仕學速成科片

山西晉報局總辦程守清上山西巡撫張遵擬由話報並演說簡章稟附批

日本東斌學堂章程

泰東教士團規約

泰東教士團所屬傳習所規程

各省教育彙誌

各省游學彙誌

各省報界彙誌

僑民尙武

中國造幣議一 錄乙巳五月二十二日時報

中國造幣議二 錄乙巳五月二十三日時報

目錄

商部奏派員會查路礦款項情形摺

戶部奏遵議綏遠城將軍奏請將蒙旗自種黑粟援照山西土捐辦法摺

欽差大臣兵部左侍郎鐵奏查明江甯司庫局所進出款項情形摺

山西巡撫張奏查明各屬徵收錢糧情形摺

安徽巡撫張奏查明安徽省各屬征收丁漕錢糧數目摺

四川總督錫奏川省創辦銀行酌擬章程摺

四川總督錫奏查明川省徵收地丁及折徵制錢銀圓辦法摺

雲貴總督丁奏裁撤滇省撫標官兵及署中員役應支廉俸薪工等銀仍請留供邊餉摺

署貴州巡撫林奏查明各屬徵收錢糧數目開列簡明表冊摺

戶部議覆兵部左侍郎鐵查明江甯司庫局所進出款項指提備撥片

戶部核議江甯司庫局所進出款項清單

入省土膏統捐試辦章程

湖北新定改辦統捐章程

三

乙巳

新 入 雜 誌 雜 方 直

小說 雜俎


各省財政彙誌
各國財政彙誌

目錄




四

八






德國親王福禮留白本日親王閑院宮回行港圖



日 俄 日 本 海 大 戰



戰中雪堡官李俄日

商務印書館出版
財政類

事務大
臣審定
理財學精義

以條達通暢之詞出之東文譯本中可爲傑作每部一冊價洋四角

經濟通論

實理財學中一大著作也每部一冊價洋七角五分

國債論

論是書分性質利害種類一篇詳晰實爲研究財政者之寶筏每部一冊價洋三角

地方自治財政論

如何不重民困又能集資辦政是書可爲之先導矣每部一冊價洋三角五分

歐洲財政史

歲出歲入之類別並財力與負債之比較均有圖表一覽了然每部一冊價洋三角

英國度支考

載詳備足資取法後列各表尤便比擬每部一冊價洋四角

日本田尻稻次郎著吳縣王季點譯○是書詳論富國富民之道凡分四章一總論二生產三分布四消費細目二百有奇可謂至繁極博而作者能

日本持地六三郎著本館譯○我云財政日本云經濟實同一義是書先論經濟學之綱要沿革次論生殖次論交易次論分配終論消費體用兼備

日本土子金四郎著吳縣王季點譯○我國疲於外債而論者遂多持國債之議然使不明其性質不究其利害而貿貿然爲之必蹈昭信股票之覆

日本石塚剛毅著友古齋主人譯○凡辦一事理財爲先財政不善百事皆廢嗣後學堂警察諸政必將以地方之財治地方之事方今民窮才竭必

日本小林丑三郎著休爾胡宗瀛譯○歐洲各國今日繁富至此實有由來是書循流溯源自古世中世以及近世各國財政因革無不備載其最近

英國司可得開勒著金匯華龍譯○我國財政極亂已極非創立歲出歲入之彙算不能有濟英爲至富之國管理財政條理精密實不可及是書記

商務印書館出版
哲學商業類

哲學要領

每部一冊
大洋二角

德國科培爾著日本下田次郎譯山陰蔡元培重譯○哲學要領事理之祖宗教流別而惟物惟心有神無神溯源則同泰西富強胚胎於是是書約舉哲學之總念類別方法系統皆以最近哲學大家康德黑格爾哈爾安門諸家之說為基礎發揮盡致且於古代哲學提要鉤元足示學者研究之法

德國工商勃興史

每部一冊
價洋六角五分

法國伯羅德爾著日本文部省譯本館重譯○德國工商之業至近年而益盛不知幾經培養始能臻此地步是書歷舉其所以致盛之由不外於國家保護學校教育我國近來重視商務提倡工藝凡為學者不可不急取研究也

萬國商業歷史

每部一冊
價洋六角

英國羅賓著日本林曾登吉譯本館重譯○交通日使商戰日烈鐵路輪舟往來駢集而由古迄今以及各國互相關係之道非深加考察無以通曉處此商戰之局固當知其已然尤當審其所以然中國商業之不振亦由遇事無從考察耳爰而譯印是編以資參考

新編 國文教科書 出版

初等小學國文教科書教授法

陸續發行

此書與教科書相輔而行教科書為學生所用此書為教師所用準教授學之階段按課分別豫備教授運用之法附以參考及習問以便教師有所依據內地塾師苟應用此書兼參考教育學管理法則於小學師範思過半矣

第一冊

價洋四角

第二冊

價洋三角

第三冊

價洋

第四冊

價洋

初等小學習字帖

陸續發行

此帖與本館所編國文教科書相輔而行書中所有者無一不備書中所無者亦不闕入以便隨讀隨寫可助記憶帖凡十冊亦備初等小學堂五年之用

第一冊

價洋一角

第二冊

價洋

第三冊

價洋

第四冊

價洋

商務印書館出版
新編國文教科書

小學國文教科書

全部十册
陸續發行

童蒙入學茫無知識而我國文字多半艱深往往有讀書數年不能寫一信記一帳者欲教育普及不可不於國文加之意矣近歲廣設學堂稍稍有編蒙學讀本者然施諸實用都未盡合或程度過高難於領會或零舉字義不能貫串或貌襲西法不合華文性質或演為俗語不能彼此通用有志教育者時以為憾本館特請通人精心編纂兼聘日本文部省圖書審查官兼視學官小谷重君高等師範學校教授長尾慎太郎君及曾從事中國學堂之福建高君鳳謙浙江張君元濟詳加校訂一字不苟經營數月始成數册陸續出版每册附圖數十幅至百餘幅另加五彩精圖以動學生之興趣書中筆畫生字均有限制按照時令選事徵詞淺而不俗雅而不與自發行以來頗蒙海內教育家稱許銷流至數萬以上再板數次全書計十册備初等小學堂五年間教科之用尚有高等小學堂應用國文教科書亦次第編印本館尤當精益求精以不負海內士大夫之屬望焉

第一册	(六板)	定價洋一角五分	第六册	定價洋
第二册	(四板)	定價洋二角	第七册	定價洋
第三册		定價洋二角	第八册	定價洋
第四册		定價洋二角	第九册	定價洋
第五册		定價洋	第十册	定價洋

社說

連論附

論變法必以歷史爲根本 本社撰稿

則士

變法之說。發端於甲午。實行於戊戌。閱寂於己亥。重演於庚子。然皆變法而不見變法之效。非變法之無效也。戊戌之變法也。失之素。彼此不相顧。前後不相應。徒使天下陳力就列者。目炫亂於國家之無常。職業之不可保。而不能知其命意之所在。故八月而政變。政變而新政。道路流言。以爲此訓政之故。其實亦新政之幸耳。使遲之數月。而內閣亦作矣。以言實效。非敢期也。庚子之變法也。失之僞。此率然而命之。彼泛然而應之。朝廷之舉事。若迫於外人。而不得不然。官吏之承辦。若迫於朝廷。而不得不然。民人之赴功。若迫於官吏。而不得不然。舉國上下。皆無真意寓乎其間。故其惶駭之狀。雖不及戊戌。而其泄沓之情。則爲戊戌所無。而其受病。實較戊戌爲大。以言實效。自更遠矣。故此二期者。皆不得謂之真變法之期也。真變法之期。其在於今日乎。今日之變法。吾人亦不知。朝廷之何以忽然興起。意者外患之迫極。朝廷深思熟慮。知非變法不足以圖存耶。其隱微雖不可知。但自其表面觀之。一 飭停刑訊。二 賜留學生出身。三 派載澤等出洋考察。此三者。不得不謂爲曠

社說

一百五十一

乙巳

古之慮非常之原。而真變法之擔保也。然惟其爲真變法。而所謂法之質性。變之方法。皆不可不研究之矣。嘗試論之。凡合一羣之人。同立一國。其國中必有要質數端。若其無之。不成爲國。一其國之地形也。二其國之生計也。三其國之風俗也。四其國之宗教也。五其國之政治也。此五者。甲可生乙。丙丁戊亦可生丙丁戊。甲如循環之無端。如帝綱之無盡。無一定。母子賓主之可言。若強而言之。則國土者。其種之始祖。從遷徙擇居而得之者。也是爲最初。生計者。因乎土地而有者也。當次之風俗者。因乎生計而成者也。再次之宗教者。因乎風俗而創者也。又次之政治者。因乎宗教而立者也。是爲最後。夫政治既居最後。則當肇有政治之始。其四者之建設久矣。是四者爲因而政治爲果也。四者之歷史。國不同。則政治之條理亦國不同。其中豈無辟王立不合於歷史之政治。然其民不能一日安。則其政治亦無有不歸漸滅。凡其能行之而不廢。循焉而有效者。皆其推本於歷史者可知也。今試以東西洋之實事證之。當人類初祖之居高加索之高原。此說亦有人說之其質性大約無甚懸殊。其後一遷於西海之濱而爲歐人。一遷於東海之濱而爲亞人。西海之濱地勢披離。海灣錯雜。故其民大都分據立國。不利統一。往往一島之地。一灣之瀉。聚百十人。即爲一國。國土既小。彼此並立。斯出產微。競爭烈。而一切重工商。尙武事。貴人權。之道皆不能不行。東海之濱。

地膏腴而完整以中國論之北負沙漠西帶天山東南襟海中間大江大河東西橫貫之凡處皆成沃壤其地最利耕耨者利於統一統一既久則君勢尊人權微武事賤工業不進而賤商自今日而觀之其殊異可謂甚矣當其初祖自高原分東西而去之日不能知其子孫受如此之果也然而既已受如此之果則無一不自食其蔭此所種之因無一毫能假借者矣而析亞歐二洲而各言之亦國有微異如俄之於歐洲各國則因曾受蒙古人之教化故政體獨與歐洲各國不同日本之於亞洲各國則以曾受中國古時之教化而獨未爲別種所壓制亞洲各國雖無有故習尙又與亞洲各國不同循是以往更僕難終所謂松直棘曲鵠白鳥玄皆有原因也要而言之可見致治之密合於歷史幾如在躬之衣服其長短必符乎身攻疾之藥石其寒熱必視乎病斷無可易國而治之之理夫如是則治國之道可以閉關自治純以吾道行之乎是又不然純以吾道行之此數千年以來政治所以日窳也今惟就各國之政治觀其所從來而究其所終極各得其所所以然之故而用之以比例吾國之政治然後能洞悉吾國政治因果之理於是會而通之以改良吾國之政治將來再因政治之效力而使所受於歷史之諸因漸以轉移以達今日變法之目的若漫然擇外人一二事以施之吾國是何異借長短不同者之衣而強服之乞疾病不同者之藥而強餌之非徒無效而

其害亦豈有極哉

論中國民氣衰弱之由 本社撰

申蘇

一百五十四

八月

昔中庸言中立而不倚。強哉矯。周易乾卦亦曰。天行健。君子以自強不息。蓋自立斯能自強。自強斯能不息。吾觀秦漢之間。國多游俠之民。而東漢之時。士氣益振。降及宋明。朝野之間。莫不尊崇氣節。夫民氣既伸。則立朝之士。克以風節自持。足以斥權姦而伸清議。服兵之民。克以堅剛自矢。足以固軍志而張國威。此國體之強所由原於民氣也。乃近世以來。民氣日弱。說者多諉咎於政體之專制。然吾觀於物理學之言矣。凡壓力愈加者。其抵抗力亦愈甚。則專制政體不足以鉤抑民氣。明矣。蓋民氣積弱之由。原於學術。而非原於政體也。試即中國學術之足以弱民者言之。敬者。肅警無逸之謂也。故古人訓教為警。恒釋曰。敬警也。所以戒民之怠逸。放縱也。自宋儒以主一無適。解散字。而世之論敬者。僅期於束身寡過。求之於身心。而不復應之於作事。以心之寂然不動者為敬。內省而拘。外慎而泥。求其心而適以細其心。適成為拘淺之儒而已。何足為敬哉。誠者。真實無妄之謂也。故大學言致知然後意誠。誠以實驗之學明。則一切妄誕不經之說。即可洞悉其非。是誠指觀物而言。非指治心而言也。自後儒以惴惴無華為誠。而世之論誠者。始以迂謹守其身。而託為老成持重。適一無刺無

非之鄉愿而已。何足爲誠哉。自後儒以誠敬爲美名。中國人民始託樸素樸誠之名。以自藏其拙。考之說文。則木之已伐。未裁者爲樸。夫天之生才。所以爲世用也。始終於樸。則終於無用之才而已。且草昧之民。最爲朴素。民既開化。則文物日增。斷無反朴歸真之一日。乃老子創朴素於前。欲反世風於太古。而才者甘於自棄。不才者借以藏身。而天下無一能爲之人矣。自朴素之說行。而懈惰之民。莫不惡勞而好佚。又慮安佚之不可爲訓也。乃託宋人主靜之說。以自爲名高。阮雲臺先生曰。宋儒每以靜字爲高。則靜之兩得者。其夫事物紛來。非宅心專一。弗克辨析。其是非。是靜乃專心致志。外則心不之謂。非屏絕思慮之謂也。後儒不察。每以靜而託之於誠。見人民之喜事者。則斥爲不才。械其手足。繫其心思。可謂顛倒是非者矣。既以主靜爲美詞。復以好動爲大戒。而勇武之民。莫不喜動而惡靜。觀中庸以勇爲達德。而宋儒之解勇字者。則釋爲斷私克欲。夫民之所以有勇德者。以其有剛強不屈之氣也。而斷私克欲之弊。至斥剛強不屈爲非。習俗相沿。而武健之風。流爲怯懦。此則倡主靜者之失矣。自主靜之說行。奉其說者。莫不奉保守爲宗旨。又慮進取者之不甘保守也。乃飾柔字爲美詞。夫柔字之說。乃陰謀家之權計也。今也以柔爲美名。使天下之士。悉出於奴顏婢膝之一途。不復以競爭爲志。非民氣積弱之一大原因哉。甚至以中立爲中庸。以恬退爲能讓。以謹愿爲誠。

批說

篇。以。機。重。爲。斂。才。換。其。立。說。之。原。莫。不。喜。弱。而。抑。強。進。愚。而。黜。智。而。愚。民。弱。民。之。說。適。足。便。君。主。專。制。之。私。此。又。學。術。之。影。響。於。政。治。者。矣。今。欲。民。氣。之。伸。莫。若。使。天。下。之。民。曉。然。於。偽。學。之。非。化。愚。爲。智。化。弱。爲。強。庶。愚。民。弱。民。之。政。策。可。以。消。解。於。無。形。此。則。中。邦。強。國。之。基。也。

衛生論 錄乙巳五月初八日漢口日報

衛生之學。創自歐洲。西士恆言。其國。度。愈。文。明。民。族。愈。貴。重。則。衛。生。之。法。愈。益。精。密。反。是。者。國。必。弱。民。必。劣。飲。食。居。處。之。間。齷。齷。污。穢。不。可。嚮。邇。小。之。一。身。一。家。受。疾。疫。呻。吟。之。苦。大。之。全。國。全。種。蹈。天。演。銷。滅。之。慘。萌。牙。極。微。蔓。衍。至。廣。衛。生。學。之。關。係。不。綦。重。哉。

考衛生家之原理。大端不外於醫。中國古世所傳。若周官醫師。掌醫之政令。凡邦內有疾病者。疴。癘。者。造。焉。則。使。醫。分。而。治。之。歲。終。稽。其。醫。事。以。制。其。食。又。有。食。醫。以。調。護。於。未。病。是。三。代。盛。時。於。百。姓。衛。生。國。家。實。有。干。涉。權。而。本。草。靈。素。諸。經。更。爲。醫。學。鼻。祖。奈。後。世。習。其。術。者。沿。譌。襲。謬。泥。古。鮮。通。是。非。深。淺。國。家。並。不。過。問。至。如。西。醫。競。尙。新。法。新。器。以。研。究。精。微。更。無。聞。矣。致。令。醫。學。失。傳。而。衛。生。之。學。亦。因。之。放。棄。而。不。講。

中國衛生學。既誤於醫師之蒙昧矣。竊謂儒家道家。尤爲衛生家之大阻力。何以言之。自漢以後。儒者多尙刻苦。往往身都將相。猶以起居簡陋爲榮。在上者提倡如斯。在下者更不敢

妄。奢。念。設。想。近。日。西。人。之。服。用。修。潔。鑒。既。精。良。勢。必。爲。儒。者。所。譏。訕。是。儒。家。與。衛。生。不。能。相。合。也。漢。初。舉。國。重。黃。老。迨。至。武。帝。致。用。儒。士。而。神。僊。不。死。之。術。雜。糅。以。進。導。引。飛。昇。荒。渺。怪。誕。不。求。其。實。專。求。其。靈。奚。獨。不。能。長。生。且。更。自。戕。壽。命。是。道。家。與。衛。生。不。能。相。合。也。芒。芒。禹。甸。歷。歷。神。州。數。千。年。來。國。與。民。不。知。衛。生。關。係。絕。重。遂。至。路。政。不。修。關。關。壘。隘。行。其道。則。塵。沙。蔽。空。入。其。室。則。黑。闇。世。界。若。謂。風。俗。使。然。驟。難。革。變。何。以。通。商。租。界。一。經。外。人。居。留。卽。頓。改。舊。觀。非。復。華。街。景。象。卽。雜。居。內。地。之。教。堂。亦。復。洋。樓。高。矗。窗。闥。洞。開。足。以。收。納。空。氣。比。之。華。民。住。屋。眞。有。天。堂。地。獄。之。分。吾。聞。美。屬。檀。香。山。有。所。謂。唐。人。街。者。皆。中。國。居。留。人。僑。寓。街。市。房。屋。之。穢。陋。無。異。於。內。地。美。人。深。惡。之。曾。假。防。疫。之。令。舉。火。焚。其。大。半。流。離。呼。號。慘。不。忍。觀。豈。華。民。性。不。愛。潔。雖。受。外。界。之。感。觸。亦。不。能。少。變。耶。嗚。呼。不。明。衛。生。其。禍。烈。矣。今。之。策。強。國。者。以。教。育。普。及。爲。第。一。要。義。然。強。國。必。先。強。種。則。國。民。衛。生。尤。爲。教。育。之。原。質。故。歐。美。日。本。各。學。堂。無。不。注。重。於。體。育。而。醫。學。全。體。更。有。專。門。以。考。驗。國。民。之。強。弱。自。幼。稚。以。逮。壯。盛。日。用。動。作。之。間。莫。不。有。舒。暢。生。機。之。趣。尙。武。精。神。積。微。理。想。皆。藉。此。而。超。其。程。級。衛。生。之。效。洵。宏。著。矣。固。非。膏。粱。文。繡。日。食。萬。錢。縱。情。恣。慾。流。連。荒。嬉。者。所。得。藉。口。彼。野。蠻。之。豪。侈。豈。有。當。於。衛。生。之。道。哉。

論勇敢 錄乙巳五月十四日嶺東日報

國之興廢。強弱。繫乎民民之所以形此興廢。強弱者。全視乎氣之勇敢與頹散。勇於求學術。則社會之智識廣。勇於言事功。則富強之效驗著。勇於急公義。則文明之事業出。勇於扶同類。則國家之基礎固。勇於明公道。祛非理。則人求得良善之域而處之。一切禍害侮辱。無得而成立。勇者。乾道也。德之至要而不可缺者也。西人之言社會進化者。曰冒險。曰進取。而稱羣國政治者。又必曰自由。曰獨立。夫孰知皆由勇敢之氣發揮而出者也。惟仁智乃能有勇。惟勇斯得成其仁智。勇之爲義大矣哉。

然而人之生斯世也。苟猶有血氣存者。其必求我之學藝。我之名譽。有以過乎人者。此人情也。其必欲使我之富強。非人所及。決不願人之勢力。反以壓倒我者。亦人情也。其必愛恤同類。親近同類。不與異類等視者。此人情也。其必因親近愛恤之心。轉而互相保助。以排虐害而邀幸福者。亦人情也。則凡常人之情。本莫不含有勇之氣。而勇敢者。即所以造於人情之極。則宜民莫不有勇。以各趨乎興者。強者而決不甘自流於廢而弱也。明矣。

於此而有嗒然頹散。絕無奮勇之志者。必其恥心之先滅絕已盡者也。不知身與國之關係。國受人之侵削而將亡。種爲人斯卑賤而將絕。而彼以爲其身尚無恙。瞭然不顧爲恥。不

知身與羣之關係。羣之顛危已甚。困斃者衆。挽回之機。爭乎一線。而彼以爲於身無涉。矇然而不以爲恥。不知身與人之關係。覆巢之下無完卵。人皆死而我豈能獨生。人皆絕而我豈能獨存。同舟共相解救。或可得濟。而彼以爲於身何預。坐視淪溺。矇然而不以爲恥。無恥故無勇。無勇欲求不廢弱而不可得。

恥亦人類生有之性。而非易滅絕者。其滅絕而至於盡也。要亦必有其故。有壓制其心性使之不得不出於無恥而不得有恥者。而後恥心消。專制暴虐之夫。私天下爲己物。策人民若牛馬。利重柄之獨攬。以大快其淫慾。慮其民之恥而不爲己用。以嚴刑芟夷之。恐其民之恥根未斷。以巧術籠絡之久。而全國皆覩顏無羞之物。即有稍明於廉恥之義者。轉而爲人僂笑。夫然而民之知恥者鮮矣。有習染以磨滅人之廉恥。人不以無恥爲恥。而後恥心無復存。世之無人理者久。習俗之中。流有種種惡毒。父兄師友。皆相戒以毋動爲大。含忍爲貴。少年血氣未泯。相率詆爲輕狂。久而人中麻木不仁之病。舉痛癢而忘之。至此而求民有一知恥者。殆鳳毛麟角之難矣。則賊之者。君主而成之者。僞儒也。

故夫善治國者之於民也。必先求其有恥。法以敗狀激其民。不數年而富強重整。日以俄仇厲衆志。至今日而大願卒償。此其對於外敵而發者也。若夫經營內政。授民以權利。俾民以

社說

一百六十

八月

自治。皆所以使民知身與國與羣與人之關係。而鼓舞其恥心者。夫民固有恥。其不然者。強禁之耳。一旦勵而勸之。則其奮志有不可遏。而其勇力有倍加者矣。故東西各國之興也。勃焉。

而奈之何。當國者。處世界競爭劇烈之中。猶不以厲民恥心爲計。重持其腐敗之積習。日陷民於無恥中。壓抑之。困迫之。又或從而籠絡之。皆使所以習成其奴隸之材料。故其位之上者。變本而厲。轉而求媚乞憐於外人。而其處乎下者。聽種國之陸沉。各顧其小己之私利。民無恥。則無奮勇。無奮勇。則無國。其不可問矣。

故君子曰。知恥近乎勇。欲使民知人人奮勇。在有以養其羞恥心。

論東三省終宜開放 錄乙巳五月二十九日時報

保全東三省之法。自來無上策可言。而以開放其地。貿易無禁之說。爲僅得其次策。此固日俄未戰之前。有識者之所主持也。今者兩強之競爭略定。則東三省問題之究竟。亦將以此時判之。夫東三省之地。在今日。不慮其不還。而竊恐其所謂還者。於名實之間。未必相副。則其主權亦終非我有。此殆必至之勢。必欲斬免於此。則仍視我之實力爲衡。蓋使土地得還。而我之兵力財力足以自守。則其主權亦自非他人所能侵奪。若其反是。則他人雖盡奉。

其主權還我而我之力既不足以舉此主權亦終必至於放棄故爲東三省異日之計宜簡練軍實首以徵兵之制行之務使數年之後三省之間人盡皆兵如此然後足以自守而主權之實可言此實不易之理雖然理論則然而揆諸事實則此說過高其能否辦到非記者所敢預斷且卽如所言然練兵之事至速非五年不能成軍而此五年之間俄人之捲土重來時時可慮則不得不別求一策於此五年之中可以爲抵制俄人之計者如此則捨開放之說無從矣且也東三省固要而他方亦未嘗不要今者俄見挫於日未必不求償於我而其謀我之道則自東三省以外如南北回疆如內外蒙部如藏衛一帶在在皆可以進兵中國之所以應之者左支右吾乃於是太困不獨東北可危而西北蔓延數千里亦無一不當戒嚴者在彼可以處處侵入在我卽不能不面面設防此在兵力方張之國猶且病之矧以中國處此而欲應敵不懈者無是理也如此則非開放東三省之門戶隱藉列國以牽制俄人使東北之患畧紓而得以其全力備俄於西北不可矣而或者乃以開放東三省未必爲日本所許爲疑此蓋以日本在韓國之行事爲例以爲日本之於韓國得之甚易而其壟斷實權已如此則於東三省之百戰而得之者其必把持權利而不肯公之於衆可知夫爲此言者是猶未察乎日本之內情者也以日本國小而人衆其亟欲得地以殖民也固然其於

孱弱之韓國。實已久抱此想。然其通國民數不逾五千萬人。既得韓國八道之土。以供其拓殖利權。似已足給。故其在韓之壟斷也。誠然。然不必於全韓之外。更有他求。以蹈務多而荒之弊也。至其所以爲東三省而戰者。誠有怵於存亡之慮。非驅俄於東三省之外。則不可以有韓。且亦不足以自保。而又加以歷史之感慨。近則三韓之干與之遠矣故其所以爭之者。若是其烈。然固非有殖民之見存。得之雖難。而其所以視東三省之初意。固與其視韓國迥殊。必謂欲以如此遼闊之幅員。據爲私有。屏他人於門外。坐令地有遺利。是亦斷非日本之心矣。且以往日俄人之恣肆。然於開放東三省之說。猶不敢顯有違言。且一再宣言於列國。謂開通政策之當遵。而俄國並無阻列國通商滿洲之意。蓋俄人當日不過劫持中國。使不敢行其開放之策。而固未嘗自拒列國之來。今中國若以開放之說宣言。而謂以日本之文明。於此反加阻撓。此亦情理之所必無也。故爲今日計。欲保全東三省。則開放之說。終宜必行。而誠欲行之。則自不能不通告日本。使知中國之真意。仍在防俄。而免其誤會。至於開放之可否。則似不必質諸他人也。惟開放之說。與作爲公地異。不可不辨。此則詳悉之條例。當俟諸異日實行之時矣。使果能及此。則東三省之以開放而保全者。亦何異比利時瑞士之永遠中立。而蘇彝士河之列國公用乎。

論小說與社會之關係上 錄乙巳五月二十七日論報

自小說有開通風氣之說。而人遂無復敢有非小說者。

雖然。我今欲問小說果何爲而能開通風氣乎。解之者曰。小說之入人也易。故人咸樂觀之。樂觀之故。易傳之。又曰。投其所好者。則人之聽之也順。而易拂其所不好者。則人之聽之也逆。而難小說者。人人所共好者也。故易投之。然則我請爲之申其意曰。小說之能開通風氣者。有決不可少之原質。其二曰有味。其一曰有益。有味而無益。則小說自小說耳。於開通風氣之說。無與也。有益而無味。開通風氣之心。固可敬矣。而與小說本義未全也。故必有味與益二者兼俱之。小說而後始得謂之開通風氣之小說。而後始得謂之與社會有關係之小說。此小說與社會關係之第一解也。

雖然。我尙欲問小說果何如而後始得謂之有味有益乎。有味之說。解者固易。其立格也奇。其運思也巧。其遣詞也綺麗。明達有益之說。論者各異矣。巧辨之士。固無一不可牽合之爲有益也。記放縱之事。則曰養國民慷慨之氣也。記委靡之事。則曰去國民粗暴之氣也。記殘酷之事。則曰恐我國民之性之不深刻也。記淫蕩之事。則曰哀我國民之性之不活潑也。而其實施之於實事者。亦誠有如此者。凡有一事。正面視之。而以爲善者。背面觀之。而卽以爲

社說

惡矯枉者不能不過正。過正者不能不有流弊。知其流弊而用其矯正之術，是在提倡小說者之善察社會情形而已。此小說與社會關係之第二解也。

雖然，我尙欲問提倡小說者於社會情形如何體察之而始得謂之善乎？我聞小說之所以有益於社會者，爲其能損益社會之過不及而劑之於平也。欲損益其過不及，當先知其過不及，故提倡小說者之體察社會體察社會人情之過不及而已。知其過而後能損，知其不及而後能益。若不知其過不及而漫然損益之，損其所不及而益其所過，則是以水濟水，以火濟火，未見其益而先蒙其害也。雖然，理更有進者，提倡小說者之當察社會之過不及固矣，然而所謂過所謂不及者，其端亦甚不一也。一國之中，智愚不齊，風土亦不一甲，以此爲過焉者，乙或以彼爲過，丙以此爲不及焉者，丁或以彼爲不及。民氣當強也，又當靜；民性當活潑也，又當有節。此非彼是，其說各執，而其理又難一矣。則惟當以國民最多之數與乎時勢最急之端，以及對於外界競爭最有三者以爲之準已耳。此小說與社會關係之第三解也。

知此三解以提倡小說，小說固爲開通風氣之小說，不知此三解以提倡小說，小說或至爲閉塞風氣之小說。今者小說之出版多於其他新書矣，愛閱小說者亦甚於愛閱其他新書。

矣。小說影響之及於他日之社會。可斷然言也。今日所出版之小說。果能一一有當於以上所言三解乎。竊謂今之投筆於小說界者。亦有三解在。其一固欲藉此以開通風氣也。其一則爲名者也。其一則爲利者也。夫爲名爲利。苟非木石人。安能免。第只爲名利計。而一不爲社會計。以開通風氣之資。而致得閉塞風氣之果。竊意提倡小說者。不能辭其咎也。心有所感。不嫌固陋。貢其所見如此。作小說與社會之關係論上。

論小說與社會之關係下 錄乙巳六月初八日時報

小說與社會之有關係。前篇既畧論之矣。然則當今日而論我中國之社會。其於小說宜提倡之點。究當如何。試就我見所能及者。再畧言其一二。

其一當補助我社會智識上之缺乏。夫我社會所以沉滯而不進者。以科學上之智識未足。故也以物質上之智識未足。經驗故也因之而安於固陋。入於迷信者大半以此。若提倡小說者而能含科學之思想。物質之經驗。是則我社會之師也。我社會之受其益者當不淺。雖然尤有一事。我社會之所以衰弱而無力者。以國家思想之薄弱也。已與國家無關。國家與己無與也。故一聽其腐敗滅亡而無所顧。若提倡小說者而能啟發國家之思想。振作國家之精神。是亦我社會之指導者也。我社會之受其益亦必不淺。我社會智識之缺乏。雖不

一。端。而。今。日。所。最。宜。補。助。者。莫。如。斯。二。者。
 其。一。當。矯。正。社。會。性。質。之。偏。缺。夫。我。中。國。土。地。不。一。風。俗。不。同。南。北。人。之。性。質。判。然。各。別。若。
 欲。矯。正。其。偏。缺。自。非。一。端。所。能。盡。然。若。論。其。大。實。亦。共。本。而。同。源。試。再。一。言。其。矯。正。者。之。
 所。宜。急。與。夫。性。質。之。偏。執。者。其。一。曰。深。厚。夫。性。情。之。深。厚。必。由。於。智。識。之。廣。博。以。我。社。會。若。
 是。之。智。識。而。欲。求。其。性。情。之。深。厚。不。可。得。也。然。若。我。國。今。日。社。會。之。淺。薄。實。有。出。於。意。料。之。
 外。者。人。只。知。有。目。前。而。不。顧。日。後。只。知。有。一。己。而。不。顧。大。局。此。欺。騙。苟。且。之。事。所。以。日。多。而。
 人。心。所。爲。不。古。此。惡。劣。之。性。質。宜。急。救。藥。之。不。然。將。爲。天。折。種。族。壽。命。之。第。一。病。根。其。二。曰。
 精。細。文。明。人。之。所。以。與。非。文。明。人。相。異。者。文。明。人。心。思。複。雜。而。非。文。明。人。心。思。簡。單。也。白。色。
 人。之。所。以。與。他。色。人。相。異。者。白。色。人。性。情。縝。密。而。他。色。人。性。情。粗。忽。也。而。我。國。人。之。粗。忽。性。
 又。若。天。成。者。不。知。事。者。醉。生。夢。死。知。事。者。奔。走。呼。號。而。已。不。任。事。者。百。事。不。問。任。事。者。一。發。
 難。收。而。已。知。事。者。與。不。知。事。者。任。事。者。與。不。任。事。者。至。其。究。竟。皆。不。能。成。一。事。者。皆。此。粗。忽。
 之。性。賊。害。之。也。此。惡。劣。之。性。質。又。宜。急。救。藥。之。不。然。將。爲。斷。喪。國。家。元。氣。之。第。一。病。根。
 更。進。而。論。之。則。有。二。事。其。一。曰。無。復。仇。之。風。夫。復。仇。天。性。也。孔。子。之。教。曰。君。父。之。仇。勿。與。共。
 戴。天。兄。弟。之。仇。不。同。國。是。孔。教。許。人。以。復。仇。也。耶。穌。之。教。曰。復。仇。者。至。公。平。者。也。是。耶。教。亦。

許人以復仇也。吳王呼而敗。越人臥薪嘗膽而沼吳。人民有復仇之精神。而後其國乃能無外侮。逆來而順受。唾面而自乾。苟無深心。徒招人侮。古人有言曰。夫人必自侮而後人侮之。我得再進一義。以爲之解曰。夫人必見侮於人。而無所報。而後人得無所顧忌。而爭侮之。呼馬應馬。呼牛應牛。此我國人之普通性質也。其有不應者。亦表面上之自好者耳。此亦我社會性質之一大缺點。此惡劣之性質。亦宜急救藥之。不然。將爲降低人格之第一病根。其一日無尚俠之風。夫我中國之所以腐敗而各事不舉者。以各種人於己所應爲之事。不能盡力爲之也。然又有一故。則以非己所應爲之事。不肯仗義以爲之也。而社會之性情。遂因之委靡。而不振。譬如遇順境。身所不能計。深遠縝密者。人亦無有出而代爲之計。慮又如遇逆境。身所不能親爲。報仇者。人亦無有路見而代抱不平。夫天下之事。不過己事與人之事耳。己既不自振。人又不扶助。雖欲社會上事有一不腐敗而不可得也。此惡劣之性質。亦宜急救藥之。不然。將爲墮失人道之第一病根。今使假定一事。以明言之。一事之來也。其初以智識。不若人。故茫然而不知之。其繼一聞人發起。以性情粗忽。故轟然而交。關之及事。既入手。以謀慮不深。遠故雜然而無所紀。既事稍見阻害。當事者無報復之思想。不與事者無扶助之心。思忽而中止。寂然而無聞。而其事遂



社說

長。此。而。終。古。此。我。社。會。所。以。每。遇。外。事。而。無。一。不。敗。者。也。
既。論。小。說。與。社。會。又。於。我。國。今。日。之。社。會。而。述。所。見。如。此。作。小。說。與。社。會。之。關。係。論。下。

一百六十八

八月

商務印書館出版
國文類教科書

文學初階

初等小學用

卷一卷二卷三卷四每冊一角
卷五卷六每冊一角五分

紹興杜亞泉著○書分六卷自淺入深循循善誘始以一二字相聯綴導其先路繼以三四字成詞句接其進步依次遞進如升階然篇中詞句淺近意取明晰務期童叟易悟附圖數百幅凡飛潛動植服飾器用等類靡不惟妙惟肖首卷並列教授諸法尤便講解學生約半年讀一冊足敷三年教課之用

馬氏文通

每部八冊
價洋一元二角

丹徒馬建忠著○馬眉叔觀察精通西文字會惠教文集紀其在法國學校卒業考試情形可爲我國言西學者之先進矣是書專論中國文法統解詳明開數千年未宣之秘觀察自序謂積十餘年之勤求探討方成此編可想見其下筆不苟今承書主以是書歸本館專印專售現售馬氏自印石印本

漢文教授法

每部二冊
價洋六角

偉廉主人譯輯○作文之學中國向少法程初學恆以爲苦是書採探古大家名文辨別體裁區分門類由句法而段法而篇法逐一講明條理清晰教授之法此爲捷訣

伊索寓言

每部一冊
價洋三角

國蘇林軒侯官嚴培南嚴璣合譯○伊索產自希臘距今二千五百餘年是書藉草木鳥獸間答之言描寫人情世態使人知所勸懲泰西各國學堂無不譯成本國文字用爲課本是書據英文本譯出詞筆雋雅足稱原書聲價林君並逐課附加案語發明真意旨深詞隸附圖數十最資啓發誠少年絕妙之教科書也

商務印書館新編
高等小學教科書

最新

理科教科書

四册全

每部大洋八角

是書爲山陰謝洪資先生所著並由日本前高等師範學校教授新保磐次君山陰杜亞泉先生參訂材料精當部次分明最便初學附印五彩圖及精圖三百餘幅書共四册每册四十課每星期教授一課以一年畢一册誦習既竣不患無普通之知識矣○教授法稍緩出書

最新

地理教科書

四册全

每部大洋五角

是爲高等小學堂第一第二兩年之用共四册每册四十課每一星期教授兩課以半年畢一册前一卷論中國後二卷論外國皆按最近情勢立論敘次明晰詞旨簡雅可爲初學精本梓印銅版精圖一百餘幅幼童讀之尤有興味○另附五彩地圖一册價洋三角

諭旨

六月初四日至十九日

旨刑部安徽司主事著蔣德補授雲南劍川州知州著溫煥文補授廣東永安縣知縣著黃秉榮補授四川內江縣知縣著渠源浚補授四川大足縣知縣著李發新補授雲南河陽縣知縣著王景榮補授四川樂山縣知縣著周廷華補授貴州貴定縣知縣著斌術補授截取舉人朱槐之著以知縣用馮應華著以教職用謝頌品著以知縣用王汝明著以教職用唐生鏞著以侍衛用立方著以文員用沈承烈著內用宋振鈞著外用楊承業著外用何堯著外用張建茹著內用蕭有梧著外用龐樹祥著外用翰林院侍講著貴福補授浙江道監察御史著王步瀛補授保舉山西候補直隸州知州劉承勳山東候補知縣張岳陝西候補知縣文煒浙江候補知縣李時毀湖南候補知縣蕭鳳儀貴州候補知縣葉桂榮俱照例用職取刑部郎中曾鑑魏聯奎俱照例用俸滿南城正指揮周士傑著照例升用保送直隸州吏部主事玉崑著交部記名以直隸州知州用奏留吏部學習郎中鍾岳主事王慶珍七品京官高稔俱准其留部擬補吏部主事慶隆著准其補授盛京將軍衙門管糧主事著維明補授擬補盛京刑部筆帖式依藍阿熱河都統衙門筆帖式松闊俱准其補授擬補山東蒲台場批驗所大使王宗達福建莆田場鹽大使劉朝柱廣東茂輝場鹽大使高恭福俱准其補授欽此

六月初四日

上諭七月初一日孟秋時享太廟朕親詣行禮後殿派亨勒赫行禮兩廡派英俊立瑞各分獻欽此 初五日

上諭裕德著充國史館總裁欽此 上諭此次考試出洋畢業學生著學務大臣會同禮部於本月十二日帶領引見欽此 初六日

上諭查順著留京當差烏里雅蘇台將軍著馬亮調補欽此 上諭伊犁將軍著長庚補授欽此 初八日

上諭崇善奏甄別庸劣不職各員據實參劾一摺福建候補同知龔鴻禧好甚深性情委瑣延平府上洋通判戎陳獻身庸庸疾政治多疏試用通判金成性情怙達素好嬉游彭壽松行止乖謬遇事生風前署屏南縣知縣候補知縣韓沐之信任丁胥事權旁落前署同安縣知縣候補知縣劉威捕務廢弛擅挪公款候補知縣方昭恩性耽嗜好難期振作試用縣丞陳國昌嗜賭營私福甯府左營游擊陳念祖營務懈弛前署浙江太平營參將候補參將楊熙春縱兵滋事浙江口口協都司何見龍居心巧詐太平營守備楊雲生營務廢弛著一併革職福建廈門同知黃樹鈔才欠開展不堪煩劇著開缺另補上杭縣知縣謝聖燮性情迂執短於聽斷惟文理尚優著以教職歸部銓選以肅官方該部知道欽此 初九日

上諭兵部尚書著鐵良兼署欽此 初十日

上諭本日引見之出洋學生金邦平唐寶鐸均著給予進士出身賞給翰林院檢討張瑛緒曹汝霖錢承鈞胡宗漢嚴震均著給予進士出身按照所習科學以主事分部學習行走陸宗輿著給予舉人出身以內閣中書用王守善陸世芬王季善高淑琦沈琨林榮均著給予舉人出身以知縣分省補用欽此 十二日

上諭方今時局艱難百端待理朝廷屢下明詔力圖變法銳意振興數年以來規模雖具而實效未彰總由承辦人員向昧講求未能洞達原委似此因循敷衍何由起衰而救危茲特簡載澤鴻慈徐世昌端方等隨帶人員分赴東西洋各國考求一切政治以期擇善而從嗣後再行選派分班前往其各隨事詢悉心體察用備甄採毋負委任所有各員經費如何撥給著外務部戶部議奏欽此 上諭著派貝勒載瀛前往 東陵守護欽此 上諭陝西陝安鎮總兵員缺著傅殿魁補授欽此 旨分發江蘇試用道助蔣家駿舒體元林兆緒河南試用道朱恩梓江西補用知府張元慈

浙江試用知府羅麟超湖北試用知府李汝釗山東補用同知陳觀圻四川補用同知周子燧江蘇試用同知李慰
慈山東試用同知董大年福建試用同知傅勳廣東試用同知屈厚善安徽補用直隸州知州旭愷河南補用知州洪霖
兩浙試用鹽運副儲鳳嶺山東補用通判朱方飴直隸試用通判葉徵山東試用通判張福平金炳謙山西試用通判王
淑先廣東試用通判林瑞年福建試用通判黃會學陝西試用通判鄭有容兩淮試用鹽運判屠連長廣試用鹽運判丁
蔭永山東補用知縣張乘澤廣東補用知縣董崇舒直隸試用知縣楊作楫劉沅江蘇試用知縣繆祖儀鍾尚俊劉鴻孫
寶瑞林韶貽陳國培劉鼎鑾安徽試用知縣徐錫鳴談長庚山東試用知縣王允濟山西試用知縣鍾仁壽河南試用知
縣陳炳熙朱士沅浙江試用知縣濟斌孫大鵬江蘇試用知縣邱漢聲王慶大楊贊同李克昌吳貞若湖北試用
知縣葉龍會補署湖南試用知縣金世和車廣黃芬蕭登岱廣西試用知縣黃體芬四川試用知縣程際元吳錫福鄭
其超李鑑河南試用知縣程鵬肅甘肅試用知縣吳象恆浙江試用知縣陰立儀四川試用知縣關照福建試用布庫大
使魏煜兩淮補用鹽大使柯汝浙江試用鹽大使阮景檢補署福建試用鹽大使孫汝霖賀美瑜俱照例發往盛京工
部員外郎著恆壽補授職取江南道監察御史王誠義著照例用欽此 諭旨本日引見之明保升用知縣前浙江桐廬
縣訓導官寶書著以知縣用欽此 十四日

上諭翰林院編修陳伯陶袁勵準均著在南書房行走欽此 旨正藍旗漢軍都統著奎順補授欽此 旨著派色楞額
管理御烏槍處事務欽此 旨載功著補授內大臣欽此 十五日

上諭與京副都統靈熙著充 永陵守護大臣協領宗室多文著補授盛京副都統充 福昭陵守護大臣嗣後三陵一
切事務均著盛京將軍隨時稽核欽此 上諭史念祖著賞給副都統銜隨同趙爾巽辦理賑撫事宜欽此 上諭景厚

儒林鍾靈均著來京當差所有五部事務著歸盛京將軍兼管欽此 十六日

上諭張廷煒著開缺另候簡用廣西布政使著張鳴岐署理欽此 上諭奎俊著調補吏部尚書刑部尚書著溥興調補

特爾慎著補授理藩院尚書欽此 上諭張人駿著調署山西巡撫湖南巡撫著張曾敭調署均著迅赴署任欽此 上

諭世續著授爲大學士那桐著以外務部尚書協辦大學士欽此 上諭都察院奏巡城御史用刑不慎據實糾參一摺

前因改定法律停止刑訊甫經降旨乃該御史瑞璐以錢債案件濫刑斃命實屬荒謬糊塗儘予撤去巡城差使不足蔽

辜瑞璐著即行革職以示懲儆欽此 十七日

上諭甘肅布政使何福堃著開缺欽此 上諭吏部右侍郎著增崇調補景厚著補授兵部左侍郎欽此 上諭都察院

左都御史著壽耆著補授欽此 十八日

旨醇毓著調補廂藍旗滿洲副都統所遺正黃旗漢軍副都統著鍾靈補授欽此 旨山海關副都統著儒林補授未到

任以前著協領雙瑞護理欽此 上諭江蘇松江府知府員缺著成揚補授欽此 上諭直隸天津道員缺著毛慶蕃調

補瑞麟著補授直隸永定河道欽此 上諭甘肅布政使著豐紳泰補授王仁寶著補授浙江按察使欽此 上諭我朝

開國以弘矢威天下故向制考驗官員訓練軍士均用騎射所以助尙武功昭示來許惟近來兵法日變器械日新當仰

體 列聖崇武之精心力行有用之實政嗣後八旗王公大臣均當深求兵學修明武備勿尙虛文所有引見人員例應

持弓者著毋庸持弓其出入扈從宮禁守衛官兵所備軍械尤應變通盡善不准虛應故事至挑取各項侍衛技補內外

官員挑選滿漢兵丁應如何驗其學識試其臂力考其藝能之處均著御前大臣會同兵部妥定章程奏明辦理欽此 十

九日

商 務 印 書 館 出 版
類 史 歷

希臘史

每部二冊
價洋七角五分

日本桑原啓一著中國國民書社譯○泰西文化之源欲知歐洲諸國今日之盛不可不知溯流而尋其源是書中載最詳譯筆雅飾蔡氏友先序謂必公歐化家所歡迎非虛言也

羅馬史

每部二冊
價洋八角五分

日本占部百太郎著鄧經陳時夏章起清章師源鎮海胡毅時同譯○羅馬爲歐洲繼古開今之一大關鍵其歷史之關係至要不可不知是書取材繁富紀事詳明著者自序謂英雄豪傑志士仁人聖君賢相文學哲學美術雄辯之輩雲集星羅村望瞻樓無天動地變幻出沒幾如山陰道上使人應接不暇洋洋乎誠史乘之大觀也書中附有人小像十餘幅英姿颯爽面目如生尤爲本書之特色

蘇格蘭獨立史

每部一冊
價洋二角

美國那頓著大館譯○蘇格蘭十四世紀時陷於英國其受壓制之慘幾不忍言厥後豪傑輩出卒能光復舊物再造新邦其編紀其先後戰績及修明內政恢復獨立之事有志者事竟成願我國人取以爲鑑

商務印書館出版
歷史類

法蘭西史

每部一冊
價洋三角五分

本館編譯○凡五卷一上古政治二封建時代政治三立君政治四革命時代政治五今世政治自紀元前迄十九世紀一切人物政教風俗文治武略先後敘載詳審精密我國編譯史書向無法蘭西史此可爲之嚆矢矣

俄羅斯史

每部一冊
價洋五角

俄國伊羅瓦基伊著日本八代六郎原譯本館重譯○俄於我國最有關係其國內情亦最複雜是編起列侯時代迄前皇亞歷山德三世疆域之開拓政治之變遷鄰交之得失君權之隆替原原本本記敘賅博

日耳曼史

每部一冊
價洋七角

英國沙安著江甯張鑄譯○書凡二十章三百八十三節自古以至近世其中盛衰分合吞併攻奪之迹靡不具載日耳曼處歐洲中原其先爲無數小邦互相軋轢幾無常日自威廉第一勝法後克成一統之業內安外攘遂稱雄於世界世有抱轉弱爲強之志者不可不熟觀其書

埃及近世史

每部一冊
價洋四角五分

日本柴四郎著本館譯○埃及久困於土耳其其洎讓罕默德阿梨起能與土抗雖未能完全自主而英名偉績固已炳耀寰區祇以繼體無人遂爾凌替其弊在國是不定舍己從人一切變法皆爲取悅外人之具故其事有損而無益終不免於亡國之慘誠我國之殷鑒也

內務

論公布政務 錄乙巳五月十二日時報

御史黃昌年奏請凡創改章程及議定事件。其業經奉旨允准者。應由政務處刊布。以昭示天下。下政務處議。議准覆奏。制曰可。記者曰。善哉。黃侍御之知治體也。揭我國數百年神祕政治之黑幕。以實行法律公布之善制者。其在斯乎。

今夫一國之政治。一國國民之公事。亦一國國民所當共聞者也。周禮六官。歲時布治於邦國都鄙。則懸法於象魏。使民觀治象。而州長黨正。亦有屬民讀法之典。治教禮刑與民共見。法至善也。後世霸天下者。以國家爲一人之私產。卽以政治爲一人之家事。發政布治。專爲私有。以爲非民庶所宜預聞。且一切舉動。無一不出於私。儻與天下以共見。共聞。使天下得以窺見其私。則於霸者大不便。且政令卽有乖錯。人人皆所目覩。各自心非。巷議以非上所建立。人皆得持正義相與議法。教之制以持上之短長。則尤於霸者大不便。於是行用愚民之術。謂民可使由。不可使知。一切政治。務爲祕密。自秦以來。霸天下者。罔不遵用是術矣。馴至今日。而其弊遂達於極點。故非但蚩蚩者之不能預聞國政也。國家有所舉措。樞府二三

人。聚議密室。議定徑下所司。外此則雖各部堂官。督撫大吏。不能與聞其事。而各省疆吏。亦復遵用其術。各自爲謀。不相聞問。是以上下壅閼。中外隔絕。有所舉措。則彼此互相錯誤。矛盾而或不可行。更其甚者。一朝律法。不許民間誦習。惟任吏胥專據。輕重出入以爲奸。蓋政治之神祕。至斯而極。而國事日紛。民智日啟。其事勢固亦窮而必變者也。

人治國之進於法治國爲之過渡。而遞嬗者其法律公布之事乎。國民之要求權利也。以法律公布爲第一要義。必如是而後上下有公守之法。而制治者不能任意輕重於其間。而國家之行用法治也。亦以法律公布爲第一要義。必如是而後人民確知法律之爲何物。而政令乃利於推行。是故歐美法治國之制定法律也。其法既已成立。必俟公布之後。其法律乃有效力。此固法學之通義。而文明諸國之所盡同者矣。我國固無所謂上下公守之法也。卽一切政治。亦皆置之一二官吏之掌握。甚深祕密。不與人以易知。官吏知政治之在彼掌中。人莫能窺其私而發其覆也。則肆爲奸欺。而無復畏憚。而國民亦以爲國家大事。非吾儕所得預聞。則漠然不復過問。故國家思想日萎。而政治知識愈衰。今創改章程。議定事件。既許刊布宣示矣。內外不隔。彼此裒通。雖有汚吏不能壅蔽以爲姦。且施一政。議一事。是非得失。爲天下所共見。共聞。卽欲爲奸利以自私。亦有憚而不敢妄動。況乎政論。國聞。日摩切於國。

民之耳目。則國民之政治思想。必驟增其熱度。各奮精力。以研求其得失利害。以習練其政才。上以除官吏之隱蔽奸欺。下以發國民之政治思想。我國庶可出神祕政治之時代。進而爲法律公布。以從文明諸國之後乎。然則今日此舉。其可謂過渡時代之過渡也已。

論各部擬設丞參事 錄乙巳五月二十七日中外日報

自光緒二十七年。以總理各國事務衙門改爲外務部。其官制則侍郎之下。新設左丞右丞二員。三品正左參議右參議一員。四品正其後商部繼之。而丞參之權尤重。各部觀其然也。於是亦欲各倣其制而行之。去年趙次山尙書任戶部。首創此議。朝列之中。多聽其說者。故其論益盛。聞近日已有定議。不久將見諸實施矣。記者不揣。願就其事以推論之。

添設丞參之議。記者於此頗表同情。何以言之。蓋向來各部之制。自侍郎以下。郎中以上。中間升階隔絕。各部司員。類皆以京察外轉爲希冀。舍此一途。則惟有終老郎署而已。否亦轉涉閒曹而已。任事雖勤。而其於本部也。斷無可以馴致堂官之望。坐是之故。其視本衙門若傳舍而已。其身如過客。然其必不能有志釐革。以忠於其事。明矣。即使有一如此之人。而其人既以勤能著。則不能無以獎勵之。且其資格既深。循分亦富。遷擢如是。則其人非外授道府。卽內升卿寺。終非原衙門所得而用。以是恆歎無才而推原其弊。則莫非官制之不善爲。

之。今議自郎中以上。增多丞參。以爲本部司員之升降。其所以藥此弊者至矣。而更益以三善焉。司員可擢本部參議。免轉涉卿寺之濡滯。由例凡九轉外郎皆不與品而而以資格困人一也。侍郎以上。位分較崇。司員有事。不易直達。丞參之設。實所以通之二也。尙書侍郎深居罕出。聞見較隘。稽察難周。有丞參則可以補其不及三也。夫訂定官制之事。患其繁而不厭其密。丞參之設。視舊制爲稍密矣。此記者所以謂然也。雖然。非謂丞參既設。而百事遂可以就理也。既有所增。則亦當有所改。此正宜及時而議之者。按各部之制。一尙書兩侍郎。實起於明制。而本朝因之。然又因滿漢並設之故。遂至增爲兩尙書四侍郎。其重性不待言。且其宗旨似實以滿漢之分析問題爲本位。而不以官制之員缺增損爲本位。已失其所以命官之意矣。在當日定制之時。有無深意。誠不敢知。而今日則國本已甯。亦何取於此也。此宜廢去滿漢並設之制。而命以後各缺皆以滿漢人一例通補者。一尙書總攬一部。其權必專。然後其事可舉。徵之各國通制。其一部之中。自大吏一人以外。無與比肩者。所以重其責任也。而中國則尙書之下。必副之以侍郎。其品級僅差以半階。其權限乃實相鼎立。凡一部之事。尙書之所當問者。侍郎亦無不當問。偶有違失。則其所得之處分亦相同焉。而謬誤之習。掣肘之病。乃由是而日深。其弊乃與外省之督撫同城者略相等。無益於治。亦甚明矣。考各

國之制。其各部大臣之下。大抵皆以在本部資格最深之一人。爲之輔佐。而凡事仍必受大臣之命令而行。近人或以侍郎譯之。然其職權固不能與大臣相匹也。日本變法之初。其各省卿以下。亦置大輔一人。略如中國各部之侍郎。然近則已改爲總務長官。而受各省大臣之節制焉。此皆可證一署之不能有兩長官矣。此宜專設一尙書如商部之例。時外務部一初設而以侍郎之權改輕。尙書如日本之總務長官。其權助者一。至於各部所設之諸司。其所分名目。似不盡適今日之用。更非妥爲增改不可。若能倣日本之制。改諸司爲某某局。而仍隸於各部之內。各局以局長領之。其局長定爲三品或四品。受各部尙書之命。以治理局事。而以各司之郎中員外郎主事分隸各局。爲一二三等書記官。如此則丞參亦可不設。品級與舊其制似較愜矣。

此皆探源之論也。然恐目前之事。未必可以及此。無已。略變通之。則尙書亦祇宜有一人。侍郎既有二人。則可分日輪班入署視事。而不必以同時治一事。亦慮兩人之丞參之責在於通堂司之郵。而尤以稽察各司庶務爲其專責。倣外官之例。凡司員有廢職墮事者。則丞參有失察之咎。果能如此。亦當稍稍有裨矣。至於各部之中。於尙書之上。往往更派一大學士管部。此尤爲無益之甚。列國之制。其外部或戶部。每以首相兼之。然首相所兼任之部。該部

內 務

一 百 十

八 月

即不別設大臣。今宜略取其意於各部之事務尤關重要者。即以在軍機之大學士兼任。尙書按大學士可以出任總督。即不於兼任尙書且各國之制雖部而不必仍沿管部之稱。致使有侵權之嫌。無任事之實。又各部尙書侍郎亦不宜多兼別差。不兼各部十數官。無以致曠廢部事。此皆當籌議及之者也。

惟前說既行。則必須裁缺。而處置裁缺之各官。亦宜併議及之。按今日各部滿尙書。無不兼各旗都統者。侍郎無不兼各旗副都統者。雖裁缺而別有缺存。似可無患。至各部漢尙書數人。其人似皆可留任。若漢侍郎則有可留。有不可留者。然外任學政者。本有數人。明歲又值更換各省學政之期。不妨量簡之以暫爲安置。此亦不得已之策也。

而此外則更有所進者。蓋各部之權。其初本甚重。大觀於明之吏兵兩部。幾於掌握軍國之全權。則其關係可想。乃至本朝而部權漸輕。迄近日而益微。各部之措施。乃幾至無與於政治之得失。故至近年而裁撤各部之議起。其所以致此者。雖原因複雜。不可以一端盡。然歷來部臣之因循苟且。不事其事。亦實有以自墮之也。試觀今日各部之權。惟刑部爲稍著。此由刑部各堂官之中。必有起家本部司員。而熟聞例案之一人。則其列。故其治事較他部爲核實。遇有一二疑獄。恆執律例以與外吏爭。而外吏亦頗憚之。故刑部之權。猶稍申於天。

下據此爲例。則各部所以自失其權之故。亦可知矣。以今日百度更新。而各部乃一循舊習。廷意有所興作。其事或本在各部權限之內者。而各部乃不克舉之。且恆自願放棄其權。以圖姑息之安。於是朝廷不得已。乃別謀所以代之者。近年以來。戶部以外。則有財政處。禮部以外。則有學務處。兵部以外。則有練兵處。刑部以外。則有修律館。凡此諸務。固皆分部臣之責任。以設之。而亦各部之羞也。然新設之各處各館。亦因此而不能任事。蓋此等差使。雖亦以大臣任之。然既列於各部之外。則其勢力與名望。皆不足以號召天下。乃不得不假執政之力。以行之。而執政者。又非有統籌全局之大才。則因此而益形叢脞。極其弊之所至。莫非部臣之失職貽之。此固不得辭其責者也。夫今日之事。固不必高語集權。然中央固有之權。則自不可以放棄。否則天下將失其樞紐矣。爲部臣計。宜務振其精神。以一洗前此之習。而於新政之事。亦當推擴其權限。以當之。不可有退避之見。記者所望於諸公者。在恢復其固有之權。以風示天下而已。而今日則正所以恢復之時也。

尙有一事。亦當慮及者。增設丞參之事。誠善。然假使不得其人。則毋甯不設。今者頗聞增設丞參。實欲裁去各寺。而卽以裁缺之列卿。補授丞參。此則用意已左。而其不習部事也如故。亦何取焉。其不可者一也。又聞有資淺之司員數人。竭力鼓動此議。冀欲破除常格。一躍而

踐承參。此則人才。尚不可知。而秩序。先已紊亂。亦何所利。其不可者。又一也。此必宜慎擇其人。不可意爲上下者已。

此外條例尙多。惟記者此論。已稍稍沁其本旨。故不能更綴贅言。然如上所陳。則甚願卿士大夫。有以垂省及之也。

、政務處吏部會奏遵議署兩廣總督岑奏請添設巡道並裁改糧道等缺摺

本年四月初五日准軍機處鈔交署兩廣總督岑春煊奏請添設巡道並將糧道等缺分別裁改一摺。又請升崖州爲直隸州知州一片均奉 硃批政務處吏部議奏欽此。查設官分職。貴因時因地而制宜。廣東自通商以來。口岸屢關交涉。滋繁邊防。亦日形喫重。一切情形。多已視昔遷變。原設各道缺。或控制難周。或管轄不便。或事務過簡。自應酌量添改。裁併以重地方。上年九月間。湖廣總督張之洞。請裁糧道。添設施鶴道。當經奉 旨允准。今該署督等擬請裁撤廣東督糧道。添設廉欽兵備道。駐紮欽州。管轄廉州一府。欽州一州。以糧道原轄之廣州府。佛岡。赤溪二直隸廳。改隸肇羅道。更名廣肇羅道。移駐省城。以原屬雷瓊道之雷州府。原屬肇陽羅道之陽江直隸廳。連同高州府。歸原設之高廉道管轄。更名高雷陽道。仍駐高州。原設之雷瓊道。更名瓊崖道。仍駐瓊州。均爲因時因地。裨益治理。起見。應請准其

所請廉欽道廉俸卽以裁缺糧道改支暨廣州府經應撤銷兼管糧庫名目裁兵節存米價由各州縣徑解司庫存撥糧道原管稽徵各項奏銷概由藩司辦理所議亦均妥協再該督等片奏請將瓊州府屬崖州知州升設直隸州一缺係因與附近該州之感恩昌化陵水三縣萬州一州均距府治過遠管轄多有不便與臣等前經議准山東升設膠州直隸州河南升設鄭州直隸州情事相同亦請照准所有原屬該府之感恩昌化陵水三縣及萬州改設萬縣均歸崖州管轄俾便控馭而符體制至所擬添設之廉欽道請作爲衝繁難要缺由外揀補崖州改爲衝難烟瘴要缺吏部查定例道府題調要缺令該督撫由外揀補准其升調兼行今據署兩廣總督等請添設廉欽道定爲衝繁難邊遠要缺由外擇其人地相宜者酌量陞調揀補以資治理此缺既係升調兼行是否卽作爲題調要缺又片奏崖州升爲直隸州萬州改爲萬縣查崖州原係難簡調缺今升爲衝難煙瘴直隸州要缺萬州原係疲要調缺今改爲縣缺兩缺題調字樣是否仍舊抑或增改均應令該署督奏明辦理至所稱擬改之瓊崖道高雷陽道廣肇羅道均係將轄屬分別增減改隸並非裁缺各缺現任人員應請一仍其舊自應准如所請惟崖州知州萬州知州今既將缺分升改現任人員是否仍舊亦應令該署督等奏明核辦裁缺之廣東督糧道恩廉應俟奉 旨後由吏部照例知照軍機

處請一旨另簡其餘改鑄關防印信一切未盡事宜均應由該督撫等詳細酌擬分別奏咨辦理謹奏奉 旨依議欽此

政務處奏遵 旨議覆御史黃昌年奏請刊刻諭旨閣抄摺

本年三月二十一日准軍機處鈔交御史黃昌年奏各衙門具奏奉 旨准駁之件須令各衙門皆知重要則明發 諭旨次要則編發閣鈔擬請 飭交政務處妥議辦法凡政務處練兵處學務處及銀行鐵路礦務電線一切舉行要政或揭署前或發閣鈔或通行移會或刊刻告示等語臣等查立政之要必貴宣通讀法之頒尤宜詳備近年京外創行新政增益舊章條目綦繁規制日異講求政治自以刊錄摺件爲要務是以臣等前經奏請採取中外案牘鈔送編輯政要復於議覆前四川學政吳郁生請修政治專書摺內聲明嗣後凡有內外各衙門奏定各摺件擬由軍機處鈔送政務處逐件檢閱但非事關慎密即發交報房刊行業經奉 旨允准正與該御史所請刊布摺件之意相符旋經酌量變通由各衙門徑咨政務處發鈔惟各衙門鈔送多有遲漏以致刊布未能完備應即分別咨催凡嗣後具奏摺件除事關慎密及照例核覆之件毋庸鈔送外所有創改章程及議定事件皆於奉 旨後咨送政務處陸續發刊以廣傳布凡軍機處於京外摺件向係奉明發 諭旨及有辦法者

概交發鈔其無辦法及事宜慎密者則不發鈔應仍由軍機處酌核辦理謹奏奉 旨依議欽此

前署戶部尙書趙遵 旨奏陳應行時政十二事摺

竊奴才面奉 諭旨飭將應行時政迅速擇要奏陳仰見 虛衷圖治之至意奴才何敢以浮詞進謹陳十二事恭候 采擇一曰通各國之強在事事不隔人人不隔無一事不合衆而謀無一國不合衆而謀我中國則內外上下之交無事不隔如猜謎如鬪智往往自相牴牾欲除其弊非先求通不可 宮廷之上非臣下所敢議擬請先自政府始每月應飭軍機大臣定准分班接晤外廷官僚之期或五日一次或七日一次接晤之日卽作爲休沐免其入值如有要政仍可 召見亦仍請 召對並可一日兩見其政府接晤之處必須嚴密不用隨從不用煙茶不作寒暄公事則公言之密事則密陳之已往之事應如何補救現在之事應如何處置將來之事應如何預備軍機大臣以是爲問衆官所陳所答亦不外此無事者晤畢卽出此外各部院亦宜定互相接晤之期各堂官之接晤本管屬員亦如之政府接晤各官如何分期分班之處應由軍機大臣酌定外省督撫至各州縣亦宜定接晤紳商僚屬士民之期以通下情而資治理一曰簡各國之能通由於能簡今欲求通必先求簡如衣

冠如出入概從其便如儀從如禮節概從其省如文法如款式不必其王如期日如奏事不必全到如公事呈轉不必太煩如要務敷奏不必擇日此外繁文末節一切忌諱及各省陋習如儀仗排場請安站班賀稟之類悉令刪除禁革不能備舉一日真內外之虛偽相承久矣各省吏治學務之講求其真能成就人才者幾何汰書吏恤刑獄禁用門丁勸勿纏足之旨屢下而奉行者不可核也改律例編教科書之諭疊頒而編上者仍無日也皆非亟加考核深恐成效難期他如繁要酌補命盜請讞之奏詞皆成印板到省到部之甄別必曰堪留已用已放之銀糧尙列實在捐案之減收融銷分發之填寫違礙因求合例遂成欺飾凡諸作偽皆宜汰除惟汰除之後不可又以不合例文牽引加駁務使上下內外相見以心無復拘忌一日實如民數穀數田數必須實查實報如各省歲出歲入必須實報實銷如部核報銷不得憑虛冊而昧實事如行查事件不得空文搪塞以及置之不覆一日專各省委任督撫一二人可以理全省之事並理兼轄省分之事京中部院則數人而辦一事一人又兼數事或牽掣難行或瞻顧不暇欲求事之舉也難矣是必擇官慎之於始責成歸於一人應令責無旁貸一日分時事至今繁難已極如州縣一身萃兵刑錢穀之任又加以傳教游歷爭釐勘路及學務警務農工諸新政無論不學而仕者茫昧倉皇即久宦者亦難游刃有

餘此則必須酌設分曹另立鄉官佐其任使以飭庶務者也一日合今日時政本極困難新政繁興遂增公所如內閣政務處皆爲議政之地戶部財政處皆爲理財之地兵部練兵處同爲治兵之地工部工程處同爲營繕之地禮部國子監與學務處判若兩途工巡局既稱得力應合外城而兼治之而與步軍統領衙門統歸於一辦事最忌紛歧今官署公所日苦重疊必致舊者安於廢弛新者亦多觀望是宜斟酌至善或合新於舊或舍舊圖新無事之官汰之不必疑有用之官增之不可緩庶不至貽譏敷衍一日任今日財政雖窘然非無可爲計特患內外不能一心使人不敢任事奴才另有理財專摺謂是宜朝廷有堅定不移之見政府有福禍與共之心然後人敢任事此不獨理財爲然而理財固舍是莫由矣一日信與國人交莫重於信今百事之難理官民之猜阻皆由於此現直隸督臣奏辦公債票亦歸於必信實則凡事皆宜以信爲主如兵之必練學之必興商民借款之必還一切新政之必辦皆請朝廷明示大信加意考察各省修舉者褒獎之觀望者策勵之廢弛者懲治之政府以此課督撫督撫以此課州縣自然漸可收效一日斷古今成大功業必在於斷日本維新之始國人亦持兩端惟其君相斷以維新故能日盛蓋新舊不能並行是非不能兩立京外官民之趨向全視朝旨爲轉移近如裁汰官缺裁革書吏籌給司員津貼之類皆係

奉 旨飭辦多以人言或格或緩刻下事之顯者如科場議修則學堂議阻私錢不禁則官錢難行凡似此者非仰賴 聖明主持樞廷贊決則所擬興革者必無就功之日伏祈 特頒 諭旨申明非布新除舊無以自治無以圖存遵之者賞違之者罰上以定國是下以一人心不獨各國息侮我之萌即百務亦易臻日新之美一日知本如練兵固急然不從教育著意則兵無本興學固急然不從女學蒙學辦起則學無本宜講爲化民之本警察爲安民之本鄉社爲治民之本農工商爲富民之本詞訟刑獄爲愛民之本不求其本雖勞無益知其爲本雖千難萬折亦必達政策之所定而後已一日重祿各官既不司兼職則祿入必須從豐今雖不能驟然徧及亦須擇要增之如京官宜仿照外商兩部外官應令督撫斟酌辦理其款項或從新增款內籌動或從舊有款內裁節或在化私款內權用或先京而後外此可逐漸爲之各國官祿較中國多至十倍數倍所以能專心辦事此爲振興百務之本否則皆託空言無辦事之人無自給之官自強之日不可望矣凡此諸端皆關至計非有驚世駭俗之舉果能廣集羣材 上下同心不搖浮論事事見諸實行時時持以定力必可收變法之益而無其害此爲精神之專注非同形式之鋪張至此外未及詳陳惟賴 聖明垂照抑奴才更有請者在今之議新政者或慮流弊易滋或恐人心不順或又謂辦事無人嘗聞各

奉 旨飭辦多以人言或格或緩刻下事之顯者如科場議修則學堂議阻私錢不禁則官錢難行凡似此者非仰賴 聖明主持樞廷贊決則所擬興革者必無就功之日伏祈 特頒 諭旨申明非布新除舊無以自治無以圖存遵之者賞違之者罰上以定國是下以一人心不獨各國息侮我之萌卽百務亦易臻日新之美一日知本如練兵固急然不從教育著意則兵無本興學固急然不從女學蒙學辦起則學無本宜講爲化民之本警察爲安民之本鄉社爲治民之本農工商爲富民之本詞訟刑獄爲愛民之本不求其本雖勞無益知其爲本雖千難萬折亦必達政策之所定而後已一日重祿各官既不司兼職則祿入必須從豐今雖不能驟然徧及亦須擇要增之如京官宜仿照外商兩部外官應令督撫斟酌辦理其款項或從新增款內籌動或從舊有款內裁節或在化私款內權用或先京而後外此可逐漸爲之各國官祿較中國多至十倍數倍所以能專心辦事此爲振興百務之本否則皆託空言無辦事之人無自給之官自強之日不可望矣凡此諸端皆關至計非有驚世駭俗之舉果能廣集羣材 上下同心不搖浮論事事見諸實行時時持以定力必可收變法之益而無其害此爲精神之專注非同形式之鋪張至此外未及詳陳惟賴 聖明垂照抑奴才更有請者在今之議新政者或慮流弊易滋或恐人心不順或又謂辦事無人嘗聞各

內 署

一百二十

八月

法律大臣議由臣部奏明辦理查該督等原奏內稱凡有命案應相驗者驗屍棚廠官吏夫馬之費甚多均取之被告家不足則派之族鄰小村單戶則派之一半里外之遠鄰間有恤民之吏自備夫馬帳棚嚴禁差役科派然亦不過百之一二終無禁絕之法查四川有三費局由紳民糧戶捐辦一為招解費一為相驗費一為夫馬費民甚便之行已三十年此事似宜令各州縣就地籌款務以辦成爲度仍責州縣輕騎簡從不准縱擾違者嚴參等語臣等查例載凡人命呈報到官該地方印官立即親往相驗祇許隨帶伴作一名刑書一名皂隸二名一切夫馬飯食俱自行備用並嚴禁書役人等不許需索分文如該地方印官不行自備夫馬取之地方者照因公科斂律議處書役需索者照例計贓分別治罪等語定例本極周密是以臣部歷年以來遇有內城及香山等處各營房旗人命案飭令當月司滿漢司員帶同伴作皂隸前往相驗每名酌給飯食京錢數千其夫馬皆由該司員等自備驗畢即回伴作人等不離左右無從需索違循至今尙覺風清弊絕似毋庸另立相驗費名目至各省督撫如果關心民瘼嚴飭所屬州縣遇有命案相驗一切夫馬廠食照例自行備用並嚴禁差役需索違者參處治罪該官吏差役人等自不致科派無所顧忌若如原奏命案相驗官吏夫馬之費甚多均取之被告不足則派之族鄰小村單戶則派之一半里外遠鄰實屬

大千例禁若不亟圖整頓何以除積弊而恤民生該督等洞悉情形欲籌絕妙之法採用四川三費局章程法至良意至美應如所奏請 旨飭下各省督撫體察地方情形一面咨取四川省三費局章程仿照斟酌辦理一面責令各州縣嗣後遇有相驗毋許差役科派需索有犯按照律例分別議處治罪仍令各省將辦理此項驗費詳細情形咨報臣部以備查核總之恤民之吏輕騎簡從夫馬所費無多即無公費斷不肯科派累民若遇不肖州縣即有公費難保不仍前縱擾總在各督撫隨時認真稽查有犯必懲則鄉民可免科派之累矣謹奏奉 旨依議欽此

刑部奏斬絞人犯無論監候立決俱應按照正例議擬摺

臣等竊謂除惡固在用猛而折獄貴持其平寬縱不足戢澆風而枉濫尤有乖治理伏讀嘉慶四年正月十六日欽奉 上諭向來刑部引律斷獄於本律之外多有不足蔽辜無以示懲及從重定擬并有加至數等者是仍不按律辦理又安用律例為耶即案情內有情節較重 朕自可隨案酌定嗣後問刑衙門俱行恪遵憲典專引本律不得於律外又稱不足蔽辜及從重字樣即雖字但字亦不准用等因當經軍機大臣會同刑部議定嗣後一切罪犯俱應各照本律例問無得聲明不足蔽辜無以示懲從重加等亦不得用雖但字樣并請嗣

內 務

二百三十二

八月

後官民人等有犯軍流等罪即照本律定擬請 旨不得以情重字樣擅擬配發新疆十六年復奉 諭旨令問刑衙門斷罪應照本律飭禁從重字樣應請嗣後除奉 特旨發遣黑龍江新疆等處外其餘罪應軍流人犯須照本律本例定擬不准加重發往黑龍江等處如有實在案情重大罪浮於法仍按本律例擬罪聲明請 旨恭候 聖裁等因纂入例冊在案恭繹 諭旨以斷罪應照本律不得於律外從重爲戒 聖訓煌煌理宜遵守又律內載明獄囚鞫問明白犯罪者在外聽督撫審錄無冤依律議擬法司復切實議奏候有回批應立決者委官處決等語是死罪皆應具奏成憲昭然乃日久視爲具文各省審辦案件間有不足蔽辜從重定擬者亦有并不先行奏聞者辦理殊未允協卽如本年正月間兩廣總督岑春煊奏審辦門丁李雲甫等藉案詐騙一案遽爾親提正法並不先行議奏在李雲甫等係屬奸惡衙憲就令盡法嚴懲亦不爲過惟律內載明合奏公事須依律定擬罪名明白奏明原以 朝廷設立刑章內外俱應遵守臣部爲執法衙門一切皆有定例可循尤不得不杜其漸李雲甫一案既據該督事後據實奏明自可無庸置議第恐此風一開各省紛紛效尤將例應具奏之案率皆藉口嚴懲親提正法致與定律及歷年 諭旨不符不特成例虛設且恐冤獄滋多聚而成沴非所以保護 國脈感召天和也至官犯發遣新疆去死罪祇

差一間向來必須罪應軍流情節較重者始行奏請發遣間有革職杖徒之犯奉 特旨改發新疆者 宸衷自有權衡非臣下所敢專擅故自嘉慶年間纂定不得擅擬改發新疆之例所有一切官犯其由革職杖徒改發新疆者案不常見其非罪犯已至軍流者從無請發新疆之案乃近來各省審辦官犯往往不問罪名輕重率請遣戍殊非慎重刑章之道將來恭逢 恩赦原案之輕重所涉含糊則辦理諸多窒礙臣部忝司邦審職在持天下之平若不申明實例竊恐流弊無窮謹公同酌議嗣後各省審辦案件除例應恭請 王命先行正法及強盜案內重犯仍照章就地懲辦外其餘斬絞入犯無論監候立決俱應按律例議擬具奏不得先行正法倘有不先奏聞竟行斬決者即由臣部照例參處至罪應軍流之官犯情節較重請照向例發往新疆効力贖罪仍恭候 欽定若罪應革職及杖徒之犯不得以空泛考語並不准以不足蔽辜等詞率請從重發遣新疆庶足以飭法紀而免冤濫如蒙 俞允臣部即通行各省一體遵照謹 奏奉 旨依議欽此

摺

修律大臣外務部右侍郎伍刑部左侍郎沈奏覆御史劉彭年奏停止刑訊請加詳慎

光緒三十一年四月初五日准軍機處鈔交御史劉彭年奏禁止刑訊有無窒礙請再加詳

內 務

慎一摺奉 旨著伍廷芳沈家本妥議具奏欽此查原奏內稱刑訊爲東西各國所竊笑卽中國政治法律家久已心知其非而不敢議改者誠以中國人心不古一切治具又復疎節關目不能察及隱微徒慕外國之不用刑訊而不深求其所以不用刑訊官吏不善奉行誠恐有如 上諭所云陽奉陰違者與其嚴防於後不如豫籌於前按外國不用刑訊者以其有裁判訴訟各法也凡犯人未獲之前有警察包探以偵之犯人到案以後有辯護人陪審員以聽之自豫審至公判旁徵於衆證不取供於犯人供證確鑿罪名立定今中國改定刑法方有端倪聽訟之法一切未備有刑而不輕用犯人雖狡尙由畏刑之心若驟然禁止刑訊則無所畏懼孰肯供吐實情問刑衙門窮於究詰必致積壓案件經年不結拖累羈留轉於矜恤庶獄之法有所窒礙臣愚以爲禁止刑訊須俟裁判訴訟各法俱備後方可實見施行抑臣更有請者東西各國裁判所原係民事刑事分設民事卽戶婚田產錢債等是也刑事卽人命賊盜關毆等是也中國民事刑事不分至有錢債細故田產分爭亦復妄加刑嚇問刑之法似應酌核情節以示區別所有戶婚田產錢債等事立時不准刑訊無待游移至於人命賊盜以及情罪較重之案似未便遽免刑訊相應請 旨飭下修律大臣體察時勢再加詳慎並 飭於刑法及刑事訴訟法告成後卽將民法及民事訴訟法尅期纂訂以成

完備法律則治外法權可以收回等語奏奉。諭旨著臣等妥議具奏臣等查該御史所奏自係爲慎重刑獄恐有窒礙起見惟泰西各國無論各法是否俱備無論刑事民事大小各案均不用刑訊此次修訂法律原爲收回治外法權起見故齊一法制取彼之長補我之短實爲開辦第一要義惟中外法制之最不相同者莫如刑訊一端是以臣等核議劉坤一等恤刑獄摺內於省刑責一條議如所奏辦理然猶必限以徒流以下罪名不准刑訊而於命盜死罪案件未嘗概行停止者亦因此時小民教養未孚問官程度未逮出此補救目前之策已屬不得已之辦法查定例載明內外問刑衙門審辦案件務得輸服供詞其有刁健堅不承招者如犯該徒罪以上仍具衆證情狀奏請 定奪詳釋例意犯供務期輸服既輸服矣則所供非由刑求而得可知徒罪以上仍具衆證有衆證矣則不得以刑逼取犯供更可知臣等前奏不過申明舊例略爲變通其實與西法無涉也原奏又謂驟然禁止刑訊則犯無所畏懼孰肯供吐實情必致積壓拖累等語豈一用刑訊便可免積壓免拖累耶何以從前各省積壓之案有數年及十數年不結者且有拖累無辜瘐斃多命者其將何說以處此又如原奏一則曰刑訊爲各國所竊笑再則曰中國政治家久已心知其非夫既爲外人所竊笑矣既心知其非矣卽應奮然禁絕無待躊躇乃又謂應俟裁判訴訟各法俱備後方可

內務

二百二十五

乙巳

實見施行是明知非義而不速改不更爲東西各國所竊笑乎查各國編纂法律大率於新律未頒之前設單行法去其太甚急所當先況值百度維新之際因革損益難緩須臾故練兵以強國雖目前將備未儲而不得不先定官制學堂以育才雖現在專門無人而不得不預設大學明刑與練兵興學並重必待各法備後始去刑訊曠日持久收效何時設將來裁判訴訟諸法同時頒布羣情狃於習慣仍以去刑訊爲不便將武健嚴酷之風終無禁絕之一日於此而欲收回治外法權其可得哉夫今日中國刑訊之弊非一端矣原奏所謂中國民事刑事不分至有錢債細故田產分爭亦復妄加刑嚇洵屬歷來之錮習又其甚者竟至波及案外無辜橫加敲扑小民遇有訟事無計避地方官之拷責冤抑莫伸遂鋌而走險淵魚叢雀驅之者誰興言及此可爲寒心原奏乃謂有刑訊則犯人尙有畏刑之心去刑訊則問官窮於究詰徒責小民之無良而不計問官之殘酷揆諸公理已覺背馳況自來懦弱者往往畏刑自誣兇暴者往往茹刑不吐徒恃刑求必不免有枉濫者至原奏謂中國人心不古一切治具又復疎節闊目不能察及隱微亦未爲篤論臣廷芳徧歷歐美深知彼中風俗凡有血氣心理皆同中外民情無甚懸絕雖政教稍異而今日各國法制之完備皆由逐漸改革而成並非一蹴所能幾及所以臣等奏請教工藝辦警察興學堂無非欲進之以漸而

於核議劉坤一等原摺內復聲明訴訟裁判諸法將來應仿照各國另設專章俟參酌妥當再行奏明辦理並非謂一去刑訊此外遂無餘事也更以臣廷芳身所親歷者證之查香港一島內地商民僑居於此者不下三十萬人昔年臣廷芳在該港任理刑事維時規制未備凡審判事宜係用英法專憑證佐不事刑求隨訊隨結案件從無積壓實無庸餽餽過慮也況尙德緩刑爲古今中外所共美前者、明降諭旨宣示天下各國公使以及商人咸祝頌我 皇太后 皇上聖恩普被邁越古今其悅服之心溢於言表此舉實爲環球觀瞻所繫內外問刑衙門務須實力奉行仰體 朝廷矜恤庶獄之意歷久習慣自無所難培國脈而固民心其端皆基於此矣所有該御史奏請人命賊盜及情罪較重之案未便遽免刑訊之處臣等原奏業已分敘明晰應毋庸議至該御史請於刑法及刑事訴訟法告成後即將民法及民事訴訟法纂訂以成完備法律洵屬有條不紊臣等擬俟刑律告竣後即行分別編輯陸續奏 聞再現在改章伊始一切未能詳備必得訴訟法相輔而行方能推行無阻擬編輯簡明訴訟章程先行奏明辦理合併聲明謹 奏奉 硃批政務處刑部知道欽此

陝西巡撫夏奏酌改陝西警務辦法摺

內 務

一百二十七

乙巳

竊自光緒二十八年直隸督臣袁世凱奏定警務章程欽奉諭旨著各直省仿照辦理不准因循不辦欽此欽遵在案復於二十九年二月准政務處咨開議覆四川督臣岑春煊奏設警務學堂一摺飭令迅照津蜀章程各就本省情形斟酌妥辦等因經前撫臣將省城四營標兵及興漢榆林三鎮標兵一律改爲巡警軍會同保甲局協力巡查三年以來兵民尙稱安靜惟查東西洋之巡警軍非兵也其先皆學生也警務學堂先講學問次習技能編配成軍士卒皆通敏之才將弁卽循良之選而其民間戶籍亦非若中國之保甲有名無實也一戶之中男婦老幼生育嫁娶亡故移徙官罔不知其警兵與百姓誼若家人情關休戚非徒詰奸禁暴而已凡巡兵所管之戶疾痛飲食無不照料民不以爲擾而以爲安蓋外國官與民通以同胞同與爲固結故事事干預而民不覺擾中國軍與民隔以各不相干爲無事若一事干預而民反不安者由政教攸殊風俗不同未清其本源而強飾其面目雖極力摹仿與本義無當也論者曰巡警之政非若向來保甲之門牌亦非若租界站街之巡捕是則然矣然必待設學教練安能壽俟河清事有從根脚做起層累而進者此由本及末之辦法也亦有從皮毛學起積久而成者此由粗及精之辦法也今之巡警惟有舉本省保甲局與租界工巡之辦法合而一之站街守夜實力施行一面速籌的款立學堂教學生期漸合於

東西洋警務之軌轍臣自抵任以來力主此義屢與兩司籌議意見胥同昔曾國藩有言辦事莫難於定章程今行新政章程非其所難何也每有新政皆自津鄂發端所訂章程莫不參酌中西至美且備他省仿辦可立時鈔撮成章所難者斟酌本省情形辦一事有一事之人用一人收一人之效耳今擬將省城保甲總局改爲巡警總局城廂內外各分局卽爲巡警分局街面各堆卡量加修葺卽爲警兵居止協標一營撫標三營前已改爲巡警軍者今再簡派一次挑募精健守法者約四百人卽以向來哨弁分帶並受查街委員之指揮約束文自牧令以下武自都守以下改爲總巡分巡巡官巡弁巡長巡目巡記等名目保甲委員本有薪水今但改新名不增舊款惟綠營兵弁本在議裁之列旣不得其力則亦不復贍其身每兵每月僅得銀一兩八錢因辦警務始酌加津貼四錢而剋扣猶在所不免今旣令晝夜輪替實力巡查持械站街暑雪不懈而又須日日操練如此薄餉應募者其誰查鳳翔營參將劉鈺因鳳營兵卒窺情略用併餉養兵之法以餉三分養兵二名而實課其差操之勤情鳳翔綠營遂視他標爲強臣欲改辦警務特電商督臣以劉鈺調署撫標中軍參將蓋欲整頓標兵必自選用將官始各省皆視綠營如贅疣兵之尪弱與將之衰庸一切不問獨不思一日未裁卽耗一日之餉在各綠營所分每兵每年不過二十餘兩不爲不薄而司庫所

發除歲解甘提之十餘萬不計外本省綠營亦在十萬以上不爲不多外居儉薄之名而內受糜費之實無過綠營兵餉矣今擬仍用併餉之法以六百名標兵之餉養四百名巡警之兵餉不另加而兵可責實名爲裁去二百名其實平日缺額扣餉之弊恐皆不免茲不過以明易暗化私爲公耳夫兵各有養官與弁各有所司乃可認真督責向來保甲爲臬司專政今改巡警應卽責成臬司會同藩司督辦一切以西安府爲提調大要在於安市塵查匪類禁游惰防盜賊民與兵相習而各有以安其生文與武和衷而各足以舉其職先從省城切實倡辦行之有效再推之各府由府而推之各州縣然各府州縣亦多有業經試辦者應由省局隨時察看認真教習其警務學堂一俟籌有的款卽行開辦謹一奏奉 硃批該衙門知道單併發欽此

謹將酌改陝西警務辦法繕具章程清單恭呈 御覽 計開 一曰改營八節 二曰局制十一節 三曰職守九節 四曰辦法三十二節 五曰賞罰二十三節 第一章 改營 第一節省城舊有撫標三營協標一營前曾改爲巡警軍茲挑選精練四百名作爲警察兵丁 第二節營官爲總巡官哨長改爲巡弁什長改爲巡長兵丁改巡兵 第三節巡官巡弁巡長巡兵均不另籌餉費 第四節巡兵教習仍用舊日各教習教練以資熟手

第五節巡兵爲管理人民而設以防患未然排難解紛必須性情和平樸實耐勞者始可勝任 第六節巡兵老弱無用吸食洋煙或酗酒滋事性情強暴者隨時革除 第七節挑選巡兵須年在二十以上三十五以下身體強壯無殘廢暗疾者入選 第八節巡兵有拔升巡長巡弁者由該管巡長巡弁遞稟總辦註冊以便查覈 第三章 局制 第一節將省城保甲總局改設警務總局 藩臬兩司爲總辦首府爲提調兩縣爲稽查保甲局提調作爲幫辦提調以助其力之所不及 文案收支各正副一員兼發審案件 局紳仍按各局地段清道查戶 書辦四名四分局各設書辦二名 局差四名提刑四名清道夫十二名 第二節無論員弁與巡兵均宜以慈善之心對良民以剛勇之氣對匪類 第三節自總辦以至書役均毋庸另籌薪水口食但巡兵原領口食皆不足用宜厚其糈使足自給然後責其廉慎卽文武員弁亦應酌增津貼火食臨時察奪辦理 第四節城內舊有四分局及四關四局均照舊安設不必另設新局各局正委改爲督巡官副委改爲分巡官司事改爲巡記巡弁以下均短裝戎服持棍步行 第五節警械凡巡兵站街不必帶刀恐滋事端擬暫用木棒曰警械其刀槍均存局內以備操演 第六節四街四關舊有各堆房卡室俱照舊安設酌加修理或應添設以備巡兵住站遮蔽風雨 第七節所需號衣暫仍其舊但須

內務

更換月光書明某號某名字樣如欺凌平民即可指名控訴至活支項下若購製藥料器皿號衣皮帶布靴雨衣油靴包巾草帽皮棉夾單各衣及一切雜款均按月由藩庫支給冬天嚴寒皮衣應酌量添換造冊報銷 第八節設路燈如上海通用之木椿上用白果玻璃式由局中備辦大街小巷均照保甲例鋪戶十家設一燈住戶二十家設一燈令其輪流置備油亮週而復始不煩不擾不但照耀行人且使奸宄無從潛匿至巡兵應用查街之燈及總分局堆卡之燈由局籌款備辦油亮 第九節嗣後擴充警務先由西安府所屬各縣辦起依次籌辦外府外縣均歸省城總局督率辦理 第十節置備大車四輛分設四局專運渣滓出城每日二三次以清街道 第十一節以上一切局制均係現在辦法所有未盡事宜隨時斟酌增改 第三章 職守 第一節警務人員無論官職大小必須舉止端方作事嚴正 第二節總辦為各局表率凡有應興應革事宜均須斟酌盡善期於必行考直隸四川江西等省警察條例固極美備其能行於彼而不便於我者亦復不少總以審時度勢因地制宜為主否則徒滋流弊有名無實 第三節各分局以總巡督巡官職掌歸總局管轄清理街面保衛人民是其專責本段戶口數目衙署廟宇教堂坐落橋梁溝渠一切情形悉應留心考察某利宜興某弊宜除均當詳稟總局一經准行即當刊刻章程先諭所屬員弁

格遵外逐條書明傳示界內人民名曰警務傳單必使家喻戶曉然後舉辦自然樂從 第四節分巡官巡弁管理本局巡長巡目巡兵操防派差輪班梭巡是其專責須聽指揮不得擅專以一事權 第五節巡記管理本局帳目戶冊文牘卷宗是其專責須聽督巡官命令 第六節巡長巡目有約束巡兵之責遇巡兵站街巡街時有懈怠不合處必須詳細指示如屢教不悛稟明巡弁分別責儆再不遵章稟請總巡督巡重懲革辦 第七節凡巡兵職守於本段戶口情形均須平時留心了然於胸方能勝任凡巡查時最宜注意極繁盛與極冷僻之處 第八節凡各局書辦註錄案情務須設立一簿將各案來歷情由及經手兵姓名悉註簿內巡官閱後轉呈總局 第九節宜設暗巡不穿號衣不穿戎服一面檢查奸宄一面密查巡兵如學堂設成之後暗巡即以最優等之學生爲之 第四章 辦法 第一節各國警察名目甚繁包括甚廣而其要領不外司法行政二大端 第二節司法者專管業經犯事之人捕拿懲治等事屬之 第三節行政者防患未然不使人民陷於過失 第四節警察入手以清查戶口爲先清查有二法曰定時清查曰隨時清查 第五節定時清查者各局開辦時即將所管地段悉數稽覈編列號牌挨戶釘於門額以後再按時清查 第六節隨時清查者偶查一段或查一隅借資印證 第七節凡查戶應於紳士居民之外

有分別者開列如左 文武官員爲一項 食餉兵役爲一項 廟宇客店爲一項 無業游民爲一項 煙館女寮爲一項 第八節凡查戶應詳記冊檔者開列如左 家主姓名年歲籍貫家口人數 僕御人等姓名來歷 有無田產有無生意 所住房間是否已業或租自他人者 第九節凡查戶最宜著意者開列如左 某家某人來歷若何 平日係何恆業現在是否守舊有無改圖 來往親友暗察是否良善有無匪人同院居住 忽然貧窘與陡然致富均須考查情由 煙館小店均係易藏奸宄之地尤宜格外經意 客店妓館並留良家婦女等處 車店驛廠及貧民居住之空廟破屋暗通別處或不通別處之幽曲小巷 第十節巡兵當差有站街有巡街有休息 站街應在指派之地隨時留心查看一切情形非奉該管官命令不得擅離如遇大雪大雨准其避立檐下 巡街應在所管界內往來巡行不准坐臥及買食零物 休息雖得在該堆卡內隨意寢食仍不得誤應當之差有事給假往返須有定時 第十一節凡巡兵每日輪班更替以二點鐘爲一班挨次輪換週而復始不以晝夜寒暑間自十月朔至次年正月杪夜間尤爲緊要必須絲毫無間方免宵小生心如無鐘表即以每更兩班爲次 第十二節凡巡街時必備吹哨如遇匪衆獨力不能擒治者一吹衆巡兵皆至不得違誤至吹哨聲數多寡長短隨時酌定更變以

免賊匪察知動靜 第十三節巡兵當差應辦事宜須照以後各節 第十四節應訪應查之事不能預定凡有關於往來行人及攜帶物件者尤須加意開列如左 夜間有形迹可疑交頭接耳或跌足疾走狀類瘋癲者 攜帶刀槍等物或身有傷痕者 婦女亂髮疾走或欲投水或欲自縊情形可疑者 手攜肩負車馬運載物件墜落而不自知覺者 第十五節凡有關於道路橋梁溝渠急宜察看者開列如左 凡橋梁朽毀應即補修者 商貨堆積或小貨攤妨礙道路者 車馬馳驟損壞道路並搬運重貨妨礙行人者 堆積糞土日久不運穢氣蒸人致生疾病另用清道夫以大車運渣滓出城預先示諭各商民令其以箕盛之置於門首 白晝在外出恭不顧羞恥者省城以內隨處皆有尤宜嚴禁須在街巷附近修蓋廁所以便行人 無論本國人或外國人於步行休息時羣聚觀望者聚市劇場喧譁爭鬪或剪絡者 第十六節凡夜間宜加意察看之事開列如左 竊窺門戶或潛伏暗處或挾持多物在不應出入之地出入者 夏間炎熱或天氣亢旱擦棄柴薪致有起火之虞者 曬晾衣物各項未及關門而就寢者 柴草等物可以充竊盜引火之物置於門外者倘有不戒於火隨時飛報各衙門與總局 第十七節凡遇有事故先察其大小輕重或禁阻或婉諭或急報局長或帶犯人並被害者往該管局內隨機應變善為區處開列如

左 無論如何緣由有人被戕殺時 有人暴死或受傷時 有犯重罪及禁錮脫逃時 值解犯逃遁即須捕捉時 外國人對中國人或中國人對外國人橫暴無禮有釀成事端之勢時 第十八節凡患病負傷者必須實力救護遇有迷路之穉子幼女詢明住址送歸其家住址不明帶往該管局內候家人尋覓領回 第十九節凡受傷屍體應行相驗者切勿移動宜急飛報該管局內 第二十節凡遇有民人喧嘩滋鬧宜溫語勸解如不聽從則帶往該管局內誠懲如一家滋擾不與他人相干當斟酌辦理 第二十一節凡遇有瘋狗行走宜先防其咬傷兒童急報該管局內捕擊 第二十二節凡夜深及初曉時尤須格外加意形迹有可疑者立即究問 第二十三節凡有訪問地理方向人家住址及鎮莊名目者應以實告 第二十四節凡本省外省貴客經過尤須於路上經意護送 第二十五節凡巡兵在該管界內爲人解紛皆分內應行之事事後不得索謝分文並不准藉勢凌虐 第二十六節凡拘獲人犯送分局審訊輕者斥出或取保釋放或分別懲罰重者送總局奸拐命盜送縣 第二十七節商民人等有不平事赴局控告者立即傳訊不得留難 第二十八節巡兵書役在途滋事者拘局問明原委後送回該營署懲辦 第二十九節凡拘獲人犯如非要案從寬保釋後仍須依期赴審 第三十節路遺之物巡兵拾得即報巡弁巡

長稟知分局出具招帖不准私匿干咎 第三十一節凡受傷屍身經委員驗明掩埋外應將死者年貌衣服榜示候屍親前來認領 第三十二節各分局立稟事簿一本書明本日辦何事某處有何案日夜班如何情形每日下午五點鐘齊送總局察閱有請示者即在簿內批示發回總局設傳事簿一本書明何事如何辦理隨時傳知各分局抄錄加蓋戳記然後繳回各分局另設傳事簿一本將所辦各事互相傳觀俾得週知 第五章 賞罰 第一節巡官巡弁應罰禁例開列於後 一記過 二撤差 三參革 第二節凡巡防不力或懶慢誤公者記過一次愧勉者銷 凡遇該管人員犯有過失而失察者記過一次知而故縱者記過一次外罰本月薪水五分之一 凡該管界內出竊案一起者記過一次五日內破獲者免 凡記過一次可折罰本月薪水三分之一 凡連記三過者作為大過一次 凡該管界內出劫案一起者記大過一次十日內破獲者免 凡劫案拒傷事主記大過二次十日內破獲者免 凡各局巡兵缺額一名記大過一次 凡各局巡兵遇有革逃假病限三日內呈報募補如一時挑充無人自第四日起按日報繳截曠如查有逾時不報情弊以缺額論請假每月不准逾五日違即扣曠 凡因竊案記大過者展限緝拏限內破獲兩起者銷去大過仍記過一次破獲一起者銷去大過仍記過二次全獲者銷 凡連記三

大過者撤差 第三節凡遺誤緊要事件及洩露機密者撤差 凡有非常過失爲轄界內商民連名控告者查實撤差因竊案展限緝拏逾限無獲者撤差 第四節凡爲轄界商民連名控告查明情節尤重者詳參 凡劫案展限緝拏逾限無獲者詳參不傷事主摘頂免參限內破獲者免議 第五節巡記於專管公文事件偶有疏失者記過屢有遺誤者撤差 第六節巡兵應罰禁例開列於後 一責 二革 三斬 第七節應責各條如左 各街巡房理宜潔淨污穢者罰本月餉十分之一 巡兵值班須穿號衣布靴如服雜色衣服者罰本月餉十分之二 值班時一律須持警械如不奉命令執別樣器械者罰本月餉十分之三 持警械時須心存敬重隨意舞弄或寄留別處者罰本月餉十分之三 官給物件均須愛護如有損壞遺失除令賠補外仍罰本月餉十分之三 巡兵不許託人代值總巡督巡等官宜稽查嚴懲 警械所以自衛兼以衛人查有任意打人者按情節輕重分別責罰 警夜尤要該巡兵如畏暑寒酣臥更房不出除責懲外仍罰本月餉十分之三 第八節應革各條如左 洩露密諭者責革 假公濟私訛詐錢物者責革如敢在各鋪戶家私索錢物加倍重懲地方商民公同控告查實者革 黃夜離局私自浪遊者革 冒功請賞者革 第九節應斬各條如左 搶奪財物者斬 強姦婦女者斬 犯事私逃者斬 勾

通盜賊容留外匪誣害良善者斬 第十節巡長巡目罰例與巡兵同 第十一節巡官巡弁應賞條例開列於後 一記功 二獎敘 第十二節凡勤奮供職不避勞怨每三箇月內無疏虞者記功一次 凡竊案登時破獲者記功一次 凡劫案登時破獲者記功二次 凡連記三功者併爲大功一次 凡劫案拒傷事主登時破獲者記大功一次 第十三節凡大功記至三次者稟請給外獎凡能創建新法實於地方商民有益者稟請給予獎勵 凡當差勤勞兩年屆滿無過或功過相抵者稟請酌委優缺一次 凡迭獲要犯異常出力者不拘年限隨時稟請保獎 第十四節巡記於專管事宜奮勉無誤者記功拔升二年屆滿無過或功過相抵均請給予外獎 第十五節巡兵應賞條例開列於後 一賞花紅 一等賞銀六兩二等賞四兩三等賞二兩 二拔升 三賞功牌 第十六節應賞花紅各條如左 獲誘拐欺詐撞騙偽造貨幣等犯照三等賞 遇有水患火災及一切危險能實力保衛者照二等賞 遇有械鬪謀害將釀人命能先時解散防護者及能偵伺竊戶與夫燒香結盟等事先期破案消患無形者均照一等賞 第十七節拔升各條如左 因獲竊盜各犯記功至五次者以次拔升獲強劫悖逆會匪重犯者立即拔升 第十八節賞功牌各條如左 當差兩年始終勤奮者賞給功牌 異常出力者隨時請給外獎 第十九節

內 務

內務

一百四十七

八月

巡長巡目賞例與巡兵同 第二十節撫恤分三項 一因公成廢 二因公殞命 第三十一節官弁以迄巡兵當差在三年以外因公成廢不能任事者官弁給薪水六箇月巡長以下給餉六箇月 第二十二節凡因公受傷殞命者則恤其家屬官弁給薪水一年巡長以下給餉一年 第二十三節巡兵病故者給埋葬銀八兩巡長巡目同 凡因公受傷或致病官給醫藥調治奉 硃批覽欽此

內閣中書尹克昌奏請添設建昌行省摺

竊維藏約將成三瞻肇亂川滇大局岌岌可危前四川督臣鹿傳霖創議收回瞻對改土歸流實爲實邊至計乃爲恭壽所阻論者以爲致禍之源雖然亡羊補牢未爲晚也臣愚以爲今日能收回西藏改建行省最爲上策若其不能惟有劃出四川雅州甯遠打箭爐府廳雲南麗江一府永北一廳永甯一土府之地附以巴塘裏塘明正瞻對各土司之地設爲建昌行省屯墾興學設官練兵置警察通道路隱杜外人得步進步之心庶無棄地棄民之禍夫證之冊籍建昌爲西藏之咽喉而麗江尤爲川滇緬藏之門戶今以此境分隸兩省實閱隔邊情一日有事照料莫及誠非另設一省鎮以賢能必不能布置周密收吏治安邊之效謹擬辦法如左

區劃 以四川雅州府甯遠府打箭爐廳明正瞻對巴塘裏塘土司雲南麗江府永北廳永甯土府所屬廳營州縣土司之地置建昌行省升打箭爐廳爲首府

官職 巡撫一人布政司一人分巡爐雅道兼按察司銜一人分巡明正瞻對巴塘裏塘道一人分巡甯遠永甯道一人分巡麗江永北道一人打箭爐雅州明正瞻對巴塘裏塘甯遠永甯永北麗江知府各一人此外廳州縣各官除雅州甯遠麗江已有同通州縣佐雜外若打箭爐等府添設廳州縣各官應相地核議

財政 凡百政事之張弛均以財政爲命脉試略舉其大端列表於下

行政費 每歲約五十萬兩

軍政費 每歲約一百五十萬兩

教育費 每歲約一百萬兩

交通費 開辦約一百萬兩

以上所列之費四百萬兩合八府之土地人民分配之八府之地有可耕之地至少當一百萬頃而官有森林地不計入焉今雅州麗江甯遠三府已完賦之地未必有二十萬頃竊計八府之地如照奉天歸化城開荒之法約墾四五十萬頃分地價爲上中下三則平均爲每

畝約價六分即得三百萬兩再計人數核之姑作爲五百萬人歲銷鹽三十萬包每包稅銀二兩可得銀六十萬兩煙酒茶糖共稅四十萬兩共已得四百萬兩開辦之費矣

軍政 遵練兵處章程先練一鎮之兵以打箭爐爲鎮統所在地分駐協統於巴塘或維西又酌改一鎮之制改野戰礮兵二營爲工程隊三營原設之建昌鎮營鶴慶鎮營悉汰弱留強改習憲兵與新軍同隸於建昌巡撫設營務處而不另立撫標

教育 編官話字母以一其語言備設小學堂以大啓知識漸移黃教進以農工商礦實業學校使之就地謀生而先之以師範教育終之以高等專門教育

交通 自成都進打箭爐爲東北道自嘉定進打箭爐爲東南道自打箭爐達巴塘爲西道自打箭爐達維西爲西南道先由工程隊開闢此四路爲軍道此外由省至府由府至廳州縣爲府縣道次第開闢設交通局於省會經理郵便電線鐵道航業

以上舉其大略至一切詳細規定應請 飭下政務處詳議施行夫從前東三省西藏之所失者則以未能備設郡縣令外人視爲非我之領土而已計其所失已等於十八行省今川滇邊陲不早布置安知外人不猶以曠土視之乎謹 奏奉 硃批政務處知道欽此

各省內務彙誌

京師 刑部各堂以禁止刑訊難經奉 旨通飭中外一體遵行深恐各處理刑官仍有視為具文陽奉陰違情弊特於本部提牢廳內設一驗刑司點派滿漢司員各一辦理其事並派有書吏醫生仵作人等嗣後所有京外衙門解交到部之有案人犯應先投司查驗該案犯有否刑訊然後轉交刑部覆審如查有刑傷應飭原解差人寫具甘結一紙以便追究 法律館奏請改良監獄管奉 硃批允准因擬派員赴日調查監獄章程及其規模以資效法並聞議先由刑部酌辦然後推之各省一律改良以恤囚徒云

直隸 直督袁慰帥近仿日本憲兵之制札飭巡警總局招募憲兵百名須身體強壯文理粗通年在三十內者方為合格以備彈壓稽查之用

河南 豫省浙川廳本屬南陽府管轄近經豫撫陳筱帥奏請改為直隸廳而撤內鄉一縣隸之已由政務處議奏允准矣

江蘇 自清督淮撫先後裁汰後江督周玉帥特親至清淮考察一切計添設局所四處曰洋務局曰商務局曰發審局曰警察局除發審局歸淮揚道管理外其餘三局均派江南候補道員為之督理

湖北 鄂督張香帥近飭洋務局總辦岑觀察與日本駐紮漢口領事永瀧君議定聘訂東京早稻田大學講師松平康國充當湖北省政治法律幕僚每月給與薪水例銀三百五十兩一切用費在內按每月西歷一號由善後局支發並訂立詳細合同入款彼此遵守暫以二年為限期滿後若主賓相得則可按年展留不必另訂合同云

廣東 新會縣洛冲里某君近與鄉人聯一愛國會無論士農工商均可入會惟異教者與有劣惡聲名者不與此會宗旨不干涉一切社會事務惟既入會之人一概衣食用物不能用洋貨如衣服等物用土料而仿製洋式者均所不禁每人

內 務

一百四十四

八月

先捐銀三元公舉殷實者存貯生息將息延聘演說員分往各處發明愛國愛羣義務及戒用洋貨非以仇洋實欲扶本國利權云云 電白縣屬水東墟商賈雲集水陸交通爲高州海口第一商埠近來盜賊滋多搶案相繼以是商人裹足貿易大形減色近經總辦水東稅廠榮別駕稟設巡警局招練警兵藉資巡緝按月由稅釐各廠撥給經費以衛地方云 廣西 右江道龍觀察濟光具稟督撫兩署請援桂林同知移駐四十八峒成案擬將慶遠同知改設於五十二峒中鎮撫地方以期長治久安並准管帶營勇俾得防備一切聞已批准施行矣

各國內務彙誌

日本 五月初九日日本開御前會議其皇太子及伏見宮愛仁山下各親王均與焉

英國 英相巴爾福近與各大臣意見不合以致下議院出有紛亂之事各議員因得藉此機會聲明彼等對付稅則與糧食稅之意見然後方肯再開藩屬大會云

俄國 自莫斯科地方會議定設立國會選舉議員呈由內務省批准後各大臣多不謂然紛紜阻撓於是民心大憤各地方會代表人復集大會於莫斯科至者二百五十人公擬一文送與俄皇其中詞意甚爲嚴切並請由全國人民公舉一大員以定奪戰事之續否凡惡毒險惡之官吏須全行斥退且申明俄皇之責任重大切不可再事遷延等語其文中稱謂全用爾我字樣實不啻一哀的美敦書也事聞於聖彼得堡全城之人大爲驚異各大員在朝中集會後定議接受並允設立代議士俄皇亦允接見地方會代表人某日各代表人會同進見專論國政問題復由脫羅帶司克親王將俄民慘狀面奏俄皇約歷半小時之久俄皇大爲所感並謂對馬之戰殘害生靈尤爲可悲之事繼今以往朕當量設國會深望各地方會盡其能力使俄國朝野之間互相吸合也於是民心大悅境內始靜 俄京官報近調查全俄人口共計

一億二千五百六十四萬二百人若將各地分計則歐俄五十縣內九千三百四十四萬二千九百人波蘭地方九百四十萬二千三百人高加索九百二十八萬九千四百人西伯利亞五百七十五萬八千八百人中部亞細亞七百七十四萬六千八百人云

德國 德首相索洛伯爵近已晉封王爵 內務大臣漢麥司旦男爵病卒年六十有二近已簡俾蘭登堡總統比德曼男爵以繼其任

法國 前工部大臣鮑庭近已簡爲安南總督

瑞威 瑞威議院近議定與瑞典分析各自立國瑞皇奧斯格以後不能居瑞威王位而於拔那達舊皇族中選一年幼太子嗣立爲君並令通國改樹新定徽章以表明獨立且議自設外部而以洛連男爵任之

英屬印度 印度政府近議增設警察一大隊以備有事之用豫計此項費用歲約需英金十萬鎊左右新軍既成則一旦有事即可將印度原有軍隊調赴前敵無須留守蓋現時印度警察雖共有十五萬人而其中有槍械者僅五萬人有刀劍者僅四萬人訓練亦未甚精只能於平時保衛地方之治安至戰時則尙不足恃故印度政府頗以增設警察爲急務也

內
容



二
百
四
十
六

八
月

商務印書館出版
日俄戰紀

夜偵察敵狀圖○俄國苦魯巴金晤吉林將軍圖○俄國關東軍團司令本部○
俄國旅順守備兵第十一聯隊兵營並海兵團○俄屬西伯利亞布拉郭什臣斯
克曉景

第八冊●日本上村中將瞭望海參崴俄艦圖○俄將司廓理羅甫出海探敵圖
○俄司廓理羅甫艦隊攻擊日本商船圖○俄艦長與日本大尉在烟臺互毆落
水圖○海參崴港俄艦停泊情形○停泊海參崴俄艦(播受禿艦格朗保艦露
西亞艦路利克艦)

第九冊●日俄兩軍金州大戰圖○其二○其三○俄軍自九連城退入鳳凰城
圖○俄內務大臣(柏來維)小像○柏來維被殺時所乘車圖○瓦稍旅邸前柏
來維被殺情形

第十冊●日本看護婦會長錫島侯爵夫人小像○日本婦團隊歡迎麥基夫人
圖○日本紅十字看護婦會員練習綳帶圖○俄苦魯巴金率衆臨陣圖○俄逃
艦阿斯哥及格羅蘇堡○俄逃艦阿斯哥左右舷損傷圖

第十一冊●老鐵山圖○黃金角圖○日本東鄉司令官督兵備攻旅順圖○旅
順新舊市街中間之孫家溝○日本前駐俄國公使(栗野慎一郎)○俄國前駐
日本公使(羅善)○俄太弟(密喀爾)

第十二冊●奉天鐵嶺附近詳圖○日軍登山進攻遼陽圖○日本橫須賀船塢
○旅順全景○貝加爾湖○松花江岸○齊齊哈爾○俄國旅順船塢

商務印書館出版
日俄戰紀

令長官(馬克羅甫)○俄旅順艦隊司令官(斯他司爾)○俄國哥薩克騎兵

第三册●鴨綠江戰地圖○日本旅順海戰司令官(梨羽時起、細谷資民、東鄉正路)○日本艦隊在佐世保軍港啟行圖○日本魚雷艇隊第二次攻擊旅順圖○日兵放魚雷攻擊俄艦圖○俄太平洋海軍司令長官(司庫理羅甫)○俄陸軍大臣(塞喀羅甫)

第四册●日本三艦長(中尾雄、加藤友三郎、山田彥八)○日本步兵戰圖○日本砲兵戰圖○俄將斯他率兵渡貝加爾湖圖○俄國貝加爾之哥薩克兵隊渡冰圖○俄兵旅順砲臺禦敵圖○

第五册●日本三親王(依仁親王、菊麿王、博恭王)○日本砲兵鴨綠江激戰圖○日本堵塞旅順沈船情形○俄將苦魯巴金巡視旅順砲臺圖○俄將苦魯巴金巡視海參崴砲臺圖○俄戰艦彼得羅巴阿司克艦長(察科威烈夫)○旅順第七戰被毀之俄戰艦彼得羅巴阿司克○俄戰艦彼得羅巴阿司克中雷沈沒圖

第六册●日本第十二師團長(井上光)○第二十三旅團長(本越少將)○第十二旅團長(佐佐木少將)○日本接應陸軍艦隊司令官(細谷少將)○裝砲汽艇司令官(關少將)○摩耶艦及艦長中川中佐○日本堵塞旅順口船員移乘小艇圖○日本堵塞旅順隊歸陣圖○俄國海軍大臣(阿韋蘭)○俄國道路大臣(喜勒麻甫)

第七册●日本皇太子○日本威仁親王○日本載仁親王○日本騎兵斥候乘

商務印書館出版

日俄戰紀

日俄戰事於東亞大局之關係甚鉅而於我國爲尤甚是以歐亞人士咸注目於茲役中外新聞雜誌記載甚多惟頭緒既繁尋繹匪易日本金港堂博文館育英舍富山房皆有日俄戰紀之刻爰仿其例輯爲是編自開戰以來迄於今日凡海陸戰事及關係於戰事之政策邦交無不備錄區分門類凡十餘種記錄詳盡斷制謹嚴每冊首列寫真圖畫若干幅皆關涉戰事之人物狀況及戰爭樞要之地理每足一冊即付手民陸續發行不預定期以戰局終結之日爲止

定價

每冊

大洋二角五分

日俄戰紀之圖目

第一冊 ● 日俄陸戰地圖(平壤義州鴨綠江鳳凰城地方) ○ 日本國皇帝 ○ 俄國

皇帝 ○ 俄關東總督(亞力喀塞夫) ○ 俄陸軍大臣(苦魯巴金)

第二冊 ● 旅順港地圖 ○ 日本軍事參議官(寺內、奧、大山、黑木、山縣、井上、伊東、山本、野津) ○ 日本艦隊司令長官(東鄉平八郎、上村彥之丞、片岡七郎) ○ 日本三司令官(瓜生外吉、出羽重遠、三須宗太郎) ○ 日本七師團長(長谷川好道、小川又次、貞愛親王、山口素臣、井上光、西寬二郎、大久保春野) ○ 俄太平洋艦隊司

商務印書館出版類

華英音韻字典集成

洋裝 每部一冊 價洋七圓五角

企英譯書館編校○共集字語十餘萬言注以發音標其讀法繼以英字注釋華字譯義並綴文法字類音韻以英儒韻納耳本為宗譯義以英國羅布存德本為主並加增訂附圖千有餘幅異物奇器一覽便明末附英國假借他國俗語解義減筆字解記號彙釋及中西地名表全書一千九百十四葉鴻博精密昔所未有侯官嚴先生謂為獨出冠時世所寶貴非過譽也

華英字典

每部一冊 洋裝市面洋紙 價洋一圓二角半
華裝洋連史紙 價洋六角

本館編譯○君其照會輯華英字典頗便學界顧世人尚嫌缺略茲特增益二萬餘字全書計四萬言釋義詳明注詞燭照并以文字聯綴成句以便選用附錄筆字解各種記號有志西文者不可不手一編也

袖珍華英字典

洋裝 每部一冊 價洋一圓

上海南洋公學教習胡文甫先生編譯○詔興學堂習外國文字者益衆而英文為尤本館先輯華英字典集成華英字典兩種猶不足以供學界之用乃酌刪繁重輯為是編全書約四萬餘字製成小冊納諸袖最便翻檢嚴侯官先生賜序謂取了大義期於捷速簡當誠知本館之意矣

軍事

論殺降之謬 乙巳四月二十八日新聞報

殺降之事。華人斥爲不祥。此等見解。猶帶有迷信神權之性質。西人於殺降之事。斥爲失信。視爲野蠻無教化之國。蓋世界無論何種事業。其實際祇重在一信字。信則國雖弱而不亡。否則國雖強而終滅。歐美構戰。其交鋒也劇烈慘毒。頃刻之間。伏屍流血至數萬人。而白旗一樹。砲聲停歇。收其軍械。繫爲俘囚。給藥餌。予衣食。優待厚養。何等文明。然此猶指臨戰投降之敵人而言。若夫勢促機危。見幾先降之人。則西人必堅持一信字。以相待。決不忍挾疑似之跡。而妄殺者。李文忠之殺蘇州八王也。戈登至擬以手槍擊程學啓。撫屍痛哭。深咎失信。此後遂不與程一面。足見西人待人以信之處。實非華人所能及。夫中國處今日之地位。當事事求合文明程度。求進文明資格。庶免爲人所輕量鄙薄。不此之務。而屢行慘毒失信之事。使他人詬爲野蠻之國。不以人類平等之道相待。莫如廣西屢次殺降之事。去歲柳州之變。陸亞發實因梁懷禮等曾。既降被殺。疑而不安。遂萌逆志。雖督兵天帥。邀天之福。微倖蕩平。不知耗費無數金錢。犧牲無數生命。僅乃克之。論功則蕩平宜賞。論罪則激變宜罰。竊

以爲鑒於前失。當懲後患。而右江官場。又蹈覆轍。始則殺既降之侯五。繼則殺既降之郭十。二致令丁軍門所招降匪。聞此惡耗。均不自保。復有挾槍叛去之變。夫殺降之事。不可爲訓。侯五郭十二等。果真罪大惡極。國法難逃。當其來降之日。應明告以如某某者。許其投誠贖罪。如某某者。決不許其投誠贖罪。脅從叛徒。幸得網開一面。未有不斬首逆來歸者。乃事前則怯戰。許降事後則因疑誘殺。記者最闢神權。不必與言好還之天道。但就人道立論。因疑失信。殊乖公理。夫侯五等。卽或狼子野心。不可馴養。將有後禍。爲右江官場計。當先行設法箝制。或調至他省。或遣之歸農。神龍失水。猛虎離山。未始不可防範。計不出此。僅以形迹疑似。誘至聚殲。借口防變。執此以推人人可疑。爲闢獻人人可疑。爲勝廣世界將無一推心置腹之人。況廣西降匪甚多。殺一侯五而未殺之侯五。不知凡幾。殺一郭十二而未殺之郭十二。不知凡幾。現在因此叛去者。僅丁軍所招之降匪耳。安知他軍之降匪。聞此不叛。去乎。安知前賊後民者。聞此不復叛乎。嗚呼。此舉之謬。不待言矣。失信於降賊。不過使劇賊此後不敢復降。內亂恐不能靖。失信於降賊。而使他人見中國官場之舉動。毫不足恃。輕量鄙薄。日引月深。咸以野蠻相待。外患懼將不免。雖曰殺降爲中國將帥之積習。如白起李廣者。代有其人。然而閉關之日。行此野蠻政策。僅留爲箇人歷史上之污點。若處交通之日。而行此野

變政策其爲患則非記者所忍言矣

論中國宜注意於西南之國防 錄乙巳五月初四日時報

近日聞諸人言某國新向我政府要素三事。又於此時向滇督商設民政局於雲南之某處云云。此兩事日前皆正在交涉。其結局如何。尙不可料。然試易地以處。爲某國計。則其迫不急待之情狀。固有不得不然者。按某國素與俄國同盟。近雖漸露冷態。而其平日固結已深。斷非朝夕之間。可以渙散。今者俄人戰敗。方有乘釁竄入蒙古以敗我中立之勢。而某國乃適於此際。提出種種之要求。其爲彼此相應。似已灼然。此可疑者一。卽其不然。而某國素忌日本。今觀日本之戰勝。則恐異日擴張臺灣之勢力。而與其東方屬地有妨。故亟求先固其基。以爲防禦之計。而又恐日俄戰事定後。日本將握有權力於中朝。至此時而始要求。則必爲日本所持。而至於無效。故爲此先發之舉。此其可疑者二。且自日俄開戰以來。英國已乘此時機。進兵西藏。而獲其勝利。近又保持阿富汗爲獨立之邦。此皆英人所得之厚實。而某國以躊躇太甚之故。始則望俄之勝。繼則憂俄之敗。爲客觀所牽率。而自失其良圖。以致坐負機會。今既漸悟俄之不足與。而瞿然思自爲計。則安可不急起直追。以爲補牢之想。此其可疑者三。有此三故。竊恐其所要求之事。已握至堅之算。而其用心。非可以空言終拒也。

記者之意。竊謂他人既有挾而來。則我之備之者。不當徒恃筆舌。而尤必有實力以盾其後。且設險守國。備預不虞。本有國者分內之事。不必以禦敵猶陳。遂謂可以無俟於鐵血之用也。爲今之計。人之所凝視者。在於川滇兩廣之交。則我之對於西南一隅。誠不可不重加之意。今姑以簡單之辦法言之。一廣東之高廉欽瓊數屬。自光緒二十三年割棄。確洲一島以後。已與粵省形格勢禁。不相聯通。一旦有故。此數府州者。將不血刃而已入他人之手。今宜於此數府州間。擇要速建軍府。選派聲望素著之都統提督等官。駐屯其地。置兵設守。成爲重鎮。庶可藉以自救。而不必盡恃後路之援。一龍州戍兵。頗資鎮懾。既有成效。不可遽撤。宜更於滇桂兩省邊界要衝。增設戍衛一二處。以大員建閫。一仿龍州之例。至其戍兵。仍以調自他省爲宜。滇民盡人嗜煙。而粵民又溺於賭。恐皆不中教練之用。若去歲剿匪之軍。如黃忠浩等。各部猶未盡撤。則以之移駐最宜。一滇桂兩省沿邊各土司。宜派員調查其實情。或可聯絡以資驅策。勿使轉爲他人勢。懾利誘以用之。且西北蒙部。頗有私售轄地於強鄰之事。西南各土司。情事相近。亦甚可慮。宜於各土司轄境。詳悉加以清查。一四川邊外三瞻之地。爲川滇兩省連接之區。今方有用兵之事。而克捷猶未可期。似宜厚集其力。以進剿而救平之。然後置重鎮於此。以爲西南數省策應。毋使國家有唐時南詔之憂。此數者略悉其

要。雖急切之辦法。然以言根本之計。似亦不外是矣。夫以今日之事。楚歌四面。幾於防不勝防。然窺中朝之命意。則其處置西南。似較西北尤爲忽略。一旦有事。不知何以禦之。而今者他人之意。又已顯露。有識之士。所不得不爲寒心者也。記者所陳數端。似尙非甚難而不易舉。誠能及此綢繆其事。則人之要求於我者。或天所以屬當路之衷乎。

湖南巡撫端奏湘省援桂一軍迭獲渠魁卓著勳績並邊防安謐情形摺

竊查湘省防務自上年派軍援桂相機進剿迭得勝仗並將西南兩路增兵置防各情經前署撫臣陸元鼎先後奏報在案奴才到任後正值援桂統領忠字全旗署江南狼山鎮總兵黃忠浩一軍剿辦得手之際又經奴才馳電慰勞節據該總兵報稱帶隊親至融縣羅城一帶搜捕餘匪於四堡地方獲匪首梁日忠及叛弁覃元章梁福源等並用火攻燒斃巨匪梁萬順即梁濫六實爲匪中渠魁前後共獲首要四十餘名擊斃三十餘名窮蹙出降者亦三十餘名又於三防地方拿獲積匪劉子洪章昌傑等二十五名山峒匪搜取無遺並令匪徒繳呈槍械許其投誠所得槍械逼碼甚多融縣懷遠等屬遊匪已盡可冀肅清該軍自上年五月赴援艱苦備嘗感受瘴癘病亡相踵而桂省客軍則以該軍爲冠岑春煊亟稱其士氣奮勵是以立功甚多此援桂一軍搜捕餘匪漸次肅清之實在情形也至於湘省邊防則

自黔邊竄匪剿禦得宜之後西路安堵如常現據辰沅永靖道莊慶良稟稱黔邊業已靖謐正擬將前次調往防堵各軍分別調回並酌留數百人扼要駐紮以資應援南路則張慶雲一軍遵旨仍紮全州並經奏明飭令兼統江南常備右軍而以杜俞爲幫統督帶中營該軍換統之時經奴才遵委前廣西候補道沈世培前往該軍體察情形妥商布置茲據該員與張慶雲等會商擬定辦法又經奴才電商湖廣總督臣張之洞署兩江總督臣周馥斟酌核定意見相同飭令照辦因南路以永明縣之龍虎關桃川墟江華縣之白芒營葫蘆口最爲險隘現祇健字旗兩哨分駐實形單薄而永州府城則有常備軍四營並健字第七旗兵力又嫌稍厚卽常備軍酌留兩營駐防永州抽出兩營分駐龍虎關桃川墟白芒營葫蘆口等處扼要駐紮歸杜俞駐永督率嚴堵粵匪由平樂一帶竄湘之路其健字旗原駐兩哨卽行調回本旗並將健字第七旗調回與第二旗同紮黃沙河歸張慶雲駐全督率以當粵匪由桂林全州竄湘之路各專責成互相策應張慶雲身爲兼統並令兼顧兩路勤加會哨徐圖整頓以成勁旅現在將領輯和軍心亦稱安戢至劉光才一軍則仍分駐城步新甯等處俾爲聲援嗣後桂匪漸清當不虞其竄擾足以仰慰宸廑仍由奴才分飭防剿各軍不得以匪事甫有端倪稍萌疏懈其餘未盡各事隨時再與黔桂各督撫臣會商妥辦統計湘省

此次籌辦邊防援桂黔士卒均能異常出力一年之中迭著成效其平時守禦各軍亦復殫心竭慮使地方得以相安皆有成勞可紀一俟桂省軍事畧定應懇 天恩容奴才將在事出力各員弁奏請獎敘以昭激勸謹 奏奉 硃批著擇尤分別酌保毋許冒濫欽此

新疆巡撫潘奏設立卡倫查禁逃哈摺

竊臣承准軍機大臣字寄光緒二十九年五月初四日奉 上諭長庚等奏議還借地一摺據稱阿爾泰山地段周圍七百餘里從前借哈塔城之案糾葛多年現經將軍秉公勸議將原借地段交還科布多參贊大臣管轄其潛往之哈民人等隨地歸住科布多境者歸科城管轄住塔爾巴哈臺境者歸塔城管轄等語應如所請辦理即著瑞洵春滿迅即定期交收妥爲安插約束和衷會商悉心經理其潛入新疆南北路之哈民著潘效蘇趕緊設卡查禁並另派員會同科塔兩城派來之員分別收回各歸各牧以免紛擾餘依議等因欽此查科塔兩城哈薩克潛來新疆地面游牧歷年已久因非新疆管轄搶竊頻仍肆無忌憚爲害閭閻此次奉 旨收回原牧除南路塔爾巴哈臺屬屈莽山尙有頭目布克一股二百餘人因抗拒兵團業經 奏請派撥兵隊前往相機迅拿另案辦理外其餘北路之鎮西奇臺孚遠阜康迪化昌吉呼圖壁綏來庫康喀喇烏蘇精阿南路之焉耆吐魯番鄯善各屬逃哈經地方文

軍事

二百八十八

八月

武委員會同哈塔派來員弁驅收淨盡已由臣先後具奏在案自應欽遵前奉諭旨設卡查禁杜其復來以免紛擾查省城東路與科布多接壤西路與塔城接壤東西二千九百餘里處處可通茲督飭地方文武斟酌哈來來路之遠近衝僻東自鎮西廳起西至精河廳止共設大卡倫三處每處駐千總一員兵四十名中卡倫八處每處駐把總一員兵三十名小卡倫六處每處駐外委一員兵二十名馬步各半以資巡哨兼顧屯牧並於各卡中間扼要之地修築界墩兩卡弁兵往來會哨以昭周密另訂卡倫章程分飭地方文武各官兵遵照辦理謹繕清單恭呈御覽惟承平年間科哈塔兩城沿邊安設卡倫稽查哈薩克入境立法本極周密分界後藩籬盡撤內附哈薩克牧地未定專管無人以致漫無限制現蒙特簡科布多辦事大臣駐紮阿爾泰山辦理蒙哈事務責成既專事權自一所有清查戶口分撥牧地選擇期日訂立規條各務必能次第舉行使哈衆成就範圍不至如前此之毫無約束惟新疆現設卡倫與科塔從前設卡事同一律均應體察現在情形參酌舊日例章辦理以期經久茲擬請俟設卡後如有哈薩克須赴新疆各屬貿易者由科布多大臣發給執照歸塔屬者由塔爾巴哈臺大臣發給執照將人畜數目貿易處所往返日期分晰填明定限八箇月仍歸原牧不得在新疆地面逗留以免滋事如無執照查驗不准私擅入卡如令

哈衆私入卡倫經官兵驅逐拒捕及越界劫竊者拿獲按例分別治罪駐卡弁兵曠職照例分別斥革罰責倘有受賄容留情弊發覺加重治罪如果巡哨勤慎一年無過准各記功一次以示勸懲如此辦理庶哈衆可無侵擾之患邊防亦免疏懈之處如有未盡事宜仍由臣隨時察酌 奏咨辦理謹 奏光緒三十一年五月初二日奉 硃批該衙門知道單併發欽此

各省軍事紀要

直隸 北洋陸軍第一鎮統制王綱察具稟直督署謂據工程營李管帶呈稱近來礮火猛烈敵前遠藏各法如新式溝壘結砂欄阻諸法若專恃工程隊臨時布置恐誤事機請飭步隊兩協速加結砂欄阻各項課程庶人人皆知進藏新法一旦有事疆場自必乘輿易車茲將結砂欄阻料物估定價銀若干兩即請飭發價銀購辦等情已蒙直督批准

江蘇 蘇州鹽務作亂經新勝營統領徐參戎率江督電調前往剿捕與匪開仗三次槍斃無算擒獲五名即解赴甯垣正法

安徽 皖撫張果帥因皖北營務弊端百出不能不加整頓遂將練軍營改爲巡警營卓勝營改爲鎮備軍每營弁額二百六十名均選年富力強之人充當日加操練其老弱不能成列者盡行撤去 皖北宿靈匪起調派防剿各兵陸續齊集相約將匪徒盤踞之常昭山前後包抄該匪等初時抗拒甚力嗣因軍火不濟被官軍陣殲數十人遂由山僻小路分起總竄

江西 贛省與閩粵接壤之會昌定南長甯等州縣現有匪徒聚衆起事勢甚猖獗已由贛閩粵三省督撫約期會剿以
免橫竄

廣東 西甯縣平村等處有匪徒聚衆拜會約期起事當由該縣令稟報至省一面會營剿辦 恩平縣賊匪千餘人屯
聚大人山四出劫掠並有強搶婦女等事經鄉人通稟大吏即派官兵千餘人前往痛剿匪黨拒戰之下傷數十名被擒
十三名惟官兵傷斃及被虜者亦有數百人之多云

廣西 臨桂縣南鄉塘頭墟等村有外來匪黨挾槍紛至潛匿僻處煽惑鄉愚拜台入會事經省憲訪悉札飭署該縣夏
大令督帶省城練勇會同揀選知縣秦大令等統率兵練數百名拔隊前往分路查緝 陽朔縣屬白溝村張某家被匪
多人搶劫銀物焚毀房屋並擄去男女幼孩數口附近忠恕團聞警往捕至杭子地遇匪拒敵匪等俱持快槍各練丁勢
力不敵被匪打傷練丁兩名而逸 以上桂林

馬平土匪巨惡黃老龍擾亂柳郡全府迄已數年二十八年冬間署柳州府周太守繼仁督軍圍捕黃即發槍拒捕致周
太守受傷陣亡嗣後逆倭益熾勾結游匪劫掠竹根等村罪大惡極久剿未獲本年三月初旬黃率匪黨百餘人住宿馬
平縣屬之苦藤村適王太守瑚清鄉遇之立督統武匡軍一中隊會同忠字一旅殺靖軍一營合力圍剿黃及各匪黨拚
命死拒屢戰一晝夜次晨攻破村寨擊斃悍匪數十人將黃老龍擊獲經王太守提訊明確即行凌遲梟示 右江道龍
觀察濟光梟斬降匪侯五後各降匪均懷怨惡降督郭十二偵獲柳州叛弁陸阿發有功以賞不足憤尤憤怨思逞所部
降匪日益騷擾王觀察之祥慮其將叛特密飭綏靖軍統領宋尙傑將中右兩營弁勇密爲布置誘降督郭十二及降匪
百餘名至其營聚藏之以絕後患此耗播揚通省投誠之匪均不自安衛字軍統領丁軍門槐先後招降悍匪一百餘名

以位置不優本懷憤怨自閏此信羣即譁謀挾槍叛去旋經粵督岑春帥切責丁軍門迅速剿捕並經慶軍助金始將已降復叛之著匪唐微鈺莫扶因莫扶登羅特就羅永從鄧老三等三十名拿獲又慶字副中營張管帶集林生擒章寶琴章夫廣章老墨章老基章扶今章六生等十六名訊明確係叛匪即一併解交衛軍大營訊辦 以上柳州

威字營叛勇前在馬平潰變爲官軍擊敗逃往上隴伏匿經年近經恩府屬安定團紳會同營勇將農三覃益等各匪目拿獲 又恩南團紳督帶練勇搜尋匪嗣猝遇王和順周特允之悍黨數十人相持竟日匪黨敗逃擒獲潘得四鄧世求等兩名均正法 以上鳳凰

梧州容縣兩縣交界之各村墟有土匪數百人拜台入會煽惑地方勢將起事經紳民赴梧密報署梧州府莊太守即飛調梧防一營星夜前往會同容縣兩邑迅速緝拿 以上梧州

宣化縣親兵協同營防營勇督搜餘孽在潭落司地方先後緝獲王和順之悍黨潘山覃三何大陸秀松等四名一併解交宣化縣訊辦 南丹土州逃匪首蘇三經右江道龍觀察札飭榮軍統領陸榮廷派弁訪拿即爲該軍帶帶彭哨弁在南甯拿獲就近解交宣化縣訊辦 代理南甯府葉太守蘭芳奉粵督電飭查看匪擾各村酌給牛隻穀種連即親歷各鄉追抵上峽即據康土牧飛報著匪馮賜春潛回伏匿請派營會拿太守即督親兵星夜馳往及抵尖村立約該土牧帶隊會捕匪黨拒敵當場擊斃三匪餘悉逃遁比及黎明傳集紳民指認其一確係馮匪餘二匪不知姓名均皆梟首示衆電稟各憲 以上南甯

日俄戰事紀要

庫頁島戰

軍事

軍事

二百九十二 八月

自俄人以千島之地與日本庫頁島而庫頁遂歸俄國版圖矣即量起迄乙已俄師連敗正日人光復此島之機也六月初五日黎明日本片岡中將率艦隊抵庫頁海面行掃海事畢即以運兵船與艦隊之一部駛近海濱而聯合海軍之枝隊即時登陸毫無阻礙遂依預定之計攻佔沿海地方陸軍枝隊亦同時登陸以為海軍之助時可殺克夫城南面高原之俄兵擊斃日軍掃海艦隊日軍不為却從容敘事一無受傷初六日晨日艦三艘魚雷艇兩艘奉令往助陸軍攻擊可殺克夫追擊駛至而俄軍已焚城遁其地為陸軍所佔午後二鐘日軍滅魚雷艇駛入蘇羅島加海灣後日人島名千島灣俄軍擊斃以野戰砲對之猛擊日艦遭砲相攻俄軍不敵砲聲漸沈蘇羅島加途為日軍所佔俄軍既失可殺克夫即退至福雷在可殺克夫北七英里附近之處日軍往攻俄兵皆無守志更向佛拉底謀羅夫加在可殺克夫北二十英里及伯里幾宜異而退初八日日軍追擊往攻復將俄軍擊退佔領其地維時俄軍總隊已退至達里宜異西北之障地初九日日軍益悉銳進攻相持一日至初十日俄兵不支齊向摩喀而退於是庫頁南部全為日軍所得是役俄兵被俘者八十人失砲五尊子藥無算日兵死者七人傷者六十人

中立彙誌

中國 四月二十二日下午八鐘俄國波羅的海艦隊運送船六艘佛拉底謀 伏羅尼 耶羅察來甫 四伏尼亞 佛梯俄 耶羅尼亞駛抵吳淞江海關道袁觀察除飛報江督外務部外即按照中立條規照會駐滬俄領事限於二十四鐘內一律出口俄領事不答覆船亦依舊停泊袁觀察一再照催始得俄領事文官此六艦實係商船應與各友邦輪船一律許裝食物煤斤及任便停留等語旋查明該六艦各有管帶統帶等官不得飾為非運船應照原議依限出口否則即須拆去軍械乃俄領仍無允意於是袁觀察一面電稟江督及外務部向俄使力爭一面仍與俄領商至二十六日下午俄領始允下旗候核距至二十七

日忽又悔議函稱前日下旗特因雨故並非願受約束云云袁觀察復與俄領駁辯略謂此事業已商准貴總領事電東外部務及江督若如來函所稱殊出情理之外本道惟有執定前議趕卸軍械以符條規倘仍堅執不允設有意外衝突牽動中外商務及重大之損失一切責任本道決不擔承云云二十八日復又備文嚴詰俄領旋准覆文始允下旗請海關指定地方以便停泊惟官該六艦究係商船船中水手除應留存若干名外餘須遣之回國如俄政府尚不以此辦法爲然一切責任仍須由中國承當云云袁觀察當又嚴詞駁覆略言扣留船隻約束船員係中立國應辦之事何得聽其違回亦何致另有責任云云此外復有高麗及西非亞兩俄艦續於二十七日到松至是亦已停留逾限遂限同一律辦理於五月初旬先後駛入溫江分停董家渡楊樹浦船塢碼頭等處軍械機件一併起存製造局之氣字館字光字等棧船弁水手各具切結簽約發誓非俟戰事既畢不許一人回國云 五月初二日俄魚雷艇普徒利續至吳淞船中傷兵十五名水手七十三名及他船水手被難救起者七十四名俄領要索准其回國船則聽受約束袁觀察不允亦一併扣留溫江而受傷等人安置於前泊溫江之滿洲及奧斯科兩巡艦云 政府因俄軍侵犯東三省中立地之事特電致駐俄胡星使命其向俄外部要求辦法當經俄外部允諾而東三省俄兵之暴行如故乃又將吉林將軍所列舉之事實若干條電告胡星使旋即覆電云以今日情勢而論實難禁止俄兵誦電命三省將軍遇有俄兵損害財產生命之事即行查明記錄以備他日向俄國要索賠款云云 日本駐奉天之軍政官函致廷將軍略謂現奉總司令部之命擬將自通江子至營口沿遼河一帶各項商稅暫行停收因大兵之後商民交困若往來貨物更加重稅益不能堪且戰線之內設員稽徵最易洩漏軍事請將稅局員弁撤回等云廷將軍以事關重大且奉省用款浩繁大半仰給於此一旦停徵實於大局關係非淺立飭交涉局與日司令部參議福島小山二君再四磋商而日人堅執殊甚惟允俟和局定後將短徵

軍事

二百九十三

乙巳

軍事

二百九十四

八月

之款如數賠償廷帥無如之何遂電稟外務部核奪部意以日軍既有恤民之意何以自在戰地抽收額外之稅而獨不許中國收稅因與駐華日使力爭云 在滿俄艦奧斯科醫官車尼可夫近因有病特援紅十字會原約第二第三兩條視為中立之人准其出境惟須隨時知照等語辦理駐華日使亦無異見外務部即諭飭江海關道袁觀察告知俄領照辦 有俄步騎砲各兵約一旅團於四月初一日侵入伊犁塔爾巴哈台嶺由科布多繞道烏里雅蘇台之東北而入札薩克圖地方經過要地概行測量建立表木再沿色楞格河從買賣城東南而至恰克圖即在該處與來自貝加爾之俄步兵一師團相合再由恰克圖溯色楞格之上流侵入札薩克圖地方政府連接急報後不欲遽行宣布但命駐俄胡星使詰責俄政府干犯中立云 俄國以日本在新民府設兵防守實為違犯中立因請政府迫令日本撤兵政府將此意照會日本後旋接覆文畧謂日本按照國際公法如果該電實能厲行中立則日本自當撤兵但因俄國前據此地以抗我國今日本同為交戰國則其認此地為交戰地域並無不合絕不見有可容抗議之餘地云 駐華代理俄使照會外務部略謂日本陸軍不遵公法屢由中立地抄襲俄軍受損害甚不可不屬抵制擬借蒙古奈曼旗地駐兵以資防禦外務部堅拒不允 又駐華代理俄使照會外務部言日本在韓國擅權違背公法應請中國駁阻云云 又駐華代理俄使於五月初六日往謁慶王之後其翌日即至外務部囑囑言中國若不將蒙古一帶之中立地界允許俄國擴張則俄國以本月十三日為期當令兵隊直進蒙古屆時中國不得再責俄國違犯中立云云 新民府各官署現均為日軍佔據并將府署改為軍政署頗有久佔之意經直督袁慰帥電請外務部向駐華日使理論速令讓還以全中立 外務部以前定恪守中立條規尚未完備近又續增兩條一凡商家輪船一經艦隊雇用即應以戰艦相待到口時即照兵輪一律辦理一凡戰國存儲之煤無論若干現在均須扣留非至戰事完竣時不得起運現已將此項辦法通告各沿海督撫轉飭稅關照辦

各國 駐日法人漢哥思大尉前爲日人拘捕現已受審實緣所雇日人洩漏軍情所致至其養子英人斯忒德同因無憑証業已釋放 美國商輪和爾特亨亞在臺灣附近爲俄艦所捕船主及管事等四名均皆拘入俄艦 瑞興拖船因德施脫來於四月二十六日在山東成山角鎮海衛附近之處爲日艦所獲船中德人一名一併帶往佐世保 日艦日本丸所捕德國商輪西里畢斯已由橫須賀俘虜裁判所判定充公業交該處海軍鎮守府遣用 俄海軍少將阿寬司脫率領敗艦奧黎格與魯喇竭姆邱三艘逃抵美屬馬尼拉請許在該處修理即經美官查估須經六十日之久方可修竣是時菲律賓美官適奉政府訓條飭令俄艦於二十四點鐘內出口否則拆卸軍械一律拘留遂即照會駐劄該處之日本領事自五月初五日午刻起算待滿二十四點鐘即勒令退出迨初六日午後日領又接美官照會言已議定將該三艦軍械拆卸概交與美海軍提督管束云

民政設置

日本政府近簡石塚英藏現任臺灣總督府總務官長爲滿洲占領地民政長官又簡關屋三郎現任臺灣總督府總務官兼參贊官爲小島源三郎前內務省參贊爲占領地民政署事務員先於大連灣創設民政署然後漸次在金州瓦房店蓋平等處設立分署

俘艦易名

日本於對馬海戰所捕俄艦奧利爾今改名石見厄古拉士第一改名豐岐阿撥利尋改名神之島新嘉文改名三島勢滿完改名佐久知

囚徒愛國

日俄開戰以來日本內地各處監獄囚徒皆受感觸心情爲之一變如名古屋等各處監獄囚徒近均具稟獄官略謂現

軍事

二百九十六

八月

在時局大難我等身罹法網未能爲國出力實爲可恥今願在獄日夜操作軍需各品務乞允准以表寸心云云各處獄官轉稟當道諒其赤誠准如所請現在全國除北海道之橫戶網走十勝函館沖繩宮崎島取宇都宮八處外餘皆兼課製造軍需品中之軍靴軍衣等工作其中巢鴨小菅市谷等三處並操夜業孜孜不倦工作極勤云

俄艦觸雷

俄國海參崴巡洋艦格朗姆拜欲與波羅的海艦隊相合方駛出口忽誤觸日本水雷致遭沈沒

各國軍事紀要

俄國 高加索省巴枯總督那喀息茨親王忽爲人以炸彈擊斃並波及中尉及過客各一人兇手當即遠颺波蘭恩爾司之警察長亦受重傷 四月二十二日瓦爾預亂民攻擊猶太人彼此血戰亂民死八人傷百人警察絕不過問至二十四日亂民仍在該處拆毀民屋勢不可遏某督教徒亦附和其間

法國 西班牙國王阿爾芬預遊巴黎時突爲均富黨某以劍相刺不中當即被捕

德國 德軍在西南非洲與荷天託司人鏖戰十四小時之久卒奪摩洛哥人首要陣地

商務印書館出版
各種教科書

學務大臣審定 論理學綱要

每部一冊
價洋四角五分

日本十時彌著江陵田吳紹譯○論理學吾國舊譯辨學近人侯官嚴氏以其學精深廣大譯為名學方與本義相副是編譯自日本故仍其稱原書條理井然便於教授本館特聘湖北全省學務處參議官田伏侯先生譯為漢文句斟字酌務合原意而詞旨曉暢亦能不為原文所束縛

學務大臣審定 心理教育學

每部一冊
價洋三角五分

日本高島平三郎著江陵田吳紹譯○教育程度必以心理為衡否則躐等以幾必傷學者腦力求益反損我國教育近始萌芽各學堂學科程度亟待參酌故斯學尤關緊要是書著者自序謂力求平易便於自修田伏侯先生亦謂為從事教育者不可不讀時代本館繙譯詞達理舉足供教授

學務大臣審定 普通珠算課本

每部一冊
價洋一角

無錫誦芬室主人編輯○珠算在尋常日用中最為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

東西洋倫理學史

每部一冊
價洋六角

日本木村廣太郎著本館譯○倫理學為德育之大本大學堂新訂高等學堂章程首列人倫道德一科可知其要是書彙集東西洋各家學說東洋共三十三人西洋共三十二人名論畢載可謂集倫理學之大成矣

商務印書館出版
算學類教科書

學務大臣審定 普通珠算課本

每部一冊
價洋一角

無錫誦芬室主人編輯○珠算在尋常日用中最為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

初等筆算教科書

全部五冊

本館編輯學堂教科書次第出版以國文及算學尤為小學堂所注重故亟即備用是書由陽湖徐君鶴篆筆經日本教育家小谷重君長尾慎太郎君校訂其程度按照奏定小學章程并東西各國成法按年分級全書五冊備小學五年之用書中前二冊兼實物各圖以引起兒童興味

定價

一冊 洋一角五分
二冊 洋一角五分
三冊 洋二角
四冊 洋二角
五冊 洋二角

初等算科教科書教授法

全部五冊

是書專為教習者實際教授時所用無此則教授時必枯寂無味亦與前書相輔而行

定價

一冊 洋二角五分
二冊 洋二角五分
三冊 洋三角五分
四冊 洋三角五分
五冊 洋三角五分

新出數學教科書

每部兩冊
價洋三角

小學校數學教科書向無善本間有一二非失之繁冗即嫌於淺顯教育家咸為本書館按照小學程度精心編輯所有盡有最便實用

商務印書館出版
格致類教科書

最新中學生理學教科書

洋裝布面每冊
售價大洋一元

奏定中學堂章程第三年第四年課程均有生理學一門本館得美國史砥爾新著原本淺顯易明切於實用條目清晰圖畫精良特倩名手譯為漢文全書二百七十餘頁共附圖八十五幅內有着色圖三幅尤為精妙

最新中學物理學教科書

洋裝布面每部一冊
售價大洋二元

英儒巴克爾謂進化之功藝學居十之九而政教之力不與旨哉是言今欲開吾國民智非人大稍通格致之理斷無實益是書為美國最新教科之本本館特聘素精格致之謝洪寶先生譯為漢文理明辭達得未曾有全書共五百餘葉為圖四百八十有八誠格致書中之大觀也各省書莊均有發兌

中學物理學

力學一冊 價洋一元
熱學一冊 價洋七角

我國所譯物理學以製造局所譯之物理學上中下三編為最詳然專門科學之書非教科之本是書為新會伍昭展先生編輯先生留學英國大學有年精通理化蒐羅西國名家著作纂譯成編陸續付印圖畫精美為學堂教科善本而搜羅宏富疏解詳明尤為專門家參考所必備○磁學現已付印不日出售

商務印書館新編
算學類教科書

洋裝布面
共兩大冊



每部定價
二圓四角

代數一術爲格致底理中學要科舊有譯本非缺而不全即繁而寡要且閱時已久其法未免陳舊本館特請山陰謝君洪資取美國最新中學教科之本纂譯是書綜其專長凡有三事簡要不煩完備無缺一也起手合法引人入勝二也設題新穎習之多趣三也刷印鮮明洋裝精緻猶其餘事各處學堂及有志獨修者試取用之

高等學堂用
微積學

微分積分術爲算學上乘吾國習算之士久已講肄嘗苦書籍之寡不足以資研究美國績學士潘愼文先生前著八線備旨代形合參二書久受學界歡迎今復纂譯此編付本館印行以備高等學堂教科之用其書價值無待贅述卷首論微積學源流可補疇人傳之遺末卷以微積推科學要題爲最新最捷之法各學堂及自修之士均當奉爲寶笈也精印西裝布面金標全部一冊定價一圓六角

外交

論外交與國力之關係 錄乙巳四月二十九日時報

西士有恆言曰。兩平等之國。遇以道理。爲勢力。兩不平等之國。遇以勢力。爲道理。吾誦其言。然後深信國際之果無道德而愈怵然於國力之衰敵者之必無術以善其外交也。通商互市以來。外國之與我爲交涉者。數十年於茲矣。其交涉之術。不出兩途。而吾恆被其害。其始之交涉。以欺謾而我外交之失敗也。受欺其繼之交涉。以要挾而我外交之失敗也。受脅曩者之受欺也。以我國人懵於外情。故墮其術中。一切爲所操縱。今亦既知彼詐虞。宜若可據公法而與之折衝樽俎矣。然情見勢絀。彼深窺我國力之頹落。不能復有抵抗。故手段一易。爲強硬。而我遂莫敢誰何。故夫一國際問題之起。我外部之訓令我公使疆吏也。不曰峻拒。則曰堅持。公使疆吏之警告外部也。則亦不曰峻拒。則曰堅持。然細叩其所以峻拒堅持之具。則惟公牘上之名詞。而曾無最後之政策。爭鬭紛拏而彼已箝紙尾督我畫諾。我雖叩心飲恨。亦謹諾之而莫可如何。乃者外交界之風雲。日益慘急。英人則爭我西藏矣。法人則要我三事矣。德人則窺我海州矣。美人則持我工約矣。法人則請設民政局於蒙自矣。俄人則

外交

五十九

乙巳

外交

六十

八月

破中立而假道蒙古矣。其他要素路鑛權利者。尤不可以數計。紛至迭來。踵趾相錯。我外交家應付之策。雖未可知。然援往事以例之。其效固太畧可觀矣。國與國利害不能相容。至出而爲國際之談判。則所恃以解決是非者。豈不曰公法乎哉。然公法者一紙上之空文耳。國與國遇更無強有力者立於其上。有以督其違行而罰其違背。則必恃有強硬之實力以盾其後。使他國有所嚴憚。足以行用此公法而公法乃有效力之可言。否則紙上空文適足供強國以藉口。而張以強權。而弱國必不能援例以爭。而藉爲藩盾。我國外交理直者固十而九也。以言事理。則我順而彼逆。以言公法。則我遵守而彼違背。然彼強我弱。既立於不同等之地位矣。則公法者固強國之私有物。我且見擯於公法範圍之外。彼刀俎而我魚肉。彼出令而我受命。豈復許我容喙於其間。無後援之外交。雖有蘇張之謀。辯俾沙之手腕。固無術以善其後也。然則今日勿言外交。修內政而已矣。儲國力而已矣。質言之。則先張兵力而已矣。俾士麥不云乎。今日可恃者非公法也。所恃者黑鐵耳。赤血耳。不能實行鐵血主義。則條約直兒戲也。權利直弁髦也。外交云乎哉。公法云乎哉。

論中俄交涉之因果 錄乙巳五月十四日中外日報

綜我國此十數年之事而觀之。其變局可謂大矣。其前途可謂不測矣。而推其主動之機。實

無。不。在。於。外。交。再。綜。我。國。此。十。數。年。之。事。而。觀。之。其。原。因。可。謂。複。雜。矣。其。英。俄。德。法。美。日。奧。義。之。事。可。謂。多。矣。而。推。其。主。動。之。機。實。無。不。在。於。俄。國。此。非。可。以。空。言。明。也。請。舉。其。實。以。言。之。焉。我。國。近。日。種。種。爲。難。賠。款。不。支。路。鑛。半。失。主。權。墜。地。外。患。日。深。幾。於。雖。有。善。者。未。如。之。何。至。問。其。致。此。之。由。則。無。不。曰。庚。子。也。問。何。以。有。庚。子。則。無。不。曰。戊。戌。也。問。何。以。有。戊。戌。則。無。不。曰。甲。午。也。問。何。以。有。甲。午。則。人。或。難。言。之。雖。然。不。難。知。也。此。日。本。與。我。爭。高。麗。也。問。日。本。何。以。與。我。爭。高。麗。則。恐。高。麗。一。旦。折。而。入。於。俄。則。日。本。將。大。受。其。害。也。問。俄。何。以。有。得。高。麗。之。勢。則。以。與。高。麗。鄰。也。夫。俄。都。遠。在。歐。洲。北。海。其。藩。境。在。西。比。利。亞。地。皆。在。中。國。之。漠。北。其。與。高。麗。相。望。中。互。中。國。之。境。數。千。里。何。以。能。與。高。麗。鄰。則。以。中。國。咸。豐。時。以。東。海。濱。地。數。千。里。資。之。也。故。自。我。以。東。海。濱。與。俄。而。俄。與。高。麗。鄰。自。俄。與。高。麗。鄰。而。日。本。懼。俄。之。得。高。麗。於。是。而。有。中。日。之。戰。然。則。甲。午。之。事。皆。自。中。俄。交。涉。敗。之。矣。不。甯。惟。是。既。以。中。俄。交。涉。而。成。甲。午。戊。戌。庚。子。三。大。役。復。以。三。大。役。再。成。中。俄。交。涉。甲。午。以。後。我。與。俄。國。交。涉。凡。五。大。端。還。遼。東。本。領。合。遼。東。中。止。日。一。也。借。款。外。國。俄。日。款。二。百。五。十。萬。兩。不。得。已。事。實。二。也。密。約。申。即。所。謂。密。約。三。也。築。路。滿。洲。俄。之。人。直。貫。四。也。拳。匪。再。俄。人。還。以。拳。匪。爲。名。遂。占。東。三。省。一。五。也。此。五。大。端。皆。爲。外。交。之。至。重。大。者。其。他。國。蠶。起。之。事。皆。以。此。諸。端。爲。起。源。然。則。甲。辰。以。前。之。事。又。無。不。自。中。

外交

六十一

乙巳

外 交

六 十 二

八 月

俄。交。涉。啓。之。也。蓋。天。下。惟。專。制。之。國。其。政。府。每。不。能。自。省。其。國。力。俄。國。因。不。自。知。而。誤。以。爲。極。強。遂。至。一。無。所。畏。中。國。因。不。自。知。而。誤。以。爲。極。弱。遂。至。無。所。不。畏。夫。以。一。無。所。畏。者。與。無。所。不。畏。者。遇。則。必。不。能。爲。合。理。之。交。涉。以。此。地。球。兩。絕。大。之。國。而。日。爲。此。不。合。理。之。交。涉。則。全。地。球。之。人。皆。不。免。各。懷。疑。懼。而。思。有。以。防。制。之。天。下。從。此。多。事。矣。故。此。兩。國。之。政。府。不。惟。害。其。本。國。而。天。下。之。人。亦。莫。不。受。其。害。焉。今。幸。矣。日。俄。之。戰。勝。負。已。定。議。和。之。日。亦。已。非。遠。可。以。表。明。專。制。不。如。立。憲。之。據。日。俄。議。和。之。日。其。全。地。球。之。局。面。又。一。大。變。之。機。乎。蓋。自。中。國。以。東。海。濱。地。贈。俄。之。後。之。事。羣。山。萬。壑。至。此。一。束。前。此。之。因。至。此。並。已。結。果。而。此。後。之。事。則。又。將。以。此。爲。因。雖。此。事。局。面。之。大。爲。亙。古。所。未。有。而。我。中。國。人。亦。切。不。可。以。國。力。微。弱。之。故。噤。不。一。言。蓋。前。此。之。大。禍。既。爲。我。國。所。貽。則。此。後。之。大。禍。我。國。當。思。所。以。弭。之。日。俄。之。和。議。政。府。其。勿。再。告。中。立。哉。

論聯俄派主意之變遷 錄乙巳五月二十五日中外日報

聯俄聯日。爲我國外交上一至重要之問題。更仆迭興者。前後凡十餘年。其是非未有所決也。歷考此十餘年間。主聯俄者大都執政之大臣。主聯日者大都草野之游士。故聯日之事。未及見諸施行。其於中國之利害。尚無所證。而聯俄之事。則自李文忠以來。已事事見諸國

際。其利害如何已爲海所周知。而吾人所身受矣。然而其結果尙未至也。故聯俄聯日之說。仍相持而不決。此二黨是非之決。其卽以日俄戰爭之勝負決之乎。今者非日俄交戰勝負已決之時乎。然則此二派是非之決。亦在此時矣。日俄之戰爭。爲日勝而俄敗。則吾國之政策。將聯日而拒俄。接以人情。殆必出此。雖然。本報以爲此日俄和議。將成未成之時。正兩黨決其死命之日也。欲測將來。先明已往。歷考此十餘年來。聯俄黨之舉動。雖經無數失敗。而其所持宗旨。始終無所變易。惟其口說。則隨事不同。據吾人所目擊耳聞者言之。甲午夏。我國始與日人遇於海上。其時聯俄黨已密爲運動。其後果有俄德法聯合阻日割遼之役。此爲聯俄黨最得意事。其時舉朝上下。倚俄人爲帝天。雖有智者。百口辨其非計。而事實如彼。無以奪也。至借款之說出。而俄之詭謀露。政府信俄之心。亦稍息矣。而聯俄黨持之自若。至鐵路銀行之說出。而俄之詭謀再露。其時國中稍有智識者。皆知之矣。而聯俄黨持之仍自若。至租借旅順大連灣之說出。而俄之詭謀盡露。幾乎無可解說。而聯俄黨持之仍自若。直至俄人重占奉天。直言不少諱。五洲各國。僉有俄人將不利於中國之言。至此聯俄黨雖有厚顏妙辯。亦不能再爲俄人諱。於是另易一說。不以爲俄人仁愛之可信。而以爲俄人威猛之可恃。其言以爲中國今日。決不能無所倚而自立。而所倚之國。非俄卽日。然日終必爲

外交

六十四

八月

俄之所吞噬。故雖明知俄之不可信。而仍不能不聯俄。此說也。其於甲午之說。已大相矛盾。矣。而無如俄人自交戰以來之情事。其不能保全。聯俄黨之體面。更甚於甲午甲午之役。俄尚有阻日割遼一事。可以爲聯俄之口實。直至重占奉天。其說始破耳。而此次甲辰之戰。則自首至尾。竟無一次之勝。可爲聯俄黨運動之機會。者。聯俄黨於此。計無復之。乃不得不目戰事消息爲盡係謠言。以爲萬一欺人計。自開戰以來。彼黨種種之論說。言猶在耳。人多聞之。亦無俟本報之贅述。即至今日波羅的海艦隊已歸殲滅。勝負已無翻覆之機。而其持論仍無移易。噫嘻。豈真聯俄黨之堅毅不回有如是哉。夫使其果無所爲而爲。則識雖不足。而其人吾猶敬之。而無如其致此之由。有不可問者也。本報觀其發源之如是。沿革之如是。則知其聯俄之心。斷不改易。而必當於日俄議和之日。有所密謀。其謀之目的。必欲使中日之交離。而俄仍能得利。此則聯俄黨區區忠俄之苦心也。其機之發。當不遠矣。中國自古相傳政治法律之宗旨。大都以一人之大私成天下之大公。故凡百政事。皆在公與私之間。而公私二義之本源。殆有不可令人研究者。故其義遂缺。人之生。其間者。往往不知有公私之辨。其因私人之意見。不顧公事之益而排除之。因私人之交誼。不顧公事之損而保全之。此等舉動。在吾國已成屢見不鮮之事。幾視爲人道所當然。古今具在。可覆案也。

及其大蔽。乃特此義。以爲外交之宗旨。數十年來。我之執政。其論外交。每不省外國所處之地位。與我國關係。奚若。而但論外國之外部。大臣及駐使之對付我國人。其交情。奚若。凡國家至大之問題。統以交情決之。而所謂交情者。又非真能窺其人之肺肝也。不過見其使臣至外署。咆哮跳躑。時作惡狀。卽悚然相戒曰。某國與我交情不好。見其使臣至外署。厚其貌。軀其言。類爲飲食饋贈之舉。則又歡然相謂曰。某國與我交情甚好。當其認爲交情不好之時。有纖芥之故。毫髮之事。皆惕然以爲兵船已至。大敗已構。奉令承教。惟恐或後不能省。其時之某國。斷不能與我開戰也。及當其認爲交情至好之時。則忘其爲外國。忘其爲別種。忘其爲利害相反。而望其爲不責報之施。無所爲而爲之助。並不知此時之某國。斷不能如我意也。以此之故。故誤以爲交情不好。則懼所不必懼。自困而爲天下笑。誤以爲交情甚好。則望所不可望。望不副而大釁隨之。其動輒致禍之原則。誤以私交爲國際而已。數十年來之事。其誤於此二念者。可勝道哉。

論政府宜竭力援助外交官 錄乙巳第九號外交報

試遊乎今日之朝。而接乎今日之外交官。觀其言語丰采。學識智慮。以視外國之外交官。瞠乎後矣。此我國清議。所以凡遇外交事件。無不歸獄於外交官。而外交官亦無辭以自解也。

外交

六十五

乙巳

雖然。平心論之。以我國之外交官。較之外國之外交官。固不能不形其遜。而以我國今日之外交官。較之我國十年前之外交官。實有過之無不及矣。而國家外交之事。所以視十年前。尤挫敗者。則時爲之也。設以今日外交之件。而加諸十年前外交官之身。則國家之亡已久。故我國今日之外交官。不得不謂已稍進步。惟外交進步之速率。遠不及外患侵入之速率。此外交之所以日危。而外交官員罪之。所以日重。悠悠前途。任重道遠。不知所稅駕也。今舉最近外交上三事。論之如左。

日俄之戰。中國究有何等之利害。此爲近年外交上一最大之案。人人心目中。無不注意此事。而收回東三省者。則日俄之局之結穴也。放東三省總督者。則又收回東三省之先聲也。其事皆可以卜中國前途之吉凶。故人人心目中。亦無不注意此事。自趙次山中丞入京後。天下卽有將簡任東三省總督之說。其後稍寂。至數月前。又作。至四月初四日。果有派往之諭。不得不爲國家慶得人。然而非東三省也。奉天而已。又非總督也。將軍而已。是不過襲增祺之故跡。與東三省之大問題。無所涉也。或者政府因日本兵力所到者。僅及奉天。吉林黑龍江。均尙爲俄人所占據。故先派趙尙書爲奉天將軍。以示總督之漸。至將來俄人真退去東三省。日人真還我東三省時。再實行設立東三省總督之策乎。然而日本之命意。未

易測也。此不能不深望政府之力持之耳。

西藏之爲吾屬國也。乾隆朝所定原約。極爲謹嚴。原可使西藏永無後患。不料後人奉行不力。任藏人與外國交涉。卒有英人干預之患。觀英藏所立之約。幾無復爲中國地。西藏之不爲韓國者。幾希矣。幸政府以唐少川京卿往辦其事。終能駁正其條約中數款。皆其事之極要者。不得不謂今日外交官之勝於嚙昔。然外交官之實力。既全在於國家。國家之實力。又全在於軍隊。今國家之實力。既如此。則外交官疲軟不振。抑亦其宜。其英人之固能退讓與否。不可知也。然而事關國境。萬不堪使新疆蒙古次第效尤。則望我政府之竭力爲外交官之後盾也。

我國與外國通商。其進出差之負甚鉅。惟恃出洋工作之寄歸款。以爲補苴。此通國之所知也。然我之所利。即彼之所不利。數年以來。美人之設法抵制華人。務使之絕跡於新大陸。已非一日。至於今日。乃欲設爲新例。以遂其志。其約若成。則中國之體面墮。生機促。他人如援此爲例。羣起效之。則中國之亡。可立而待。其影響所及。非區區一二赴美人民之挫抑已也。幸而我梁鎮東星使。力持不可。不肯簽字。不得不謂今日之外交官。勝於嚙昔。然美政府之政策。以媚民爲主義。民之所欲。其政府必從之。其營之數年者。未必因我公使之拒而去。

此望我政府堅持其說。毋再出於推諉。公使之故智也。

以上三事。第一事日也。第二事英也。第三事美也。夫以目下世界之大勢而論。列強視線。咸集於遠東。其對待遠東之政策。分爲二大派。一爲俄德法派。一爲英美日派。此之二派。其在遠東。趨捨不同。利害相反。時有衝突之狀。雖其內容。究竟若何。非今日所能知。而草野傳聞。頗以爲俄德法所操之政策。不利於中國。英美日所操之政策。利於中國。故爲中國計。莫如以聯英美日爲宜。斯言也。輿論主之。報章佈之。當道大臣。亦嘗據之以入告矣。然而起視英美日之外交。則又兀臬不甯也。如此英美日。如此俄德法。可知甚矣。今日外交官之難爲也。要而論之。我中國今日之興乎。必外交官爲之也。我中國今日其亡乎。亦必外交官爲之也。然而外交官之主力。則不在於外交官。而在於全國家。以我之全國家。如此雖易。列強之著名外交家處之。未必濟也。而況於我今日之外交官乎。是以吾望中國今日外交官之弗自棄。而尤望我政府我國民。亦毋棄我外交官。

署兩江總督周札飭金陵關道核議限制各國兵輪停泊口岸章程文

據兩江洋務局稟稱。竊准駐甯美國葛領事函稱。奉其本國外部來文。調查南京所到外國兵輪。中國有無一定章程。限束開列四條。囑卽查覆。第一條。各國兵輪。至南京最多之時。能

停泊若干隻能停至若干時平靜無事時如何章程有事之日如何章程第二條南京地方能否准各國兵輪水手上岸操演江口外能否准兵輪操演第三條南京有無打靶地方如有打靶之處外國人能否借用第四條南京有無定章准否令外國兵輪水手上岸游歷之事如准上岸係向何處請示有無限制登岸人數每隻准上岸幾人數隻同泊一時准其上岸者幾人上岸之後係用何法約束各等語到局准此當查所詢各節並未定有章程惟近來外國兵輪往往駛入內地任便演礮無從禁阻今美國既來商詢似宜乘此明定章程照會各國凡係沿江口岸均可一律照辦稍示限制第一條擬請酌定無事時各兵輪停泊每國不得過若干隻停泊之時不得過若干日因南京地面甚狹若停泊太多有礙來往此一節須由稅司與理船廳查酌至有事之日須臨時另定章程辦理不在此例第二條南京城外並無寬闊隙地可以操演江口外來往商船甚多兵輪操演更多妨礙均難照准第三條南京城外並無打靶合式之處如外國兵丁上岸打靶施放槍礮恐致居民驚疑亦難允借第四條外國兵輪水手上岸游歷可以照准但人數過多亦恐滋事似應定一限制登岸人數每隻不得過若干名數隻同泊則每隻祇准上岸若干名並須派兵官帶往約束至准否之權仍應稟請憲示現由職局復以一切章程須候憲臺核定再行函復應請飭下金陵關

外交

六十九

乙巳

外 交

七十

八月

道會同稅司將以上各條妥議章程稟復核奪飭知以便照辦等情到本大臣據此除批據稟已悉近來各國兵輪游弋通商口岸往往任意停泊或逕駛入內地演礮雖經隨時禁阻究未明定章程今美國領事既以此相詢自可乘此妥擬定章以資遵守並令沿江各口岸一體照辦察核所擬各節均有見地仰候札飭金陵關道會同沈道桐及稅務司洋務局妥速核議具復此札

江西派辦處英國兵艦入湖詳請江西巡撫核示英國兵艦入湖辦法文

洋務所案呈光緒三十一年三月二十八日准饒九道移開光緒三十一年三月二十三日准本處密電內開頃奉憲發下處電英艦游弋商允不再演礮乞將督憲來電錄稟等因准此查三月初二日本道奉督憲來電內開九江瑞道臺漢口桑道臺岳州韓道臺上年英德兵船欲入鄱湖洞庭演礮曾經禁止查鄱湖係內地不通商約內無准各國兵船駛入內港之條自應力阻至洞庭湖因岳州長沙通商情形微有不同但亦不能准其演礮弟前晤德領蓋薩時偶語及此渠允函囑德提督傳語兵輪禁止放礮昨英兵船官塗飛龍過甯又談及此亦允禁兵船以後在長江等處游歷不再操礮塗君過潯鄂必拜客望接待聞彼到漢後俟重慶船回驗過再還滬也特聞覆東印等因本道當以兵艦入湖連年爭執現蒙商禁

演礮實深感戴塗君到潯當以禮接待倘遂禁止駛入足杜後患電復督憲察核三月二十一日英水師統領塗飛龍到潯偕同駐潯英領事樂民樂來署拜謁遵卽以禮相接據稱派艦三艘隨樂領事二十二日赴省游歷沿途往謁府縣藉聯情誼本道以各國條約並無兵船駛入內港之條江西鄱湖係屬內地未便兵艦游弋塗飛龍面答前在江甯已與督憲議明嗣後游歷不再演礮可無過慮等語是以當時電稟督撫憲查核一面飭行地方官以禮接待妥爲保護二十四日據湖口礮臺正臺官陳志張稟稱二十二日午刻英國兵輪三隻到湖該臺官卽以旗語阻止兵艦見礮臺扯升旗語全隊下錨該臺官立赴兵船謁見統領塗飛龍領事樂民樂據云特意晉省拜謁各官長該臺官以未奉公文婉言阻止塗統領口稱已商請督憲故爾前往決不驚擾地方請勿憂疑旋即啟旋上駛等情茲准前因除申報督撫憲外相應移會查照施行等因准此查本年三月二十三日駐潯英領事樂民樂兵官德克麥乘坐兵輪二隻一名金沙一名提祿到省停泊城外河干入城謁見業經接待旋據南新兩縣稟復樂領事乘坐兵輪馳赴省城上游之豐城縣樟樹鎮游弋沿途測量河道深淺樟樹鎮以上艱於行輪慮有膠淺因而折回省城駛往饒州其提祿兵輪已赴鄱湖並據湖口縣電稟申報英兵輪三艘一名金沙一名提祿一名司乃普道經湖口礮臺官婉阻不

外交

七十一

乙巳

外交

七十二

八月

從該兵輪駛赴省城並有大兵輪一隻帶領入湖該大兵輪旋由英水師統領塗飛龍乘以折回九江茲准前因本處復查上年美德等國兵輪違約駛入鄱湖游弋演礮曾經申明英約第五十二條意義詳奉前憲批示會同督憲咨達外務部核辦旋奉行准外務部咨以英國薩領函稱本國師船駛入鄱湖被礮臺統領攔阻請照津約辦理經部切實辨論函復駁回嗣後英美各使如向本部商論自應一律阻止以符約章本意等因奉經分別移行遵照在案此次英國兵輪違約駛入鄱湖內地及江西省城上游該統領等強謂已與督憲議明故爾前往本處細繹督憲來電明言鄱湖係內地不通商約內無准各國兵輪駛入內港之條自應力阻特飭九江府接待至云游歷不再演礮但指長江通商等處而言自不得援為已允入鄱湖內地之據該統領等未免巧於藉口今特以其隨同領事晉省拜謁官長以禮接待原以固邦交而敦睦誼若不與之辨明竊慮因此誤會嗣後各國紛紛援請難杜將來本署道管見所及擬請憲臺咨商南洋大臣照會英領事援據條約切實辯明阻止以後毋再駛入是否有當理合具文呈請憲臺俯賜酌核批示祇遵

候補道黃觀察中慧因膠濟鐵路站長有意開罪事上慶親王稟

竊中慧於三月中旬行抵濟南小住七日訪得中德鐵路交涉種種為難辱官虐民干涉內

政無日無之然皆耳食不敢深信詎於三月二十日膠州報主筆李承恩知慧來東特晉省相訪路出博山目覩該路總辦錫樂巴與該縣令盛津頤爭論不准盛令收學堂經費幸有李君精通德語力爲解勸始免大辱二十七日慧由濰縣閱看商埠後乘火車赴青島行至高密有德兵官二員及拉律師尉教士等攜眷登車頭等車中座位太少拉氏夫婦擬改二等車票洋站長奧力虛不願退換轉強迫華人讓位□□不允力與爭辯該洋員理曲詞窮竟將皮包二箇擲出車外又猛力推慧下車幸手快亟握鐵欄得免死傷是時適有一德兵在彼該洋員呼之相助交與看守旋有人告以此乃中國道員該洋員始自來請慧登車慧答以無論何人皆不應如此虐待該洋員惶恐異常請慧至其居室款待甚優并自言向待華人最好因慧洋裝疑是英人伊從前曾將威海衛路大臣驅出火車云云次日另開早車送予至青島該路總辦錫樂巴已詳知此事先來慧處負荆商議兩點鐘之久允將該洋員或調或革聽慧一言爲斷慧則答以此非我一人私事安能如此了結慧遂言我本極願贊成鐵路之人今汝鐵路人員強暴至此津濟鐵路安可再修將無罪華人交德兵看守是恃有高密德兵也亟應將高膠駐兵一律撤退錫樂巴答以此皆非敝公司權力所能辦請君恕我慧言余亦知汝不能辦是以余有他法辦理此事或由我自行出名赴柏林控告或由

外交

七十三

乙巳

外 交

七十四

八月

我外務部與德使理論錫有文案周季芳從旁力勸慧始終堅持不允錫無何遂發電將奧站長調至青島於二十九日由周季芳率該洋員再至慧寓所請罪求恕並自言倘蒙黃大人海涵原宥固深感激否則即由公司將我革辦我亦情甘受罰毫無怨言慧答以汝本不配與我在此說話姑念汝向待華人尙好今之准汝入門見我者此乃私情汝應將悔過請罪之意具二公稟於汝公司再由總辦轉達於我方爲正辦奧周二人唯唯而去是晚錫樂巴又來詢次日有暇接見否答以明日已定去見膠州總督及赴戰艦游覽終日無暇相見初二日五點鐘錫樂巴又親來慧適他出是夜慧始答拜一次催其從速函覆是時全埠德人無不同聲抱歉皆謂非從重懲辦不足警其將來即此一端可見上等西人尙有公論而中德交涉一誤再誤亟應乘此機會罷津濟之路退高膠之兵索車站捕犯之權償每歲東省代墊二萬餘金巡警之費初三日接錫斯兩總辦寄來公函議定將奧撤換而函中措詞失當於次日嚴詞駁覆蓋此案我自十分理長故不敢輕與議結以留將來追究地步云云

德人在江蘇海州交涉事件公文

署江蘇海州直隸州知州王曜補用知縣李嶽衡稟

竊卑職嶽衡奉藩司釐捐局會札奉憲臺札開以前據海州電稟接到青島膠海新關哈稅

務司函德商捷成洋行擬由青島用小輪裝洋貨至海州並由海買土貨來青均照中國向章完納進出口稅抄章函請照辦等語由該州請示前來當以海州非通商口岸即電山東巡撫並哈稅務司查復旋准稅司復電謂去年三月外部議立青島關事第三條適符此案是以遵辦等語又接山東撫院電捷成洋行買定豆餅已定十四日派芝罘輪前往納稅裝運該關已發牌照恐稽遲累商電飭海州姑先放行惟查內港行輪章程均無輪船由通商口岸出海運赴不通商口岸之明文當經電請部示並電知哈稅務司暫准通融一次嗣後不得再往茲准外務部復電英日商約附件行輪續章有商船未經到之內港設輪行駛須該省督撫體察情形如有窒礙情形亦可據令稅司婉阻等因前來札即遵委熟悉約章之員刻日馳往會同該州體察商民情形有無窒礙稟復核奪等因到司除飭海州會同確查外合抄電稿及續議內港行輪章程札委前往會同詳細確查據實聯銜稟復以憑轉詳等因奉此卑職遵即束裝四月初八日晚馳抵海州隨即會同卑職確確切體察查州境本有响水臨洪兩口近來响水口封禁已久惟臨洪口尚有民船販運油豆等項土貨按石抽收河捐經費向仍視年歲之豐歉存貨之多寡定外運之封弛商業之盛衰目下以日俄戰釁未平油莊滯銷行戶存貨無多即民船之來販運者亦屬寥寥無幾該洋商前次到海先購

外交

七十五

乙巳

齊 奎

七十六

八月

豆餅即以議價不合未買折回今使該洋商來海定運油豆兩項果能投行公平交易照章完稅則鄉民之土貨可銷行戶之出入有利似於商民原無大損惟此間民俗悍陋風氣未開一聞通商深為駭異且恐奸商與之勾結或勒扣貨價或販運米糧稍滋事端便釀交涉案件益以此間口岸時封時弛既難預定通商以後尤須慮其爭執卑職等再四思維總以能於婉阻為妙該洋商意有專注難期挽回似亦宜與訂明祇准購運油豆兩項投行納稅悉照民船章程特以和平設遇封禁亦照民船一體禁運庶不至太阿倒持利權外溢是否有當理合肅勸稟請仰祈鑒核俯賜批示祇遵實為公便

其二

竊照德商前次來海商運土貨經卑職囑以海州素非通商口岸應否准行囑候電請憲示旋該洋商亦以議購豆餅價目不合自行開回詎去後二十餘日突又開來兵輪二隻測探水勢並派兵隊登岸強於江姓地內拔菜支蓋帳棚並於逼近大洋素無民船停泊運貨之東西連島山頂建立大旗二面迫令居民夜勿閉戶至初五日將船開去旗幟留下業將大畧情形電稟憲臺查阻並通稟在案卑職等伏查海州一境濱臨大洋北控東省南扼清淮而以驚游門為門戶兩山夾峙北曰雲臺南曰驚遊東連西連兩島附焉口外復有攔港沙

一道吃水稍深之船即難駛入天然鎖鑰形勢雄壯考其洋面與膠州灣威海衛自成犄角之勢德人此次來海大逞強梁保非別有希冀語云涓涓不塞將成江河當此時勢多艱不得不周詳審慮查張紳前在雲臺山辦有樹藝公司現沈許諸紳創辦海嶺墾牧公司是東西連島沿海一帶所漲沙灘官荒地畝皆屬該公司經理未便任聽外人越俎稍占尺寸之地泰西各國皆以保護商務爲重若有侵害鄰國商務公司則爲背公理犯公法應請電告商部外部轉告德公使查禁該輪自較易於抵制矣謹貢愚昧伏候採擇

其三

竊嶽衛於三月二十八日奉司局飭委後即於二十九日由甯啟行附乘江輪至鎮江本月初一日換乘小輪初二日到清江即聞謠傳有德輪至海州山島建旗居民惶駭之事不敢少延遂由陸路直趨西壩雇民船初三晚發由鹽河道出安東連日逆風初五晚始入海州境之新安鎮初六晚至板浦初七晚至新浦初八早上岸至臨洪口一帶查詢居民前德商輪來時停泊口外距岸數十里之遙放小艇登岸買貨送青島稅司函與地方官查臨洪口潮漲時口門水闊十餘丈深丈餘潮發時口門水闊不過二三丈深三四尺不等歲稔雜糧豆餅民船裝運出口往營口旅順煙臺一帶銷售至多數十萬石視歲之豐歉爲多寡時啓

外交

七十七

乙巳

外 交

七十八

八月

時閉數無準則州牧給發河照設卡於該口司出入焉每一照計二百四十石收費錢六十
二千州城之善堂與應辦事宜之經費及文武官署紳董之津貼皆於此取給去年歲收不
及六成糧食價昂七月初開辦河照民多鼓噪當即停止該處並設有漕關徵稅捐章極輕
較金陵釐局捐章只有十成之一耳自德商輪去後二十餘日忽有德兵輪二艘駛至東西
連島建旗山頂臨去留旗云將運鐵木來其意不可測度該二島距州城百里素無民船往
來該輪既去日內民心尙安此查探之實在情形也是晚至州城王直牧曜因學憲按臨考
試入場供差初九始得會晤查取卷宗情節符合一切情形已由王直牧主稿詳具會稟內
矣以嶽衡管見海州非通商口岸無論民俗悍陋風氣未開一旦通商民心惶駭恐滋事端
即查照青島設關第一條內云應按前後所定內港行輪並補續章程及各項專章辦理其
第三條內有非奉中國政府允准不得由此不通商口岸之內地至彼不通商口岸之內地
專行往來等語查內港長江及外海通商各項章程凡通商口岸皆係指定地方即行駛停
泊及上下客貨碼頭均有指定處所若改道他行及違各章船貨一併入官況各國條約有
駛赴沿海口岸及未開各港私行違法貿易犯此禁令應將船隻貨物充公乎

十七款法約第
七款大旨相同

此次德商輪船來海州既非通商口岸指定之所復未經中國政府允准何

條約第十四
條英約第十四

得違約擅自往來不特應追提該商船貨入官亦當詰問哈稅司違章給發關牌之咎即約章有准由口岸駛赴內地由內地駛回口岸之文是指通商口岸之內地而言固不得由外洋逕駛至內地亦不得由內地逕駛赴外洋明矣況海州爲中國沿海不通商之要口尤非內地之比乎據理辯爭自易明曉此端一開則各國援利益均霑之例而中國沿海未通商之口甚多皆將爲外人所侵入條約無所用之矣且日俄戰爭未已德俄交密海州之禁一弛德商若私挾穀米以接濟之而我中立之守不嚴予外人以口實遂成交涉大案此尤不可不慮者也又泰西各國搜尋海外荒島建立國旗據爲己有是待野蠻無教化之民非與立約通商之國地辦法查東西連島爲海州屬境居民隸我版圖德人公然建旗其上直視中國爲無友誼之邦爲未立約通商之國應請電商外務部轉告德公使德外部從嚴究辦若以建旗爲小故畧而不論則將各國皆以建旗爲據地張本其禍不可勝言矣嶽衡揣度德人之意旅順爲日本所攻取船塢無可假借東西連島與膠澳毗近形勢既便因而攫取未始非有關爲船塢之意且欲伸漲其勢力範圍中國現正議擴充船塢倘能先發制人趁此與德新立約時專提阻止留爲日後自用亦聊固吾圉之謀也是否有當伏乞鈞奪施行

金陵關道遵署兩江總督周札會同各局議定各國兵輪停泊口岸章程

外 委

外 電

八 十

八 月

一 長江爲中外商輪及帆槳各船往來要道江面狹處爲多平時各國兵輪停泊沿江各口岸者每國不過三艘且係暫時寄碇即往他口惟各國兵輪設或同時齊到即以每國一艘計之船數已多江狹難容必致有礙商輪及帆槳各船停泊行駛此後各國兵輪到口停泊船隻如少不必限定時刻若各兵輪同時會集至十二艘以上則先到之船務於事畢即行開駛不可多船久泊致有擁擠之虞此是專指無事之時而言至有事之時應臨時另訂規條宣布遵守 一 各國兵輪水手人等上岸游歷在所不禁惟應分班輪流登岸至近處遊覽每班至多不得過二十人派一兵官管帶監察沿途不准飲酒騎馬不准疾馳俟一班回船再准一班上岸如有數隻兵輪同泊之時每班上岸人數應減一半每班十人兵官銜名兵丁人數并先通知該處關道或洋務局查照 一 沿江各口岸及內地均非各國兵輪水手等所得上岸操演打靶施放槍礮恐致居民驚擾別滋事端又江口內外來往商船甚多兵輪亦不能在此操演致礙商務至岸上打靶地方均是營兵駐紮按時操演之所一經借用營兵必致曠課殊多窒礙未便照准

中 外 交 涉 彙 誌

中日、日本政府近於中國湖南長沙設立領事已由外務省大臣小村男爵宣稱

中英 英國近派駐騰越領事希爾頓與巴猛副稅務司利佛孫會同中國專員前往中緬交界地方英員帶有印兵四十名武弁一名警察數名沿途護送華官所有護兵數亦如之此行宗旨專在查察該處疆界情形並非前往劃界定於西六月復返緬甸 鄂省荆河上游向產板瓦常備軍近因修造營房需用甚夥由張鎮統彪派勇駐紮沌口凡磚船經過則強拉勒買日前駐漢英領事以與修公署亦派人往荆河採辦磚瓦船上懸有國旗被勇丁等將旗扯毀將船拉去英領事即與鄂督交涉雖賠償所值尙難了事因領事重在護旗也 西藏和約經中英磋商之後略有更改設立商市一節俟將來再議凡由藏運印貨物英政府暫允免稅俟詳細事宜議定後再行定奪惟藏中稅課仍照原約所載不准抵押他國此外并議及關稅常稅等餘與原約無異

中德 濟南開埠後德國委員貝斯忽懸掛德國領事府匾額並國旗東撫以此事未經外務部知照爰電外務部詢問旋經外務部電令東撫再行詳查 前有德人二名在福山縣游歷被鄉民砍傷殞命兇犯業已拿獲經何秋聲觀察電告外務部與德使商辦聞德使方持此為要挾故案尙未結

中法 杭州拱宸橋西前關日租界時井設有各國公共商場俾得同享利益故英美二國均先後派設領事管理商務教案各項交涉近法國政府亦擬派領事駐杭辦公以資得力云 法國向我政府要求三事經外務部嚴詞拒絕並答以廣東沿岸一帶中國當自增兵駐守毋庸法兵代為巡警云 德督電告外務部法國擬在蒙古等處設立民政局實為侵我國權務請力阻外務部接電後當向法使交涉矣

中義 蘆漢鐵路黃河橋工洋監工漢喇有本義大利人素性強悍西人均不相能近於某日在黃河北岸巡工見有播種稍停係用舊鉛絲貫成者指為盜竊該民堅不承認即被將髮揪住以足踢其小腹腎囊傷破登時倒地其妻聞信往視犯已逸去當由村民護送至家中吐血小便亦流血不止越日斃命其妻即赴武陟縣喊冤該縣令以事關交涉商之洋總辦據云西例非經醫驗不能定罪當同西醫往驗謂傷身死只能口中吐血便血想係內傷惟剖腹可證明白其妻不肯岳令勒其棺殮以圖了事後經平鏡美大令諭知其情頗為不平因與洋總辦辦克拉克威辨明內傷便血顯係西醫圖脫死罪不足服我華人當函請義領事緝犯歸案審辦一面五路通京閱直督豫撫札飭各處印官嚴拿務獲究辦

外 我

八十一

乙巳

外 交

八十二

八 月

以重民命

中美 美使告外務部以弭兵會擬建太平廟並由各國贈送國旗請中國於國旗上書天下太平四字以便送入廟中又擬請中國派親王及各軍機大臣為議員云 京師前有陸某行經東交民巷被美國衛兵攔路截劫搶去銀元等物當赴工巡局報案即派巡兵帶陸至美國營房訴明原由美兵官諭各兵排隊令陸指認幸陸將該兵面目記認清楚立即指出美兵官查問無誤即將原贓追還並以此舉大損彼國名譽從重處罰除奪去一切利益外并罰充苦工五年以示懲儆

各國交涉彙誌

各國 日本擬收外人房稅致被各國控告經弭兵會判斷以所呈各項條約已載明凡在租界地畝及房屋除約內所定稅項外不能付納其他等明文不直日本所為駐法日使本野願不謂然而其餘之外人亦謂以理言之為業主者應得直云然以堂諭已下無能辨駁此案遂結

俄班 駐美俄使喀西尼近由俄廷調為駐西班牙公使

俄美 前駐東京俄使羅善已派往華盛頓以繼喀西尼之任

英班 英皇愛德華近由西班牙王贈以西班牙海軍元帥之職

英阿 英國與阿富汗訂立新約認阿富汗為自主國阿富汗王重以其父為質英國亦認其以前王為質云

法暹 法國與暹羅所定界址已經暹政府允准故將塔烟林地角之界碑移至攀克納渾河

商務印書館出版
歷史類

世界文明史

價洋六角

日本高山林次郎原著本館譯○世界文明愈趨愈進然皆有所自來是書分紀東西洋各國政教學術流源凡有可爲今日文明之證者無不備載展卷讀之不啻奉全世界民族之精華供吾賞玩即欲去盤野而進文明亦可以識其途徑

支那教學史略

每部一冊
價洋四角

日本狩野良知著本館譯○中國教化學術卓然爲世界之先聲是編起自上古迄於國朝一切有關教學之事均能詳其沿革極其菁華本本原原有條不紊我中國數千年來之文明讀此可以知其崖略有主張國粹之說者易取是編誦之

泰西民族文明史

每部一冊
價洋三角五分

法國賽奴巴著日本武澤野之助原譯沈是中愈子繇重譯○是書用普通歷史體例而特詳於政治禮制宗教風俗實業文藝諸端蓋惟此可以視文明之真相也全書譯筆精審詞意明瞭毫無東文艱澀之習可用爲學堂課本

大學堂
審定 亞美利加洲通史

每部二冊
價洋七角五分

桃源戴彬編譯○記載繁博凡地理人種文事武功及物產製造政教俗尚一切沿革靡不遐稽旁采搜錄無遺讀之于美洲大勢洞若觀火

商 務 印 書 館 出 版
類 史 歷

世界近世史

每部一冊
價洋八角

日本松平康國著中國國民叢書社譯○自十五世紀末迄十八世紀其野蠻文明過渡之時代乎學問之復興宗教之革命君權之變遷皆於此數百年間現出無數變態中世之果於此時結最近世之因於此時種故世界近世史雖非歷史之全部實為世界歷史最發達之時代是編敘事簡而不漏論斷卓而不偏煌煌巨帙誠歷史上空前絕後之作欲研究世界變遷之狀態者必先觀為快也

歐洲最近政治史

每部一冊
價洋五角

日本森山守次著本館譯○泰西列國政治日新月異是書備舉最近世紀中憲法會議選舉戰爭諸政詳晰無遺瞭如指掌欲知歐洲富強之原者亟宜瀏覽

歐洲新政史上編

每部一冊
價洋

德國米勒爾原著日本稻田孝吉綾部竹之助原譯本館重譯○歐洲政界進步之速祇在前一世紀而事變之紛紜亦惟此時為最劇西歐風雲今將移至亞然荷鑒其覆轍善為因應故鼎新未必不可免此慘劇也是書於歐洲各國大局之變遷政體之改易逐事紀載詳盡無遺全書都三十餘萬言實為近世史中最富最博之本願我國人應分新舊諸君是 其也時幸爾不少也譯筆精審絕無尋常東文譯本常

商務印書館出版
歷史類

法國波留氏原著

日本中島端君譯漢

第三編定價洋

四角

四角

六角

俄羅斯第一編全

三二一

是書爲法國學士會員波留所著先論俄羅斯地勢氣候人種次論俄人性情氣質以至社會政治宗教縱橫評論凡事物之可考者固無不載即委巷謠俗民間疾苦外國人士所不能知者索隱闡微窮極真相中肯綮導窺卻如庖丁解牛豁然洞然有志經世者得此書讀之於俄國形勢俄人情態一指掌間自有餘師全書三編約二十萬言歐美諸國競相傳譯聲價甚著日本專門學校譯爲和文原名露西亞帝國本館特請日本精通漢文之中島端君秉筆譯文再請通人校訂潤色文筆雅暢無滿紙沙石之憾

商務印書館出版
外國語學類

和文漢譯讀本

(全部八冊 價洋壹元)

我與日本爲同文之國欲謀輸入文明自以學習和文爲便是書初版頗爲學界稱許旬月售盡惟倉猝成書不免稍有訛舛近來各省學堂大都添習東文購者紛來愧無以應茲特請前日本高等師範學校教授長尾橫太郎君用最新本詳加校訂字字斟酌絲毫不失原意可爲初學津梁

英語類選卷一

SERIES, PART I.

每冊價洋一角五分

英語類選卷二

SERIES, PART II.

每冊價洋一角五分

華法中學讀本

LES PREMIERES LECTIONS
EUFANTINES.

每冊價洋一元

華法啓蒙初集

LECTURES COURANTES

每冊價洋五角

教育

論政府宜利用報館并推廣白話演說 錄乙巳口月口日順天時報

報館者國家之耳目也。喉舌也。亦國民之耳目也。喉舌也。社會之道鐸也。警鐘也。亦政府之道鐸也。警鐘也。人羣之鏡也。文明之母也。清議之機也。輿論之僕也。過去之影象也。將來之明燈也。現在之舟航也。陸平七聖皆迷。吾導其嚮也。海平三神在望。吾領之港也。能吐一切。能納一切。能生一切。能滅一切。如豫言者。如裁判者。如立法家。如哲學家。如教育師。如救世主。莊嚴哉。報館。高尚哉。報館。偉哉。報館。之勢力大哉。報館。之責任大哉。

雖然。報館。之在世界。孕文明而促進化。其功德誠不可思議矣。而在吾中國。今日。文言。異致。普及。惟艱。社會中識字之人。通文者。不過什一。則文言之報。有時而窮。濟報紙之窮。端有賴於白話焉。白話者。報紙之先鋒也。

雖然。猶有進焉。普通社會之人。識字者。什不得一。白話報紙。之在社會。得其一。而失其九。遺憾猶多。濟白話之窮。舍演說莫為力也。演說者。矣。白話之先鋒也。

中國自辛丑以來。推行新政。不遺餘力。而內外大小臣工。卒鮮能知其本原。得本末先後之

序者。辦學堂者千百。而無益於時局。至於報館。財類以虺毒蛇蝎視之。雖各省官報。漸有所聞。亦皆以束縛言論思想為主。惟恐其或涉於偏宕激烈者。白話報紙。類以十數。而鮮聞出於官辦。若演說尤若輩所視為煽誘蠱惑之具。懸為厲禁。尙何有躬自提倡。以爲文明普及之機關者哉。

晉撫張中丞。既以晉報爲全省政學二界之機關。又念官報之所及。只在上中等社會之人。而最大多數之小民。終莫由啓其錮蔽而普播以新知也。乃欲別刊白話報紙。通行全省。更采程氏之議。於白話報紙而加以演說。俾識字不識字之氓。皆能普及。以白話濟文字之窮。卽以演說助白話之力。此記者四年前上書岑督。欲以通行於四川而不果者也。而程氏上書晉撫。所稱日本維新。開通風氣。有三大端。一學堂。二報館。三演說。學堂收效最遲。報章僅及士流。演說則無智愚賢不肖。皆能感動。日本人民之開化。實得力於演說者爲多。今東西各國。大政令大興舉。無不倚重演說。爲行政之關鍵。富哉言乎。其論演說。爲開化小民之利器。可謂驪珠獨探。而其論報館。爲日本維新之首功。尤可謂靈犀獨照者矣。夫我國人之論日本。也不曰教育之功。卽曰歐化之力。於是注重科學。致力學堂。卒之社會之大多數。未發其蒙。阻力環生。而星之光終不能使黑闇界之羣愚撥陰霾而覩天日。社會之錮蔽愈逼。

而抗力愈強。又無人爲之剖陳其得失之理由。而示以周行之正道。雖使學校偏於郊野。而小民之頑固不化。卽維新之政終梗阻而莫就也。記者望我十八省之大吏。皆仿晉撫張中丞之盛舉。利用白話演說。以啓在下之顛愚。而使新知得以普及。我政府總攬中央。持其樞紐。利用報館。以一天下之心思耳目。而建其歸極。夫而後新政可以通行。文明可以普及。全國人材德慧日新。智能并奮。庶足以砥膏肓而起廢疾。徐致富強之效也。請推論日本之成事。歷舉報章有益於政界之理。以爲我政府之取則焉。

日本文明開進之速。半資報章。半資演說。上自朝廷內政外交之大。下至小民資生日用之微。無不由報紙握其樞。演說盡其利。以爲改良進步之原。今畧述日本報紙發達之歷史。分爲三期。以備我當路之鑒觀采擇焉。

其第一期則報紙之發行。概成於在野志士之手。其執筆者。非半騷不偶之浪士。卽歐化狂熱之書生。攻擊政府。譏訕當途。鼓吹革命之風雲。唱導狂激之政論。其政府亦復惡之如蛇蝎。視之如獠犬。從而布新聞條例。設讒謗律。厲行禁壓政策。然愈壓而抗力愈盛。愈禁而流行愈多。禁之反適以助之。壓之反適以開之。滾滾風潮。披靡一世。終致禁無可禁。當時報界雖至披猖而究其功效。利益實足以償其損害。而有餘。亦猶我中國今日報章多出於革新。

主義者之手。雖反對政府。而政府陰受其益者。實不少也。

由是而入第二期。政府諸公。漸覺報章之利益。而禁壓之終無其術也。乃從而弛遏抑束縛之法。講因勢利導之方。并自設機關新聞。以宣明政府之主義。辯護內閣之政策。且駁正各報之謬論狂言。官報民報。互相對峙。勢均力敵。各出其高文宏義。旗鼓相當。以聘其雕龍白馬之雄談。演出生龍活虎之壯劇。事理以辯析而愈精。政策以攻難而愈進。漸演漸進。而官民之見解。由反對而相調和。由調和而相提挈。而文明之促進。已在其中。國家與社會。已陰受其福矣。我國各省。已有官報。而其力不足。與民報相衡。而民報發達。亦遲滯而不進者。皆由政府既無機關。而又不肯實力提倡之故也。

及至第三期。則以良因而刈善果。報館得政府之矜寵。而聲價愈高。信任愈大。政府得報館之協贊。而機關愈暢。政令愈周。政府既尊禮報館。而賴其勢力。而在野之士。亦不復猥爲詭激不可行之論。以淆清議。而亂政論。在朝在野。上下一致。提攜贊助。而舉日新月進之功。由是報章之流行愈盛。而勢力亦因之而愈大。明治三十五年。調查統計官報發行。達八百四十四萬二千部。新聞雜誌。達一千三百二十八種。今又三年。其進益當半倍乎此數。其盛大洵可驚矣。是故報館之勢力愈大。發行愈廣。則政府之受其裨益亦彌宏。政府欲布一令。行

一法。必先利用報館。俾周知其主旨之所在。政策之所由。報館從而鼓吹之。倡導之。其普及全國。刺激民人。翕張輿論之力。神速廣遠。雖置郵傳電。莫或及之。歐洲人之言曰。二十世紀以後。報章政治之世界也。豈哉言乎。

自昔政府之公布新令也。由郵傳布達於郡縣。郡縣從而張貼之。非第遲滯勞費。且亦不易周知。及至報紙風行。電傳登錄。政府朝發一令。夕已徧於全國。山陬海澨。僻壤窮鄉之民。無不手一紙而告語咨議矣。即此一端。其裨助於行政之機關者。已不可思議。矧乎報館執筆之士。類皆洞明時局。留心世事。遠識宏議。糾違贊可。補闕拾遺。或政府未知之事。當路未留意之端。而報館早已錄而論之。以提醒一世之輿評。而警告政府以注意。其有功於政界。尤不勝細述也。

我中國今日。交通不便。羣智不開。報章之發達。甚爲遲滯。政府於一切內政外交之事。皆守秘密主義。不肯公示於臣民。而外省大官。類皆存忌惡報館之心。而不肯實心提倡。居寰球大通。列強競進之日。而自塞其聰明。并欲掩盡全國人之耳目。欲以此求存於競爭劇烈之世界。猶南行而北其轍也。危乎危乎。盲人瞎馬。夜半深池。幾何而不顛蹶沈溺也哉。誠得京外大官。皆如晉撫張中丞之用心。庶乎扶顛持危。或將有賴耳。敢略陳其下手之方如左。

一凡屬內政之事。當令全國周知。而後推行暢利。是宜利用報紙。以助行政之機關。而傳布愈形捷便也。我國行政機關。本多隔越壅塞。停滯迂曠之弊。加以道路不修。交通不便。公私大小。阻礙萬端。驛遞既勞費而無功。郵政亦推行有未盡。牘書文告。上達之術。雖有電報。而傳達之法。絕無有靈通普及之規。而懸書讀法。道遠徇途。衡石程書。輶車布令。自三代以來。鈍拙相沿。二千餘年。迄無改良進化之觀。地廣於昔。則不周民多於昔。則不周世事愈趨蕃變。政教愈趨複密。而行政布令。猥守古昔簡陋之方。無惑乎地廣不治。政事叢脞。外觀既形荒蕪。內容復極腐敗。如病癰。瘼如患大腫。如流注之全身痛楚。如痿痺之脈絡滯閉。曰老大帝國。老朽則官骸不靈。曰東方病夫。病廢非瞑眩不起。況乎立國於今日之世界。局面既非前古。所有大政大法。多創舉而無成法。可沿世運。既日新則所以整理而推行之法規焉。得不因之而日新又新也哉。擬請將全國大小內外官署。凡屬布政施令之事。除依舊法宣布外國中所有報館。必迅速發交一分。借其登錄。愈便通行。東西文明各國。無不如此。官不勞費。而出報者與閱報者皆得最大之益。況又足以輔行政機關之不逮哉。以京師論。如邸抄。上諭奏摺。雖發交報房印行。而各報館仍須出錢購買。至如各部寺院緊要公文。報館雖欲登錄。亦無從訪致。又如順天府五城察院八旗刑部工巡局及其他各衙門。逐日與北京

市民直接交涉各案牘。以及京省各案件。或榜示署門。或竟無人知之。擬請自今以後。自軍機處內閣以下大小各衙門。皆特設書手數名。專管抄錄。諭摺案牘。發交各報館。除應行祕密者外。皆普行宣示。如此。則公示中外。者既借報以行。政府得機關敏速之便。報館得風行廣遠之益。即不宣示者。亦當令民咸知國事。以激發其愛國之心。并令普知時局艱難。亦足使念國恥而奮勵振興。國與民胥有賴焉。如此。則利於官。利於民。利於國。并利於報館。有百利無一弊。我政府及各大衙署。亦何惜一二鈔胥之力。而不與報館。以便而自便也哉。至於各直省郡縣。有官報。則一切文牘。發交官報。無官報。則發交民報。并普設白話演說報館。則民智胥啓。國有不富強者哉。

二則政府或籌軍餉。或募公債。凡有求於民。或變革政策等事。須利用報館之鼓吹發揮。令民咸知政策之所在。政府之用意。國民無不咸知。則國家出一令行一法。民無不樂從。亦且調和官民上下同心。舉國一致。庶幾積弱可以圖強。新政推行盡利。國與民胥蒙其利。報館亦因之而愈發達也。

三凡屬外交之事。不關係於機密者。必當宣示國民。令民咸曉。然於我國在世界之位置。如何。世界各國之對我如何。我國對各國如何。我國人民對異國人民當如何。一以激發其愛

國之心一以指示其對外之法。一以啓迪其世界之知識。庶幾國際不肇禍端。愚民不復仇外。咸知自奮。以與各國競立。爭存而不致有無意識之排外也。外交事之當宣布者。一如我國出使各國使臣。駐外各領事之公文。以及一切調查報告之事。二如各國駐北京使臣。各埠領事教士商人游歷員。與我國內外大小官署來往之公文。交涉之案牘。或要索利益。或訂辦路礦。三如我國與各國之國際交涉等事。凡此皆當宣示中外。使民咸知。國家既未設良善機關。何如利用報館以達其目的哉。

此三者皆下手最切近之方。而亦今日最不可緩之要務也。抑且報章之有益於國家社會。亦非但足供政府之機關而已也。東西各國清議之可否視焉。庚子報館中曾輿論之趨向。視焉。即國論之從違。亦於是而決焉。往往國有非常舉動。悉由報紙主其原動力。如美西之戰。由美國各大報紙鼓吹而成。之日俄之戰。亦由各大新聞唱導之。鼓動全國之公憤。堅定國民之決心。以助成此大功業及戰事。既起。則報紙又爲軍隊之後援。或贊揚忠勇。以鼓其氣。或形容艱苦。以募恤兵之貲。或勸勵國民。以助軍款之募集。某報之言曰。日本全國千百之報章。皆政府之御用新聞也。富哉言乎。我政府胡不仿而行之。

修訂法律大臣沈伍會奏請專設法律學堂摺

竊臣等奉 命現行律例按照交涉情形參酌各國法律悉心考訂開館以來與編譯各員旦夕討論深慮新律既定各省未豫儲用律之才則徒法不能自行終屬無補當此各國交通情事萬變外人足迹徧於行省民教齟齬方其起釁之始多因地方官不諳外國法律以致辦理失宜釀成要案將來鐵軌四達雖腹地與區無異通商口岸一切新政如路礦商標稅務等事辦法稍歧詰難立至無一不賴有法律以維持之然則弭無形之患伸自主之權利害所關匪細故也至於查照通商條約議收治外法權尤現在修律本意亟應廣儲裁判人材以備應用查學務大臣 奏定學堂章程內列有政法科大學然須豫備科及各省高等學堂畢業學生升入現在豫科甫設計專科之成爲期尙遠進士仕學等館其取義在明澈中外大局於各項政事皆能知其大要法律僅屬普通科學之一斷難深造出洋遊學畢業法科者雖不乏人而未諳中國情形亦多扞格伏思爲學之道貴具本原各國法律之得失既當研厥精微互相比較而於本國法制沿革以及風俗習慣尤當融會貫通心知其意兩漢經師多嫻律令唐宋取士皆有明法一科在古人爲援經飾治之徵符在今日爲內政外交之樞紐將欲強國利民推行無阻非專設學堂多儲人材不可日本變法之初設速成司法學校令官紳每日入校數時專習歐美司法行政之學昔年在校學員現居顯秩者頗

教育

一百七十四

八月

不乏人宜略仿其意在京師設一法律學堂考取各部屬員在堂肄習畢業後派往各省爲佐理新政分治地方之用開辦之始暫由臣等經理俟新律告竣再行請旨派員專司其事不揣固陋謹擬辦法三端爲我 皇太后 皇上陳之一曰定課程查大學堂章程內法律學門所列科目其主課爲法律原理學 大清律例要義中國歷代刑律中國古今歷代法制考東西各國法制比較各國憲法各國民法及民事訴訟法各國刑法及刑事訴訟法各國商法交涉法泰西各國法其補助課爲各國行政機關學全國人民財用學國家財政學頗爲賅備卽照所定學科酌量損益分延中外教習逐日講授惟大學堂章程係四年畢業擬多加授課鐘點改爲三年畢業另立速成科習刑律訴訟裁判等法限一年半畢業一曰籌經費常年經費如堂舍租金教習薪水暨購買書籍器具飲食雜用等項力求撙節每年約需銀四萬兩值此庫儲支絀不敢請撥部款應由各省督撫分籌撥濟大省約解三千兩中小省約解二千兩便可集事分之見少在各省尙不甚難此項畢業學員日後專爲各省辦事現在育才之費仰給羣力於義亦合至開辦經費約需銀三萬兩請歸戶部籌撥一曰廣任用近日仕途猥雜各省候補人員文理未通者指不勝屈雖有課吏館之設而督撫事繁未能躬親督察幾至有名無實遇有要政本省無可用之人不得不調諸他省

在平日已有乏才之患將來新律頒行需才更亟非多得曉律意者不能行之無弊應將學律各員於畢業後請簡派大臣詳加考驗分別等差其列優等者交部帶領引見按照原官品級以道府直隸州知州知縣等官請旨錄用庶幾學適於用用其所學於時政殊有裨益以上三端僅舉其大概如蒙俞允再由臣等詳擬章程恭候欽定謹奏

河南巡撫陳奏設立初級師範學堂摺

竊維人才之出不外乎學堂教育之方莫先於師範豫省中小各學堂現已督催一律興辦而所延教習雖不乏品學兼優之人究非由學堂出身教授管理未必一律合法伏讀欽定學堂章程設優級師範以儲中學教員設初級師範以儲小學教員並有初級師範學堂爲辦學堂者入手第一義之語又初級師範學堂分爲完全科簡易科等因級限詳明學程完備逐條尋繹意美法良第論程度則以優級爲高論需材則以初級爲急河南通省共一百零七廳州縣卽就每處設高等小學一所計之已需教員百餘人況尙有初等小學及公立民立各小學需用教員尤多是造就小學師資誠爲刻不容緩經司道籌議先於省城設立師範學堂一區考選合格學生一百七十名延聘教習尅期開校並擇其文理稍優年齒較長者按照定章簡易科教授俟畢業後考取領憑卽派充各小學堂教員以應急需其各

處小學堂現聘教員多未肄習師範應由學務處隨時派員考察如有不能合格勝任及因事辭退者概將師範學堂簡易科畢業生遴派前往以昭畫一而資得力至此次修建堂舍核實估計共用工料銀一萬三千餘兩購置圖籍儀器什物等件並開辦經費共用銀四千餘兩已由司如數撥給其常年經費攤派各州縣分別按年捐解約共得銀六千八百兩以之供支學生膳費差足相抵此外薪工及一切雜費核計每年尚需銀一萬三千餘兩擬由司在於學堂經費項下設法籌撥堂中功課一切暨獎勵等項悉遵奏定初級師範學堂章程辦理並參仿直隸湖北奏定師範章程以期因地制宜將來風氣大開學堂林立再於省城添設優級師範學堂以廣裁成如有未盡事宜隨時酌量變通等情據學務處司道議呈試辦章程詳請 奏咨立案前來臣查豫省風氣囿於方隅各州縣開辦學堂得師匪易即使借才異地亦慮搜采無從自非速設師範學堂無以覺後知而資前導惟是事屬創始條理萬端此間款絀用繁勢難兼營並舉第念事關學務不敢不勉爲其難現在省城已設之高等學堂業經切實整頓並先後奏設客籍高等學堂河北實業學堂其各屬中小各學堂亦已督飭一律開辦爰飭擇地籌款鳩工庀材設立初級師範學堂以儲小學教員幾費經營始獲就緒良由地方財力所限固難以一蹴而幾遽臻全備而規模漸拓成效可期詳核

該司道所擬章程尙稱簡當臣仍當督飭照章悉心經理務廣造就以仰副 朝廷興學育才之至意謹 奏奉 硃批學務大臣知道欽此

河南巡撫陳奏籌設河南駐防滿營小學堂摺

竊臣於本年正月間具 奏整頓駐防滿營摺內聲明該營原有義塾久成具文擬於左右兩翼酌設滿漢文各學堂挑選八旗聰穎子弟入堂肄業等情仰蒙 俞允在案臣當卽札飭藩臬兩司學務處會同署城守尉妥籌辦理去後茲據布政使瑞良按察使鍾培等詳稱開辦學堂節目繁多尤以造屋宇籌經費爲先務遵派候補知縣王會豐前往滿營詳細查勘從前該營義塾多係借用各旗戶餘屋並無定所且已停辦多年嗣後義塾二處一習滿文設於筆帖式署內一習漢文設於城守尉署西倉房近年漢文義塾裁撤卽以滿文義塾移設其中該處尙有餘地可建學堂惟義塾原屋十一間僅敷改設講堂之用所有教習監督之寄宿舍學生之休息舍以及飯廳廚房等類皆須從新建造至義塾用項本無公款其初兩塾脩金係由各旗兵月餉內按名攤扣嗣於嘉慶道光年間兩次由地方官籌捐銀一千餘兩按月生息作爲經費此外毫無餘款現在興辦學堂約計常年經費如膳脩薪水獎賞工食筆墨紙張以及一切零用共需銀一千七八百兩開辦經費如修蓋房屋購辦書籍

置備器具等類共需銀四千三四百兩事關學務自應設法另籌據該委員分別開具清摺由該司等會核明確並擬章程八條詳請核辦前來臣維興學育才在今日最爲急務滿漢本宜一致教澤豈可偏枯況旗兵生計維艱積弱已甚若不亟謀教育之方將濡染日深靈明日窒雖有聰慧子弟亦漸歸於虛情而無用殊非朝廷培養根本之至意現在河南通省學堂均已次第開辦此項學堂所以端旗民養正之始基卽所以開滿營自強之風氣改作斷不容稍緩經營宜力任其難已飭司籌撥款項遴選委員切實興辦迅速動工俾得及早開學將來落成之日卽名爲河南駐防滿營小學堂一切用款查照臣上次奏案作正開銷至該司等所擬章程八條臣覆加察核尙屬妥洽相應繕具清單恭呈 御覽謹 奏奉 硃批該衙門知道欽此

謹將河南駐防滿營小學堂開辦章程八條繕具清單恭呈 御覽 計開 一河南駐防滿營小學堂係屬創辦先立初等四堂將來學生程度漸高隨時改設高等初等各二堂以期漸臻美備 一學堂功課章程悉遵學務大臣奏定學程參酌辦理 一滿營本有義學一所設在城守尉署西倉房現在改設學堂卽以原有之房屋十一間量加修葺作爲講堂再添造大門二門二處教習監督宿舍七間飯廳四間官廳三間學生休息室九間廚

房三間共屋四十四間。一學堂內設監督一員常日住堂辦理堂內一切事宜支領各項經費設滿文教習一員全堂學生均歸教授設漢文教習四員分堂講課僱用堂夫四名廚夫一名。一學生額定一百名分入四堂肄業考選時以年在十歲內外者爲合格。一學生畢業以五年爲限屆時考試取列最優等者撥入高等小學堂肄業。一原設義學內教科書籍無可稽查應全行添置遵照京師大學堂頒行暫定各學堂書目及審定之本購買應用。一學堂修造房屋工竣卽行出示招考凡駐防各員均准一體照章保選惟非旗籍者不得冒考濫取以符名實。以上八條係屬大致辦法其一切規則教法功課統俟開辦時再行酌定合併聲明奉 硃批覽欽此

護江西巡撫周奏遵章設立學務處摺

竊前准學務大臣咨開 奏進重訂學堂章程奉 旨通行各省一體欽遵等因仰見 朝廷興學育才務求詳慎之至意曷勝欽服查江省高等學堂昔經前撫臣李興銳籌議開辦嗣經前護撫臣柯逢時奏陳大概情形並通飭各屬次第籌辦在案洎臣叨沐 天恩護理撫篆夙夜祗懼思報涓埃深維國勢之盛衰繫於人材之優劣而學堂章制尤爲人材消長之原幸逢 聖主作君作師嚴定正軌頒行各省俾有準繩亟應遵照定章切實籌辦以期

漸收成效查江省高等學堂業已開辦三年而細考其科學之等級管理之方法多與定章未能盡合其各屬中小蒙學堂雖據陸續稟辦而求其規制合宜者實不多觀推原其故良由綜攬綱領專轄事權者未有人以致糅雜紛歧因循塗飾均所不免此時各學堂既無一定不移之辦法即將來各學堂斷無遞升合格之學生全省人材悉繫於此其所關非細故也伏查奏定章程內載各省府廳州縣偏設學堂亦須有一總匯之處以資管轄宜於省城設學務處一所由督撫選派通曉教育之員總理全省學務並派講求教育之正紳參議學務等語江省學務正當亟待整頓之時非先設一總匯之所不足以資董理現臣遵照定章特設江西全省學務處一所派委總辦參議等員紳專司其事所有省城及各府廳州縣中小蒙學堂暨民間私立各學堂以及出洋遊學各學生統歸學務處隨時稽察考核各學堂課程門類畢業年限管理人員職守均責成學務處遵照定章認真釐訂未辦者竭力經營逐漸推廣已辦者加意查察務益周詳總期條理秩然規模完備以仰贊 聖朝車書大同斟若畫一之治謹 奏奉 硃批學務大臣知道欽此

護江西巡撫周奏擬設練將學堂摺

竊照江西現邊練兵處章程將常備中前兩軍改練步隊一協業經具奏在案伏念創舉一

事有治法尤貴有治人東西各國兵力之盛凌轢環球實推其制勝之由實因將弁士卒無一不出於學校中國兵學甫經提倡自非一蹴可幾然就目前辦法尤宜注意練將以爲練兵之本查江省經前撫臣李興銳創講武館又經前護撫臣柯逢時建立武備學堂均各先後奏明開辦嗣准練兵處章程內有擬定武備學堂章程請旨敕下各省趕速推廣籌辦等語現在此項章程尚未頒發到江自應暫照舊章切實辦理竊惟培材之術宜專而儲材之途宜廣查講武館係專選在標員弁武備學堂係專選各屬文武生童貢監職員而江省候補人員爲數甚衆其中留心武備者頗不乏人今兵學日精理法深邃若就文理明通之士加之教練較易成材前經欽遵諭旨設有課吏館一所臣護理撫篆後復經更定章程分實業教育法律武備財政交涉六門認真考試然既分門設課勢不能專重一途江省現當整頓軍政之時需材日廣非別有專門講習之區不足以宏造就溯自軍興以來湘淮諸將類多出自文員皆由平昔講求儲之有素故能一旦藉手削平寇亂翌贊中興比歲海內士夫懲前毖後漸知習俗輕武之非朝廷因勢利導寓激勵於爵賞之中往往以文員超授武職轉移風氣此其權輿臣竊仰體聖意擬於省城別設練將學堂一區附隸於督練公所教練處即將常備中前兩軍舊設之隨營學堂改併辦理並將此項經費撥用不另

教育

一百八十二

八月

開支將來規模擴充再當添籌的款凡本省候補同通州縣佐貳雜職有願學習兵事樸實耐勞者考取入堂令其專心肄業各員身列仕途既能力求致用一經磨鍊成效當有可觀以之備効馳驅庶不至用非所習嗣後遇有軍政需員之處卽就學堂肄業各員擇尤遴派既已考詢於平日自不能倖進於臨時是於振興兵學之中兼寓整飭官方之意謹 奏奉 硃批該衙門知道片二件併發欽此

修訂法律大臣

沈伍

會奏請於各省課吏館內專設仕學速成科片

再各省冗員繁多而辦理交涉事宜及舉行各項新政時有乏才之患督撫身歷其境知之最真以故先後資遣官紳前赴日本就學法政速成科冀其學成回國可資任使用意甚善惟出洋留學所費較鉅人數斷不能多擬請在各省已辦之課吏館內添造講堂專設仕學速成科自候補道府以至佐雜凡年在四十以內者均令入館肄業本地紳士亦准附學聽講課程一切參照大學堂章程內法律學門所列科目及日本現設之法政速成科辦理選派明習法律人員及外國游學畢業者充當教員分門講授令學員在堂錄寫講義定六箇月爲一學期三學期畢業每一學期後由督撫率同教員面試一次以聽受講義條對明晰爲合格地方官果能於各國政治源流法律條理了然於心則與外人交涉先事可籌弭患

之法臨事亦有辨難之方民教爭端工商要務均可洞見癥結措置咸宜造就已仕人才俾辦地方庶政當務之急莫過於此每屆畢業考試後由督撫將學員職名考試分數造冊咨送京師政務處學務處刑部以備察核畢業學員應如何分別任用亦應由各督撫就各省情形明定章程俾資鼓勵導以實行之學則固陋之習可除示以致用之階則奔競之風自息似於政治大有裨益謹 奏

山西晉報局總辦程守清上山西巡撫張遵擬白話報並演說簡章稟附批白話報章
程略

竊卑府前奉面諭以晉省民智不開於晉報之外亟宜另設白話報以資普及並令即擬章程呈閱等因仰見憲臺關懷時局提倡風氣不遺餘力奉諭之下欽感莫名伏思東西各國言文合一故上下之情僞易通運掉易靈中國文字精深爲環球各國所不及然因此而讀書識字之人亦較各國爲少近年京師及東南各省無不盛行白話報可見白話之益久已昭人耳目茲蒙憲諭謹將所擬白話報簡章另摺呈閱仰卑府猶有請者日本明治維新開通風氣有三大端一學堂二報館三演說學堂之設收效最遲報章之布僅及士流演說則無智愚賢不肖皆能感動故日本人民之開化實得力於演說者多其時國內盛開演說會

聽者或數百人至數千人遇有勳貴及知名士登壇則聽者或數千人至萬餘人不等今東西各國大政令大興舉無不倚重演說爲行政之關鍵蓋報紙祇爲識字人而設演說則兼爲不識字人而設吾國三代時道人木鐸徇路宣猷孔子周游席壇講道我朝 列聖相承尤重宣化所頒 聖諭十六則令地方官朔望宣講各鄉社尤盛行講鄉約之典皆與演說之事名異實同至演說之事見諸公牘者查昔年戶部右堂戴奏演講一案經部議准行咨行各省通飭各屬教官興辦晉省前憲臺曾轉飭遵辦在案又如去年十二月十八日北洋官報載直隸督部堂袁批萬泉縣辦蒙學稟云鄉僻風氣未開全在地方官推誠勸諭苦口演說等語可見演說之益吾國 朝野上下久經洞澈於胸臆以近年瀕海諸省新學少年言論宗旨每多橫決於是地方有司深惡痛絕曲謹之士至絕口不敢道及平心而論蓋非演說之不善乃演說不得其人之不善天下事不能有利無弊惟在興利者預防其弊耳卑府愚見既以白話濟報紙之窮尤當以演說濟白話之窮山西不識字人佔十之九若能於白話報紙加以演說不獨三晉愚氓咸蒙樂利而於我憲臺化民成俗之心亦得以彌綸無憾用是不揣冒昧謹就管見所及另擬演說簡章八條附呈憲鑒如以芻蕘末議有裨壤流猥蒙採酌施行不勝大願再中國近年舉辦新政甚多而收效者鮮推原其故皆由地方官

之奉行不力甚至各國所已行已效之事迨中國做行之輒有弊無利重爲世詬此皆因有治法無治人之故卽一二有心人思有所建樹又不能久於其任故中國維新之機殆將絕望今宜力矯其失仰懇憲臺嚴飭地方官將白話報認真派閱并就管見所擬廣爲演說庶幾民德日進民智日開併力一心共圖進化三晉幸甚大局幸甚

一白話報必注重演說之原因 泰西各國言文一致吾國言文區別勢不得不以白話濟文法之窮無如中國國民程度能識白話之字者仍佔少數卽能識矣而慢忽成性情於執卷與不識者同則僅藉筆墨之靈斷難有濟此文字窮必濟以白話白話窮必濟以演說之原因也 一演說之人員及地址 各縣州縣城內擬照宣講成例由該印官協同同城各官於舊日宣講 聖諭之地或由教官或遴選在學人員宣講商民人等仍照成例環聽學堂中則由教習於星期假日開堂演講鄉鎮則由官紳在各塾師暨紳衿內公舉有品學有名分人擇地演講此外有通達士人願膺其選者聽如有身家不清品行不端劣紳訟棍及曾經犯罪者概不准充當斯職 一演說者應存之宗旨 演說者應知現今中國海口盡割路鑛盡失門戶洞開四百兆人無立足地是皆因中國不能自強百事廢弛之故今欲使人人知振作之方必先使人人知危亡之痛故開民智爲第一要著而當演說時尤不可不

堅持一犧牲一身以振聲噴於湯火之宗旨以焦唇敝舌者迫切從事 一演說者應盡之責任 崑山顧氏云天下興亡匹夫有責當此時局貼危一介之士應各懷先覺斯人之志況生長斯鄉其痛癢休戚尤更關切於同國縱無權無位而口舌之力各由天賦匹夫所能自盡惟有朝夕呼搶小一鄉積而一國冀人人爭自濯磨而共膺艱鉅是乃不可旁貸之責任每期演說畢即將報紙揭貼通衢以便未及到場之識字人隨時觀覽 一演說之方法 泰西演說學家論演說之法有聲音態度手儀足式容狀臺戒諸端推原其要總不外痛快明澈誠懇哀切能感動聽者使之怵心駭魄翻然醒悟蹶然興起為主北洋官報刊有演說美辭法一卷本館當覓稿排印分送以備任斯職者之研究 一演說之界限 演說者祇能就報紙應有之義引伸發明之不准節外生枝攪入離經畔道上干 國憲之語致失報中本旨 一保護之法 城鄉演說地址擬大縣以四十處中縣以三十處小縣以二十處為率由地方官先期揭示保護如有頑梗不法之徒造作蜚語出而阻撓應由各州縣從嚴懲辦 一獎勵之法 演說人員如真能實力奉行長年不輟卓著成效例如一處加增多處演說一人擔當數處演說一人鼓舞多數人聽演說以及演說後其地風氣漸開有力者皆知興辦實業建立學堂出洋遊學設圖書館閱報所商會勸工場博物院等一切開

新公德者由地方官隨時稟請憲臺賞給功牌頂戴匾額等其舉人以上及州縣官教官等另應如何獎勵之處悉候鈞裁 一稽核之法 中國所辦新政往往有虛名而無實效即如外州縣所辦學堂稟報者或數十處至數百處按之實際無學科無真教員者十居八九深恐成效難期徒糜血款現創辦此報濟以演說乃開通風氣惟一之方法如再奉行不力則雖極有效之舉將亦變為極無謂之舉擬懇憲臺簡派熱心廉幹能任勞怨之員輕車減從周歷鄉村以稽查學務者稽查講務查直隸廣東四川等省本有稽查學務專員如日本視學官之類晉省應否添設及稽查後如有怠玩敷衍等弊應如何從嚴懲辦之處恭候鈞裁

撫部院張批 稟摺均悉白話報章專為開通風氣激發人心欲令不識字人普行通曉尤須注重演說實力辦理詳閱所擬出報簡章六條演說簡章九條均尚切實易行報價每份取錢二百文各廳州縣不過花此通年二三千之費而可收開發民智無窮之效凡有父母斯民之心當無不踴躍從事亟應迅速開辦即由司庫開雜款內墊撥報紙價銀一千五百兩先行給發一面由洋務局分別州縣大小派定報數通行遵照俟出報後即同晉報按期飭發收回報價如數歸還以清公款此報既以演說為重應即定名為山西白話演說報

以資警覺所有撰述及演說等人務須守定宗旨以正大淺顯懇切周詳為主不得稍涉偏激詭誕之詞以杜流弊惟演說之事得人最難但須粗知時局語言清朗使人動聽即爲上選全在各賢有司博采周諮擇人而任庶幾漸推漸廣不託空言本部院並當隨時委員密查是否實力遵行分別獎罰以示懲勸仰洋務局分行遵照並移明布政司稟摺均發仍繳

日本東斌學堂章程

第一章 宗旨 第一條 本學堂專爲清國留學生教授日語及普通專門諸科兼磨勵德行以期成全才 第二條 本學堂所設科目一曰普通科二曰師範科三曰兵學科各科更設速成科以待急於成業者 第一普通科 教授日語及日文讀法算術地理歷史等 第二師範科 教授教育制度學校管理法教授法及日語算術地理歷史 第三兵學科 教授戰術軍制兵器築城諸學及日語算術地理歷史等 前項各科以外速成警務科水師豫備科及農商工諸科現在籌備未完擬俟他日開辦 第三條 本學堂豫設房舍以備學生寄寓教授諸科學以外日常動作嚴行監督以期德行學術並進而不悖 第二章 肄習年限及放課 第四條 普通本科畢業之期以二年爲限其速成科者以年三箇月爲限師範本科以三年爲限其速成科者以一年爲限兵學本科以二年爲限

其速成科者以一年六箇月爲限 第五條 本學堂放課期日如左 一每禮拜日 一
 日清兩國例定國祭及慶節 一本學堂創立紀念日 一陰歷歲旦 一春期放課自四
 月一日至同七日止 一夏期放課自八月一日至八月三十一日止 一冬期放課自十
 二月二十五日至翌年一月七日止 第三章學科課目 第六條 本學堂學科課目如
 左 第一普通科 倫理 日語 算術 地理 歷史 理化學 動植物 生理 代
 數 幾何 三角 英語 圖畫 體操 第二速成普通科 倫理 日語 算術 地
 理 歷史 理化學 代數 幾何 英語 圖畫 體操 第三師範科 履修本學堂
 普通科者及其學力與之相均者並得入本科肄習普通科二年本科一年通以三年畢業
 倫理 日語 心理 論理 教育學 教育史 教育制度 學校管理法 教授法
 文明史 社會學 英語 圖畫體操 音樂學與不學並聽其便學校參觀每禮拜內
 案日參觀各學校及圖書館博物館等處 第四速成師範科 以清語教之 倫理 日
 語 心理 論理 教育學 教育制度 學校管理法 教授法 算術 地理 歷史
 理科 圖畫 體操 第五兵學科 爲願將來爲武員者特設此科卒業之後以期其
 進入陸軍士官學校 日語 數學 地理 歷史 理科 圖畫 陸軍禮式 體操教

範 劍術教範 軍制大要 步兵操典 步兵射擊教範 野外要務 築城教範 測
圖法大要 軍隊教育法 柔軟體操 器械體操 劍術 各箇教練 部隊教練 野
外演習 戰術學 軍制學 兵器學 築城學 地形學 海軍一班 第六速成兵學科
日語 數學 地理 歷史 理科 圖畫 陸軍禮式 體操教範 劍術教範 軍
制大要 步兵操典 步兵射擊教範 野外要務 築城教範 測圖法大要 軍隊教
育法 柔軟體操 器械體操 劍術 各箇教練 部隊教練 野外演習 以上諸科
授業時數別冊注明 第四章 考試及畢業 第七條 考試分爲二種曰定期考試曰
臨時考試定期考試者於其畢業及進級日行之臨時考試者於其學期內隨時行之 第
八條 考試之際學業優等者在學堂內榜示並知會保人 第九條 畢修學科歷試合
格者例合由本學堂發給畢業文憑 第五章 入學及退學 第十條 本學堂定於每
年四九兩月初一日起至十五日間方准入學如願臨時入學者俟本學堂酌定 第十一
條 凡願進本學堂肄業者開具籍貫履歷與保人署名蓋印投送本學堂其式樣如左
某願進

貴學堂肄業茲開具履歷申明如蒙允准入學本名身上所有一切事宜惟保人是問特

此 謹具

明治 年 月 日 本人

原籍及現在住址
姓 名蓋印

原籍及現在住址

保人 姓 名蓋印

東斌學堂長 殿

履歷書

原籍及現在住址

姓 名

某年月日生

一學術 自某年某月起至某年某月止在某學校某學院或從某師學習何種學科

一生業 自某年某月起至某年某月止從事何業

一賞罰 某年在某處受何等褒賞何等責罰

教育

以上所述並無錯誤爲之立具履歷是實

明治 年 月 日

第十二條 保人須東京市居住或由清國使署或由本學堂以爲確實可靠者均可惟兵學科學生必須清國使署保送 第十三條 如有學生以疾病或事故願退學者須由保人申明本學堂方可准行 第十四條 學生中有品行不修經學堂戒飭猶不知悔改者即應斥退 第六章 學費 第十五條 凡學生住在本學堂所屬房舍者一切學費房舍伙食衣服炭油以及教科用書日常零用銀等項一箇月計二十五圓或三十圓定將三箇月分先行交納 第十六條 本學堂所准退學者如有已納學費自應按日算還 第十七條 學生遇有疾病准本學堂所請醫生診治本學堂給發藥費其病狀較重者應交保人收管以後藥費歸其自辨 第七章 賞罰 第十八條 一學期間常列優等及品行端正者酌給褒賞以示鼓勵其褒賞分爲二種 一 賞單 二 賞品 第十九條 平日不遵訓誨違戾學規者酌情懲辦分爲四種 一 譴責 責其非行以儆將來 二 別座 在講堂內另設一座令其就座 三 禁足 禁止出門 四 退學 命令退學並將其情由知會保人 第二十條 受別座禁足之罰者屆期滿時即由舍監率至學

堂長及學生監面前令其謝罪並誓悔改 房舍條規 總則 第一條 本學堂房舍所有學生常遵奉學生監及舍監之訓令莫敢有違背 第二條 凡學生間互相敬愛宜以禮讓信義爲本 第三條 每一室必舉班長一名副班長一名以年長者順次充之其應辦事項大畧如左 一維持班內風規留意衛生事宜 一轉達所有命令告示並監視各生是否遵行 一代領各貨頒給學生並保管班內所備物件 一班內物件遇有破壞隨時稟辦 一遞呈班內各生所有稟申文件 第四條 每日上堂搖鈴爲號不得遲至 第五條 凡起居飲食湯浴出門等均按牌示時間不得稍有違誤 第六條 身體衣服以及房室器具等宜從清潔以重衛生 第七條 凡欲入他人室者先請該室班長然後始得入內 第八條 自習室須設置值班一名早餐前先將各自室內打掃潔淨及整頓室內所備物件 第九條 寢室亦須設置值班令其早餐前打掃室內 第十條 除每晨打掃外每值禮拜六所有學生協同打掃即將地板泥壁几案窗戶玻璃等均行擦淨並將寢具曬於日光之下以期清潔而重衛生 第十一條 禮拜六打掃已完時須由各該班長報請舍監臨驗爲要 第十二條 每晚聞鈴就眠必須一律息燈不得高聲談話 第十三條 每晨聞鈴離牀照制裝扮並將寢具按式整頓 第十四條 凡欲出門者其

衣帽照制裝扮務須齊整潔淨 第十五條 回堂不得逾時限若有不得已之事故情願在外留宿者先將事由及其所欲留宿之姓名住址等詳細開明由班長轉請舍監爲要或出門之後突有事故未暇稟准在外留宿者次日須將總監督或各本省所派監督之文憑呈交舍監以備查閱 第十六條 遇有疾病者由班長申告舍監聽候醫員診視 第十七條 因疾病或事故停課者必須具單請班長署名更經舍監蓋印而後轉呈學生監 第十八條 廊上往來步履靜肅不許亂走 第十九條 無論房舍內外不許拋棄廢紙及毀物並痰唾等 第二十條 學堂內嚴禁飲酒 第二十一條 入食堂時須整齊徐行不得擁擠爭先後 第二十二條 在厠坊以外嚴禁便溺並於厠坊便溺時各須留心不可污穢 第二十三條 木板及泥壁等不得隨意塗抹及濫寫字畫 第二十四條 房舍內設有喫茶室除日課及自習時間外均可來此喫茗敘話惟不得喧嘩雜亂 第二十五條 學堂及房舍內所備之器具一切不得污穢壞損如有犯之者按價賠補 第二十六條 會客須在應接室不得引至他室 第二十七條 庭內花木不得擅傷折 第二十八條 公衆之集會宴會或政治攸關演說場等非經允准不得擅往 第二十九條 除前開各條所載自應遵守外其餘事項隨時牌示以便遵守 補則 本學堂所有學

生分爲普通速成兵學之三科普通與速成其就學方法大抵相類至於兵學科則將來充爲武員者其起居動作與他學生不能無寬嚴之別故於前項所定外另設補則數條凡兵學生者前後所載一律遵守爲要 第一條出門時限隨時牌示以便遵守惟平常放課日則早餐後起禮拜三則完課後起均以晚餐時刻爲限 第二條 每禮拜六打掃告完時由學生監酌看情形允准出門惟晚餐時必須回堂爲要 第三條 遇有不得已之事故於前條所定時刻外欲出門者先將事由稟明舍監俟有允准方能出門 第四條 凡欲出門者須赴舍監處請領假牌交給門役爲憑回堂時再由門役取回呈繳舍監 第五條 凡欲請假回國者除左開事項外非有特別事由一概不准 一由督撫咨調回國時一遇有疾病一時難愈時 一父母病篤或逝世時 第六條 遇有前條所載事故者即將事由詳細開具請由總監督轉請本學堂長核准爲要 東斌學堂長東京帝國大學法科大學教授法學博士寺尾亨 東京市麻布區斧町七十九番地

泰東教士團規約

第一條 本團定名曰泰東教士團置本部於日本東京 第二條 本團以謀日清韓三國教育界之便宜而啟其文化厚其交誼爲宗旨 第三條 贊同本團宗旨肯以誠心從

事教育者擬入爲團員須得本團團員二人之介紹經理事會之會議并承團長允准 第四條 本團務爲日本人在清韓清韓人在日本各欲經營教育事業者謀其利便之道 第五條 清韓兩國官衙學校及私人有欲聘日本人爲教習及理事者日本學校有欲聘清韓人當教習者本團皆得爲之介紹 第六條 本團爲日本人欲從事於清韓兩國教育清韓人欲爲日本學校教習者特設傳習所傳習所另 第七條 傳習所招募學生之時本團員有先進之權利 第八條 本團置團長一名理事若干名 第九條 本團初開總會時於團員中公舉團長一人諸團員應聽其指令 第十條 本團每年開總會時於團員中照投票選舉方法公舉理事若干人並經團長之認可而後就職理事員 第十一條 團長得僱雇書記及臨時事務員 第十二條 本團置名譽員 第十三條 名譽員就三國縉紳有道之士贊同本團宗旨者推薦之 第十四條 團員須每月納會費金五拾錢 第十五條 本團每年八月開總會如有要緊事由團長酌定開理事會或臨時會 第十六條 本團施設事業應咨照於團員者或由尋常信札或由報告書 第十七條 本團以團員會費及其捐金充維持之資 第十八條 團員如有非行則由團長戒飭或由理事會會議除其姓名 第十九條 欲更改本團規約須於開總會時得三分

之二以者贊同其意方可

泰東教士團所屬傳習所規程

- 第一條 照泰東教士團規約第六條所定設傳習所學課卽爲日本中國朝鮮語言 第二條 各課卒業之期定六箇月如遇不得已之時亦可斟酌展縮 第三條 卒業者授卒業證書 第四條 學期之始終不豫定由隨時公告 第五條 每一星期教授時數在二十四點鐘以內 第六條 祝日祭日禮拜日皆休歇 第七條 願進學者應投入學願書及履歷書 第八條 得進學允准者應具保結書及納束脩金一圓 第九條 脩金每月金二圓務在初五以內照納 第十條 具尋常師範學校卒業以上學力且才行俱修而乏學資者本團或能貸與學費另定 第十一條 課本及參考書遵本團所定皆當自備 第十二條 無成學之望者諭令退學有非行者命令退學 第十三條 令退學者既納脩金均不還付 第十四條 本傳習所應行事業或以便宜之故委託於他學會

入學願書式

生欲入貴團所屬傳習所修日清韓語茲呈履歷書敢請允可

教育

教育

一百九十八

八月

原籍住址

年月日

本人姓名 生年月日

泰東教士團所屬傳習所所長 閣下

保結書式

某既承貴團所屬傳習所允准入學彼自當謹守貴團規約及訓諭等其他一切事宜由鄙人保證決不累及於貴團傳習所

原籍住址

年月日

姓名

泰東教士團所屬傳習所所長 閣下

本團職員 團長 大日本國勅任貴族院議員大清國欽賞二等雙龍寶星伊澤修二
理事 東京外國語學校教授兼幹事尺秀三郎 振武學校教頭木下邦昌 東京高等
商業學校教師東京帝國大學等四處講師張廷彥 泰東同文局理事川村理助 泰東
同文局協修安積五郎 泰東同文局贊助員兒玉喜八 本團事務所日本東京小石川
區小日向第六天町五十三番地

各省教育彙誌

直隸 直督袁慰帥以各鎮轄重爲行軍所必需關係重要每鎮二十營例有一營轄重現在五六兩鎮不久編成照章應有轄重六營需材頗多特札飭陸軍學堂督辦馮觀察國璋於保定速成武備內特設一轄重專科擇聰穎學生撥入肄業復以該生等學成致用尙需時日札行各鎮統制於轄重營中選派年力精壯聰明識字之隊官排長各數名目兵各數十名須於一切轄重略知端倪者仍領原餉附入學堂一體教授以收速效 直隸陳廉訪近在署內創設政法學堂專爲培植行政司法人材起見其課程一地理學二歷史學三教育學四政治學五理財學六交涉學七憲法學八法律學九中國律例學延請漢洋教員各一名通譯庶務員各一名常年經費約需六千兩 在籍翰林院侍讀孟君慶榮以直省沿臨首善多士濟濟官辦學堂實難普及爰集同人創設公學一所名曰崇實格遵 奏定中學堂章程辦理已稟由學務處呈報直督轉咨學務大臣立案 津紳甯君世福近念天津六屬學者距津遙遠就學匪易特首捐鉅款並糾集靜青滄鹽各屬紳董於滄州設立中學堂一區其規模課程均仿照天津府學堂辦理而經費則較爲充足云

吉林

近來吉省風氣漸開各屬士民莫不殷勤嚮學長將軍順特擬創設一吉林大學以宏樂育聞已建築校舍即可開學

山東 省城將軍廟街近設有養正學堂一所專教貧家子弟課程爲漢文修身歷史算學體操諸科不收學費凡月考取優等者酌給津貼以示體卹 何氏女塾近附設幼齡女學就學者頗爲踴躍 棲霞高等小學堂早經設立而蒙學堂尙付缺如近由該縣韓令擇於離城較近巨鎮戚家莊設立蒙學兩所並酌提該莊各廟產業以作經費 煙臺毓璜頂美國教會近設雙陸學堂一所凡口不能言耳不能聞者准由該父兄取保送入教之識字習算以免永爲廢人惟學

教育

一百九十九

乙巳

無定期以識字多寡為程度及能解釋字義書寫通順即為畢業云

江蘇 蘇省學務處近議於省城四隅設立官辦蒙學四十處委參議章式之主政總辦嗣因分勘本城地方租借校舍頗少合用之處且又限於經費故特先設二十處每處招生四十名暫行試辦再議推廣云 馮君毅要新界中有志士也近自浙回蘇創辦女學校一所名曰蘇蘇蓋取甦醒之義 婁縣楓涇鎮毗連浙省人煙稠密業由紳辦敬業誠化育學堂以資教育近該縣黎令稟學務處請捐本年捐忙羨餘五百元於楓涇鎮設一初等小學堂暫定學額四十名不收學費並以已獲匪首沈廣明房屋撥充學舍聞已准如所稟立案 如皋沙君世度創興沙氏女塾專收幼齡女子從學者甚多云

安徽 近有皖紳集議設一蒙學社於萬安局專課節育子弟免繳束脩並由社中公籌款項備辦教科書籍分給學生亦不收費以惠窮黎而廣造就聞其社名即以保節二字顏之云

江西 袁州萬載縣近將龍河鵝峯書院改設學堂無如經費有限辦理頗難該縣張令會同紳士在邑境食鹽項下每引抽錢五百文統歸店戶按月認繳約計每年可得四千串撥作學堂經費云

湖北 培心善堂在漢鎮為最有實際最有名譽近經該紳董將義塾改為初等小學經稟由江漢關道批獎轉咨省垣學務處立案聞其開學之日關道乘觀察亦親臨該學云 夏口廳近奉憲札飭於漢鎮設蒙學堂數十處以廣教育並飭會商紳董酌辦因即邀請紳董議辦

湖南 學務處奉湘撫諭派老成練達士人四名分往城內各處挨戶登門勸學並須問明有願入學者即將其姓名籍貫註冊以便傳考如無小孩以及未及學年者亦須逐一登記每戶發勸學書一本俾共聞知

四川 川督錫清帥近將督轅衙道房屋一律修整改作弁勇學堂調各營哨弁兵入內肄業 合州學氣大開學堂林立如中學堂民立實業學堂初級師範學堂速成師範傳習所現已開堂行課外有高等學堂六兩等小學堂四初等小學堂九十二附屬小學堂二半日學堂二均已開辦日求進步近又擬立團練訓習所工藝學堂體育專科蠶桑公社等將來實效所在可爲各邑辦學者勸也

廣東 粵垣各學堂近議創設全省學界公會凡省中一切欲興學而未成立者有助力之義務其成立而未完全者有改良之權限並有規制各學堂教員監督各學堂學生之責任已由同人公舉張君松雲往各學堂運動不日即當成立新會西南方倡議興學經在西南書院開設學務議事所指定岡州書院爲校地業經學務處批准惟岡州書院頽廢不堪改建尙需時日各紳以興學宜速特將議事所騰出暫借開學名曰西南高等小學堂招生百餘人學科亦尙完備佛山各紳擬設女蒙學堂苦於無款可籌特由各紳墊助其中文教習延聘老儒西文則於星期日請女教士略爲講解擬收學生四五十人云

廣西 桂紳唐君廷芬等聯合同志就地籌捐在省城公立兩等小學堂以爲各屬民立之倡經稟准粵督開辦

各省游學彙誌

直隸 直督袁慰帥據留學日本梁君志宸等稟請通飭各州縣籌備公款選派紳士游學日本等因即札學務處核議詳覆批准飭即通行全省一百五十二屬州縣各就本地籌款派送游學分爲三期啓程至少亦須派遣一人不得貽誤云 汴省舉人王君仁傑具稟督署請准自備資斧赴東游學當蒙袁慰帥批獎即飭學務處給咨前往

山東 魯撫楊道帥以本省風氣尙未甚見開通重大要政需材孔亟近日官費私費之赴東游學者雖已不少究不敷

用特擬再派官紳各二十人學生四十人前往日本游學一俟章程定後即行實施云

湖北 留學日本農業學生黃君立猷具稟鄂督張香帥力言日本北海道農學之盛宜派學生前往留學每年經費亦祇須三百元張香帥甚感其誠已飭學務處從速由農業學堂挑選二十學生前往

湖南 湘中近派女學生二十名赴東學習速成師範聞尙擬添派多名留學完全師範云 嘉禾縣教諭林君元仕具稟撫轅請假備資赴東游學等情端午帥大加獎勵即飭善後局籌給官費日幣四百元照章免扣資俸一面飭司迅速委員接署俾得及時東渡

四川 成都南門會文誠公祠組立東文講習所之沙門學愚因文法卒業即擬遊學東瀛以爲蜀地補流先導近聞決意逃禪行將蓄髮易裝料理東渡

廣東 兩廣學務委員陳君錦濤帶領學生十五名遊學美國內有兩生溫君誠陳君廷麒擬入紐約委士邊武備大學校學習陸軍託美國留人名豪者代爲薦引并上一稟下議院求情旋爲議員阻撓而豪君又再上一稟務求准情該議院已准入肄業華人入該校者以此爲始開通日向須再議限制 時敏學董黃君詔平傷心國難知非派遣游學不足圖存因令乃弟公權赴東學習實業又遣兆珪兆元兩君赴英京大學分習法律礦學兩科經學務處考驗合格准給咨文請駐英華使保送 香山楊君景旋自備資斧赴美游學經稟由學務處轉詳粵督批准給照前往 嘉應邱君燮亭向在南洋經商家資殷實前曾在加拉吧埠創設學堂以教僑民子弟近復攜其子女四人前往日本留學又謝君逸橋昆仲四人及李君雲孫亦自備資斧同往游學云

各省報界彙誌

京師 順治門內近設閱報社一所係湘人醴資所立張楚秋尙書捐銀五十兩其開者王某捐銀百兩王某本仁和相國舊僕尙擬前往運動捐款資助夫王某一閩人耳乃能慷慨散財襄此盛舉足使上流愧勵猶欲運動頑固冀消學界之阻力其深謀遠慮尤不可及而誌之以爲世之抱守財主義而不顧公益者勸 東四牌樓有醫士卜廣海君積資創設演報社專演說各報每日聽者甚多又得某大員助銀百兩使之竭力推廣如尙不敷並允爲源源接濟云

福建 連江縣隔省迢迢一水信息不通見聞亦狹茲聞各紳議設閱報所以開風氣擬將考武卷資一項提作經費云

湖北 近有日本人小川愛日郎在漢口設立漢泉日日新聞社又有某君籌集股本創一楚報館擬定章程日出一紙均已出版

湖南 湘省開辦湖南官報歷有年所惟於社會毫無影響近經端午帥倡議改良手訂章程易爲旬報札飭候補縣丞黃復經理報局一切事務又另刊長沙日報一紙以通消息惟改革伊始需費較繁已飭由善後局暫行籌撥濟用

僑民尙武

僑美維新會華人近在美國創設干城學校延聘彼國兵弁訓習西操自此事播傳而各高等兵弁馳函自薦情欣就席者太不乏人其宗旨頗注重精神教育一切章程皆參酌日美兩國而定



商務印書館出版
地理類教科書

學務大臣審定
瀛寰全志
中學堂用

洋裝每部一冊附瀛寰全圖一冊
價洋一元八角

全英學館編輯○輿地之學尙矣而足備學堂教科之需者尙未之見本館特聘名宿搜集東西輿地學大家所著地理佳本精心翻譯端一年之力始成此書以備中等教科之用文筆條暢校對精詳末附中西合璧名表洵屬完全無憾並向日本定製銅版圖畫數百幅插印卷內精緻美麗光彩照人總理學務大臣審定評語曰蒐輯精審詳略得當可爲是書真評

萬國地理新編
高等小學堂用

每部二冊
價洋四角

○凡分六編首全球總論次亞洲次歐洲次非洲次澳洲次美洲凡區域氣候政教風俗民情物產紀載明晰綱舉目張文詞雅簡淺顯易解選用地名皆沿舊稱絕無近日譯本新奇駭怪之弊以供小學教擇最爲合宜

日本政治地理

每部一冊
價洋七角五分

日本矢津昌永著秀水陶鈔譯○凡分七編一國土二人民三邦制四經濟五交通六生業物產七外交別具組織新義獨標雖專限於日本然可以爲斯學之指南也

商務印書館新編
歷史教科書

中國歷史教科書

兩冊全

是爲初等小學第四第五兩年之用共兩冊每兩卷每卷四十課每星期授兩課以一年畢一冊起自上古訖於今日專取歷代大事及名人事蹟之足資觀感者以充材料簡要不繁文筆亦雅潔可誦每冊大洋三角○附歷代沿革圖一冊即日出書

西洋歷史地圖

(壹冊全)

讀史不可無圖歐美諸國疆域時有變遷故讀西洋史需圖尤急本館搜集各種外國讀史地圖擇其要者繪爲是冊共計三十八圖足敷中學之用鏤版明晰著色鮮美○洋裝精緻定價大洋八角

商務印書館出版
問答書

中國歷史問答

世界歷史問答

普通博物問答

地文學問答

生理學問答

富國學問答

學校管理法問答

中國歷史問答
問依次敘述瞭如指掌並設為問答俾易明瞭實
史學中最新最善之書每本洋二角五分

世界歷史問答
研究實學歷史為先但欲貫注古今於紀事編年
等書中尤以問答體者為易明瞭此編分上古中
古近世一切大事無不備載每本洋二角

普通博物問答
是書發明飛潛動植聲光化電一切原理窮奧極
微推究盡致設為問答詞旨簡明最合格致教科
之用每本洋三角

地文學問答
地文為天然科學研究地理者不可不知若空中
之水分陸界之組成生物之分布皆格致學之最
要者是編詞簡明賅允推初學善本每本洋三角

生理學問答
泰西各邦莫不以研究生理為學術之要為衛生
之源是編討論營養出入微尤便推闡允宜家
置一編以為強固形體之助每本洋二角五分

富國學問答
富國之學為當今急務是書取一切理蘊衍為問
答無理不達無蘊不呈盡人能讀教授初學尤宜
每本洋五分

學校管理法問答
歷舉一切管理學校之法簡明詳備今各省學堂
多起爭端實由管理未盡其道取閱本編當知改
良之策學者受益不少每本洋二角

商務印書館
各種教科書

理財學課本

每部一冊
價洋五角

美國華克著上海顏惠慶譯○我國財政困乏非人工物力使然實憲財政者不知計學公理故也是書取計學精要之義逐條指出最便初學揣摩顏君留學美國多年精於彼國語言文字故能取深奧之理而達以淺顯之詞誠理財學之階梯也

中國通覽

每部一冊
價洋五角

本館譯輯○各國學校皆有本國法制一門誠以學為民者不可不自知其國也是編即據此意編輯成書凡我國地理官制政體時事風俗民情無不詳載門分類別井井有條讀之於本國之事可明大要

新說教授學

每部一冊
價洋一角五分

日本橫山榮次著本館譯○今各省皆設學堂而師範未立猶之帆船未備而欲駕舟以航海也其教育之不能適宜無待言矣師範學堂不易偏立而教授之法盡人宜知是編首緒論二教授之目的三教授之材料四教授之作用為教習者果能會通而仿行之亦可收師逸功倍之效矣

讀書法

每部一冊
價洋一角

日本澤柳政太郎著本館譯○凡十章一讀書法之必要二讀書之歷史及其性質三讀書適宜之時四專心讀書五選書專修六專修書選擇之標準七寫讀法及暗記法八撮要分法及解法九讀書之分量十讀

財政

中國造幣議一 錄乙巳五月二十二日時報

中國今日之幣制。千年來絕跡於歐美銅本位之幣制也。其間亦何嘗不用銀。然所謂馬蹄銀者。不以數計而以量計。其功用止與銀塊同。且挾持不便。衡驗煩難。行之於文明進步商務殷繁之世。其粗劣必不適於用。於是外國之銀圓。抵隙而大流於國中。議者思抵制外銀。各省遂紛然有鑄造貨幣之舉。雖然。鑄造是也。所以鑄造者非也。

東西文明諸國之憲法。凡造幣之權。無不定為君主所特有。所謂國家造幣權 *Monsregal* 也。故凡貨幣之形式。品質。重量。印證。無不由國家以法律勒定之。而鼓鑄之全權。必掌握於政府之手。政府而外。莫許鑄用。此非徒中央集權之政略宜然。固亦謂非如是。則幣制不能統一。而生計界之紊擾。將至不可收拾也。十數年來。吾國始有自鑄銀幣之議。湖北廣東倡其先。他省亦紛紛繼起。然形式之大小。成色之高低。錯出雜異。殺亂紛繁。止能行用於省中。不能流通於鄰省。甯獨鄰省而已。省中城市之外。一至鄉鎮。遂閱礙而不可通行。數年以降。各省復發行紙幣。增鑄銅圓。然亦省自為謀。絕然不相聞問也。豈但不相聞問。且自保銷路。惡

他省貨幣之侵入。竭力以塞其從入之途。夫各省鼓鑄國家。非有定法。專官整齊而監督之也。且鑄局紛雜。則督察亦有不及也。鼓鑄之大權。悉放任於委員之手。而所謂委員者。於貨幣之性質效用之何如。懵然不知。爲何物。則任意高低。其色輕重。其量是卽令能通行各省。而以成色重量不同之故。使民間費力於衡驗。而不免懷疑。其爲梗商民已非淺鮮。況乎此界彼疆。深閉固拒。使吾民境內之通商。直不啻外國之貿易。而不便過之。夫外人之貨幣。可以充布於市中。而自造之貨幣。乃不能通用於國內。天下之奇事。政體之糺謬。甯有過此者哉。又況各恤其私。初不嘗試查全國應需貨幣之總額。以限制其製造之數。而貿貿然從事於新鑄。吾恐幣制之紊亂。無所紀極。而生計之大恐慌。立隨其後也。然則如之何而可乎。曰收國家造幣權。置之政府掌中。倣行文明諸國之成制。以謀貨幣制度之統一而已矣。雖然。各國政府固握造幣權矣。然實行此權。則國而異制。日本明治以前。固猶封建時代。各藩私鑄。幣不相通。其情形與我同也。維新以來。整頓財政。卽先改革幣制。政府悉收鑄權。以官局專司鑄事。此日本倣行之制度。而亦泰西各國之通制也。德國憲法所規定。帝國政府勒定制幣之定法。成式而鑄事。則不設官局。分任聯邦。蓋日耳曼民族滅亡羅馬以來。各邦均從事私鑄。三十年戰爭以後。各邦結造幣同盟。遵用帝國之法。制而自行鑄造。蓋帝國專司查

定幣額。頒布幣制。而聯邦則分司造幣之權。此德國特別之制。從習慣而殊異也。至若法國政府。雖握造幣之權。而其實行鑄造也。則亦不設官局。而任之私人。國家徵定額之稅。而爲之監督。然事多流弊。故邇年以來。其制亦遂廢而不行。然則我國果何道之從乎。曰。政府固有鑄幣總局之議矣。倣日本之成法。悉收鑄權。司以官局。策之上也。我國近情。頗與德類。因勢利導。採用德制。策之中也。法國敝政。效可觀矣。尤而效之。策之下也。若仍今日之紛繁。儼且夕之苟安。飲鴆止渴。猶自以爲得計。嗚呼。誠非吾所敢知矣。

中國造幣議二錄 乙巳五月二十三日時報

改革幣制之議。囂然徧吾國中矣。各省既分有造幣之權。於是鑄局蕃然並起。然其贏利之優。則以鑄造銅幣爲最。故各省疆吏。於鑄造銅幣。尤所亟亟。總計各省新舊鑄機。合已開未開者而計之。都凡八百四十六具。每具月須銅十噸。有奇。銅一噸可鑄銅幣十五萬餘枚。歲凡用銅十萬八千七百噸。歲凡出幣萬六千四百十三兆。銅一噸約值金七百餘元。以此算之。銅元餘利。約可十分之四。各省鑄機。以湖北爲最多。浙江次之。廣東又次之。他省鑄機。慮皆不下數十具。少者增購。無者創辦。日增月盛。未有已時。夫疆吏之汲汲從事鼓鑄者。甯必皆患圖法之壞。故亟改新鑄以前民利用哉。徒以財政艱窘。聳於銅幣之可獲厚利。且以爲

惟上所擅取不禁而用不竭也。遂紛紛鑄造倚銅幣爲不匱之財源。雖然銅幣果足爲不匱之財源乎。吾且爲略言銅幣之性質。

銅幣者。固各國所用爲補助貨幣者也。各國幣制。類皆金銀銅三品並行。然必專立其一。以爲餘品之程。名曰本位法錢。本位法錢立。則取餘品權本位而用之。子母相權。以了畸零之數。名曰補助貨幣。凡納賦償債貨資交易。必以本位爲計。如是者謂之法償。本位法錢之爲法償。無定額之限制也。補助貨幣則不然。法償立限不得逾法定之額。英之先令法償。以四十爲限。德之銀幣法償。不過二十馬克。銅幣則不得過一馬克。日本銀幣法償。不過十圓。銅幣不得過一圓。夫同爲國幣。必於此而獨加限制。何哉。本位法錢實值與名價相當。名實不相逾也。若夫補助貨幣。所名乃遠過其實。英國銅幣。名逾其實者十之七五。法之銅幣。僅及實價四分之一。日之銅幣。亦止實值二分之一。乃至三分之一。名實之不相應者。相去既如是之遠矣。故必嚴定法償之限。然後民間不能取巧用輕。而有以收子母相權之便。生計學之公例。求溢於供者。物價必騰。供溢於求者。物價必跌。此固供求相劑之大例也。貨物然。貨幣亦莫不然。夫補助貨幣。既立法償之限。以爲用者之限制矣。使不相需用之額。以爲供則供愈加者。價愈減。生計界必焚焚大亂。一千七百九十一年。法國革命政府。救一時財政之

急發銀幣一千九百餘萬佛郎而外。復驟增發銅幣一千九百六十餘萬佛郎。遂至財政愈
 勢。商界大擾。此固可爲前車之鑒者。也是故德國幣法所勒定相人口爲鑄幣之數。一人當
 得銀幣十馬克。銅幣一馬克半。而拉丁民族諸國亦守同盟之條約。應一人口發五佛郎。以
 爲程獨英國則以人口之疎密與貨幣增減未必果能相應。固不能以法律勒定也。則令英
 倫銀行消息於市情之盛衰需用之緩急以爲補助貨幣之增減。其所爲限者雖殊。然必有
 其定量而不能過。則固諸國一揆而未嘗漫然絕無限制也。

我國以銅爲本位。則銅幣固無所謂補助貨幣之名也。然亦既習於用銀。則銅幣之用。固仍
 補助貨幣之性質。且既曰貨幣。固皆不能漫無限制也。疆吏各分鑄造之權。以濫發無限之
 幣。然今日市情適得其平。而尙未蒙濫溢之害者。何哉。我國向用之制錢。楷敝已達於極點。
 其銅質稍佳之良幣。實值遠過其所名。於是私銷鎔毀。輒輸以爲他用。所餘而流通市上者。
 類皆鐵砂粗惡。鵝眼輕小之錢。加以私鑄。蠶起圓法。日益窳惡。雖有新鑄。不轉瞬而私鎔盜
 毀盡易爲窳惡之錢。錢質日惡。錢根日短。民間已不勝窘促矣。適有銅圓之新鑄。其精良遠
 過制錢。且實不及名。私銷者無以爲利。故民皆樂用。市上流轉足周於用。而錢價亦以太平
 國之受幣也。猶渠之受水。皆有其定量而不能過。渠受一石之水。以爲平。不及平則憂涸竭。

財

既及平矣。猶復益注升斗。則必汎濫外溢。而必不能容。國幣亦猶是也。疆吏之皇皇鼓鑄。非能酌其量以謀劑其平也。徒視爲利所從出之源。竊其贏以濟吾用。夫各國之造幣。亦何嘗不取資其贏哉。英美諸國之造幣。不取絲毫之鑄費。然銀幣先令。銅幣便士。其名價皆不及實。英銀幣實值五先令者。法定爲五先令六便士。銅幣實值一法丁者。法定爲一便士。取補助貨幣之贏。以爲鑄造一切之費。而賦稅亦陰行其中。然彼所祈嚮。固以維持本位法錢之制度。欲得通貨之便。而非以規利也。故定爲有限之法償。而發幣受之以節。我國疆吏則固以爲規利之資矣。今日雖暫得其平。竊恐灌注不已。泛濫溢量。而大害立隨其後也。其害奈何。曰。其害先著於小民。而商界終受其弊。其弊既中於民間。而國家亦不見其利。據西人商會所調查。謂不及六月。銅幣可達一萬六千四百餘兆。以我國人口計之。每人平均可得四十枚。其量雖未必遽溢於平。然各省紛紛購機鑄造。方始更逾數月。數且自倍。而各省固未必遽盡停鑄也。供不及求者。價騰供溢於求者。價貶。固計學大例之。莫可逃者矣。銅幣之量。且及平。而各省之鑄。未有已。溢求之供。價必驟跌。如是則易權之量大減。而物品之價騰貴。勞動小民。固不能以錢賤之故。而庸有加也。而易權日微。止得曩者之半。則向日之庸給衣食而有餘者。今必謀餬口而不足。彼商人受銅幣之損害。愈增。物價以求償其價。

彌增其求。彌減而黠者。復乘間以肆。爲奸利必且漸失信用。而商業日將沈滯。而貿易日以衰頹。銅幣之價日跌。而鑄者猶必欲求向者之厚利也。則必減其重量。劣其品質。以欺罔其民。幣日格。惡則私銷盜鑄。且隨之而蠶起。爲奸格里遜之公例。良幣必爲惡幣所驅。逐官幣既窳。私鑄日多。則銅幣之惡劣必無異於昔者之制錢。而且或加甚。至是則鑄者無復可規之利。而財政紊亂。且自益其困難。事有必至。勢有固然。不及數年。害將大著。固非吾之區區過慮者也。然而今日銅幣固尙未溢於平也。害尙未形。及今圖之。猶可及止。審貿易之繁簡。察市情之緩急。詳核吾國受幣之量。亟加限制。適劑其平。則所慮爲生計紛擾之害者。且可易爲商市流通之利。否則弊害已成。挽救且將無術。而外人日以損害商務。違背商約。要我改制。吾國法之內政。且將受外人之干涉也。嗚呼。我疆吏其無狃目前之小利。而貽國家他日之大害也。

商部奏派員會查路礦款項情形摺

竊臣部於上年八月間遵 旨會同順天府具奏查復給事中潘慶瀾奏鐵路公司收取城根地租一摺。欽奉 諭旨盛宣懷承辦路礦所用官地應納稅租並一切款項報銷均應隨時報部查核方昭核實。著商部遴選妥員前往會同盛宣懷將該大臣所辦路礦歷年出入

財政

一百三十八

八月

款項確實查明詳細具奏等因欽此遵即遵派臣部左參議王清穆右參議楊士琦在滬會同澈查奏奉 俞允當經傳知該參議等仰體 朝廷慎重度支實事求是之至意迅即會同盛宣懷將該大臣所辦之蘆漢萍醴滬甯淞滬正太汴洛粵漢大冶萍鄉等各處路礦一切款目督同隨帶章京王大貞單鎮等調齊帳冊澈底清查毋任稍有含混去後迭據將會查情形及各帳冊隨時函送前來以帳目輾轉屢經臣部函電催令轉輾詳查茲據復稱清穆等自奉奏派行知後遵即往晤盛宣懷面詢大概情形嗣復調查蘆漢正太滬甯萍洙各路收支清冊以及洋文帳據借款合同漢陽鐵廠萍鄉煤礦該存帳單一面函調總公司歷年承辦路礦各項卷宗分別詳細稽核其有不甚明晰之處隨時開具清單往復究詰其間各情形均經抄呈存案惟是盛宣懷承辦各項路礦總公司雖在上海而辦事局所分駐各處頭緒至爲紛繁一切帳冊有爲總公司所不能了然者仍須詢諸各該管理之員是以遇事查詢往返動需旬月自上年九月奉 旨會查以後逐節鈎稽層加釐剔竭七閱月之力始克就緒謹將遵 旨會查路礦歷年出入款項情形分別官地官款鐵路礦務四大端詳細陳之查官地一節鐵路項下計蘆漢一路准移送地畝清冊北路佔用官道官河八百六十八畝有奇南路佔用官道官河六百八十七畝有奇其滬甯正太萍洙三路准盛宣懷函

稱甫經開辦尙未核結所有承用官地畝數清冊隨後另案核辦等語應俟工竣以後由盛宣懷另行造報礦務項下准盛宣懷函稱大冶馬鞍山二礦改歸商辦後展購山場悉照市值給價萍鄉一礦亦復如此等語是盛宣懷承辦礦務並未佔用官地似可無庸置議至應納租稅一層查光緒二十三年盛宣懷會同直督鄂督片奏官地給用仍由公司照完地稅等因現准函稱據北路總辦孫鍾祥聲稱公司向章並不納稅南路總辦錢紹楨聲稱所用官地向未取息納稅各等語應俟路工告竣以後由盛宣懷欽遵 諭旨查照奏案辦理此查明盛宣懷所辦路礦承用官地之實在情形也查官款一節准盛宣懷迭次函送清單冊籍卷宗等件彙核收支總數計收款項下部撥官款庫平銀九百三十五萬零六百餘兩部撥湘省官款庫平銀一萬餘兩車脚進款庫平銀四十五萬九千八百餘兩淞滬撥還款庫平銀九十一萬二千四百餘兩以上四項共收庫平銀一千零七十三萬二千九百餘兩支款項下蘆保路工奏銷款庫平銀五百六十二萬一千六百餘兩淞滬路工奏銷款庫平銀一百零二萬二千三百餘兩萍株路工動支款庫平銀二百五十二萬三千四百餘兩淞滬奏銷後展造路工動用款庫平銀十萬零二千一百餘兩又養路費庫平銀十三萬七千三百餘兩漢陽鐵廠預支軌價款庫平銀一百二十萬四千兩有奇以上六項共支庫平銀一

財 政

一百四十

八月

千零六十一萬一千兩有奇收支兩抵實結存庫平銀十二萬一千九百餘兩查動支各款除蘆保淞滬兩路業經奏銷毋庸置議外其萍泆一路係爲運輸萍煤由盛宣懷另案奏辦路工刻尚未竣准盛宣懷函稱仍將官款結存項下接續動支應俟工竣後一併造銷其淞滬奏銷後展造路工動用各款以及養路經費共計二十三萬餘兩應由盛宣懷續行奏銷以重款目其漢廠預支軌價一款係由盛宣懷於二十四年三月會同湖廣督臣奏明在案嗣於二十八年九月奏銷淞滬路工摺內又聲明此項軌價應俟隨後分起接續造銷等語現准函復當飭該廠陸續繳貨以符原議應由盛宣懷整理廠務俾令出貨暢旺造軌扣抵庶此款不至無著至官款撥存銀行自應算回息銀准盛宣懷函稱歷年共收規銀二十六萬二千五百餘兩除支付萍礦股本外還漢滬經費承辦兩屆 皇差以及各員薪費川資郵銀并部款匯費等項外結存規銀祇三千八百餘兩作爲外銷之款另行咨報等語是此項回息雖經聲敘收支各數並不列作正款奏銷此查明盛宣懷所辦路礦承領官款之實在情形也查鐵路一節准盛宣懷函送清單除粵漢公議廢約汴洛尙未開工應歸另案核辦外其總公司承辦者爲蘆漢正太滬甯萍泆四處工艱款鉅自以蘆漢爲最上年接奉行知後即將此路華洋帳冊通盤核算開列工程支款行車收支款簡明各表呈送在案其路

工各款自西一千八百九十八年九月分比公司經辦起截至西一千九百零三年十二月
底止收款項下以訂借比款劃還比法賠款爲正項列收以各帳回息款轉購材料款繳回
劃還等款車務處來款挪移比法小借款爲雜項列收共收洋例銀三千九百零三萬九千
五百餘兩支款項下以支付利息等款及南北路工程黃河橋工動用各款爲兩大宗共支
洋例銀三千五百三十四萬八千兩有奇收支兩抵實結存洋例銀三百六十九萬一千四
百餘兩又此後續收及未收之款尙有比法認墊劃還賠款項下計法金三千八百五十萬
佛郎克經盛宣懷函復清摺內開此項賠款或敷造路之用不必再借比款及另籌公款等
語應俟路工告竣由盛宣懷自行奏銷其行車收支各款北路自西一千九百零一年四月
下半月起南路自西一千九百零二年十一月起均截至西一千九百零三年分止共收車
脚進款銀洋三百六十八萬二千三百餘元共支養路經費銀洋一百八十萬二千四百餘
元收支兩抵共結存盈餘銀洋一百八十七萬九千八百餘元查此項行車餘款應由盛宣
懷核實存儲以備全路告成後撥付本息之用其正太路工各款自西一千九百零二年十
月分起截至西一千九百零三年十二月分止共收公砵銀三十四萬九千兩有奇共支公
砵銀十四萬二千兩有奇收支兩抵實結存公砵銀二十萬零七千兩有奇又此後續收及

財

一百四十二

八月

未收之款尚有訂借俄款項下法金三千九百萬佛郎克其滬甯路工各款自西一千九百零三年九月分起截至西一千九百零四年九月分止共收規銀十萬零九千四百餘兩共支規銀七萬九千九百餘兩收支兩抵實結存規銀二萬九千四百餘兩又此後續收及未收之款尚有訂借英款項下計英金三百四十九萬五千鎊以上兩路開辦伊始款目無多嗣後應由盛宣懷按年遵章填造表冊咨部再滬甯借款較原估工款增多甚鉅前奉本部咨詢應由盛宣懷查明聲復以昭核實其萍沱路工各款均由官款項下動支係分萍沱醴洙兩段萍醴一段自光緒二十五年九月分起截至二十九年六月分路工告成接辦醴洙止共收庫平銀一百五十二萬零七百餘兩共支庫平銀一百四十八萬九千二百餘兩收支兩抵實結存庫平銀三萬一千五百餘兩此項結存銀數即歸入醴洙路工動用醴洙一段自光緒三十年正月分起截至三十一年三月十五日止共收庫平銀一百十五萬六千兩有奇共支庫平銀一百零三萬四千一百餘兩收支兩抵實結存庫平銀十二萬一千九百餘兩曾准盛宣懷函稱醴洙未竣路工仍在官款結存項下接續動支等語統計萍沱路工已支官款共庫平銀二百五十二萬三千四百餘兩續支之款尙無確數應俟工竣造銷時再行由部核復此查明盛宣懷承辦鐵路收支款之實在情形也查礦務一節准盛宣懷

函送清單其總公司承辦者爲大冶馬鞍山萍鄉三處而大冶鐵礦馬鞍山煤礦初由湖北鐵政局經理嗣於光緒二十二年與漢陽鐵廠一併奏歸商辦所有兩礦經費均由漢廠開支所採煤鐵除廠中自行取用外其應售礦價亦歸廠帳列收查漢廠賠累情形業經張之洞盛宣懷迭次奏咨有案茲准盛宣懷開送清摺計自光緒二十二年四月十一日改歸商辦起截至三十年十一月底止該款項下四十一款共該洋例銀五百零七萬八千六百餘兩存款項下十八款共存洋例銀三百二十二萬四千兩有奇該存兩抵實結虧洋例銀一百八十五萬四千六百餘兩其萍鄉煤礦係盛宣懷於光緒二十四年奏准開辦購機設廠採煤煉焦以應漢廠之用茲准盛宣懷開送清摺計自光緒二十四年三月開辦起截至三十年十一月底止該款項下二十三款共該庫平銀五百七十萬零九千二百餘兩存款項下九款共存庫平銀一百二十三萬五千七百餘兩該存兩抵實結虧庫平銀四百四十七萬三千五百餘兩總計廠礦兩項結虧至六百二十二萬八千餘兩之鉅此中底蘊已可概見至於歷年收支款目頭緒紛繁彼此輾轉非旬月所能鉤稽現由前總辦張贊宸移交李維格接收盛宣懷業於三月二十一日親赴漢廠督理交代所有廠礦一切款項尙未核定應由盛宣懷俟新舊管理員交代妥洽後將前後款目截清另案造報以昭慎重又查漢廠

財政

一百四十三

乙巳

卷內盛宣懷於光緒二十九年十一月訂借日本興業銀行金錢三百萬元分三十年以大冶礦石抵還指大冶得道灣礦山爲擔保萍礦卷內盛宣懷於光緒二十五年二月訂借德國禮和洋行德銀四百萬馬克分十二年按批勻還本息指上海招商局房棧爲擔保現准盛宣懷聲稱興業借款已提一百萬元應萍礦要需其二百萬元留備擴充漢廠購機設爐之用禮和借款除截至三十年十二月止已還過本息十一期計德銀二百九十四萬一千馬克外尙有應還本息十二期計德銀二百九十四萬六千馬克等語嗣後統應由盛宣懷隨時報部備核此查明盛宣懷承辦礦務該存款項之大概情形也清穆等伏查盛宣懷所辦各項路礦其承用官地須俟路工告竣始能核報自是實情至其承領官款一千餘萬兩除蘆保淞滬業經奏銷外其餘動撥各款固不免輾轉挪移而大宗撥款亦均奏咨有案路款自以蘆漢爲最鉅承辦各員往往視爲利藪因之起家其不無浮濫可知第以各段路工悉由洋工程司主持動支各款均以洋單爲憑核對華洋帳冊尙屬相符就帳論帳畢竟何款虛糜亦復無從究詰正太滬甯甫經開辦支款無多萍洙支用官款工已垂成尙易查核應請毋庸置議廠礦兩項結虧至五百六十餘萬鐵政爲中國富強根本冶鐵萍煤其礦質之良均經歐洲名家考驗確實外人垂涎已久且又訂借日本金錢三百萬元而德國禮和

借款尙欠德銀二百九十四萬六千馬克如不籌款接濟大加改良不特廠礦目前情形萬難敷衍而所借洋款無著勢必來外人之干預現盛宣懷已擬添購機爐改用鹹法化煉爲日後擴充銷路維持鐵政以爲振興廠礦之要圖除將官地官款鐵路礦務四項分別開列簡明清單呈核外謹將會查路礦款項各情形陳請核定復奏各等語臣等伏查督辦大臣盛宣懷才識開展籌畫精詳歷辦各處鐵路礦廠事宜原期裕國便民推行盡利乃以款絀未能集事不得不借資外人而左右信用之人或至借洋務以肥己大權旁落積習已深綜核各處合同雖載明中國有稽核極大之權久已視爲空談未能實踐加以八九年之叢積十餘處之糾纏牽扯騰挪在所不免此次特諭往查該參議等尙能仰承聖意督同隨派各員調取華洋冊籍半載有餘寢饋其中逐節釐剔扼要根問使各該處積年未清之案得以稍窺崖畧實已費盡心力臣部自奉命接管路礦總局事宜以後夙夜兢兢亟思調查各處路礦情形以爲興利除弊之計迭經造具路礦表冊一再奏明行令填報而盛宣懷經理各處路礦除祇將滬甯路表填送外其餘概未填送泰西興辦路礦以致富強中國有路有礦乃至利源外溢幾難詰究是則維持整頓固亟亟焉以得人爲要矣除該大臣尙未聲復各節應請旨飭令另案陳明外所有違旨派員會查路礦大概情形謹開具清單

財政

一百四十五

乙巳

恭摺具陳伏乞聖鑒謹 奏

戶部奏遵議綏遠城將軍奏請將蒙旗自種罌粟援照山西土捐辦法摺

綏遠城將軍貽穀等奏蒙旗自種罌粟向不納稅奸民冒混擬援照山西土捐辦法一律徵收一摺光緒三十一年三月初九日奉 硃批戶部議奏欽此欽遵由內閣鈔出到部查原奏內稱洋藥流毒中國晉民沾染最深故栽種土藥無地無之歷任疆臣定以重徵爲嚴禁之法其有民租蒙地種罌粟者亦按民地納稅獨土默特蒙人自種洋煙地方官向不過問土默特本產煙之地蒙種居十之二三民種居十之七八一經官查蒙人輒挺出冒認抗稅免徵互爲狼狽不能不亟思整頓仿照山西查畝之法行土藥就地之捐使蒙地種煙與漢民一體納稅卽綏遠左衛旗人有前項情弊亦應一律辦理惟此項土捐出自蒙地若試辦有成效自應歸土默特練兵興學之需等語臣等伏查鴉片流毒最廣民間始而吸食繼而種植雖嚴刑峻法不足以遏其流於是內外臣工始有以徵爲禁之議光緒十七年六月間總理衙門會同臣部核議各直省徵收土藥稅釐數目均就各省原擬辦法酌加釐定奏准通行遵辦在案土默特係屬蒙部附近晉邊使其不失蒙旗舊俗惟以耕牧謀生 朝廷原不利其租稅今既廣種罌粟自應仿照山西土捐之法一律辦理豈容自居化外抗拒稅捐

臣等悉心商酌該將軍等所奏各節係爲裕課綏邊挽回痼習起見應請准如所奏辦理惟開辦之初應以查畝爲扼要之法畝數既確則已種者無所容其欺朦未種者可以嚴定限制方與以徵爲禁之意隱相符合至此項土捐將來收有確數據實奏報聽候撥用所請留歸土默特練兵興學之處俟收數報部之後再行核辦相應請旨飭下綏遠城將軍等即將試辦一切章程並開徵日期先行專摺奏報嗣後仍按照山西省定章每屆一年將徵收土藥稅捐數目奏報一次並造具逐日徵收細數清冊送部查核以防弊混謹奏奉旨依議欽此

欽差大臣兵部左侍郎鐵奏查明江甯司庫局所進出款項情形摺

竊奴才恭奉 恩命赴江南等省考查一切業將查過蘇省款目情形 奏明在案查江甯司庫局所共有三十餘處奴才前於抵甯後據該省司道并經管局所各員將每年進出各款開列冊單備具印文陸續申送前來查各局有係軍興後因籌辦地方各事而設者有係近年因籌辦新政而設者所司職事不同而局務煩簡亦異奴才復督飭隨帶各司員逐加詳核如營務洋務商務保甲巡警馬路工程勸業工藝官報官電機器洋火藥等局並軍械所金陵船廠及揚屬運河隄工局上海接遞出使文報局吳淞工程局湖口船廠皆止撥給經費

財政

一百四十八

八月

派員承辦其事並非經管大宗款項當經查明原委奴才於接見該管各員時飭令認真整頓其關繫財政者均照開報各冊調取案卷逐細鉤稽查江甯藩庫正雜各款每年兩項併計以收抵放尙屬相敷惟近年特派及一切新政用款時有加增而外銷各款名目亦頗冗濫自應由該司核實動用以重庫儲江安糧道於每歲經征漕倉等項視原額短收甚鉅其出款以採買米石起運爲大宗餘係解抵賠款及各項例支之用核其數目大致尙無參差鹽巡道經理各款除江甯食岸鹽釐概歸入鹽務案內另行查覆外其長江水師營餉及金陵關稅二項均係報部正款出入尙屬相符至所辦龍潭煤礦甫於上年三月撥款試辦初時頗有虧折五月後出煤較旺銷數亦漸增惟此後能否廣採多銷以期開拓利源尙無把握江海鎮江兩關經理洋常各稅向均按結造報尙無舛錯惟於征存之款存放生息自不能免又江海關外銷各款如所撥藥釐碼頭等捐以及平餘火耗之類統計每歲所入幾至四十萬金雖均係因公動用而支銷不無過費鎮江關於經征揚由關稅一項除中關等四口正稅外尙有分巡二十三處所收向未報部係充外銷經費查常稅無論正口分巡同應報部候撥雖據聲稱此項收數均係備抵解放各款之用究與部章未符金陵防營支應局係經理各營月餉軍裝雜項及一切活支之款惟各項動用漫無限制其中浮支濫應之處

正復不少籌防局經理沿江四路礮臺并兵輪差運各船經費等事惟各臺修築多未得法所管各船已有不堪行駛者而該局分設之輪船支應所於購買煤炭雜料浮冒尤多以上兩局經理款項最鉅亟應切實整頓以杜侵漁善後局當軍務初平時爲籌辦善後諸務而設現承平已久所司本地方應辦之事局用似屬虛糜且支銷各款亦復迹近浮濫釐捐木釐米釐茶釐各局近兩年收數大致不甚懸殊惟開支局用經費多在定章九釐以外且聞江北各釐局時有勒索商民情事所用員司往往徇情委派流弊滋多江甯房膏捐局開辦至今捐章屢改故收數未能畫一徐屬膏捐及土藥統捐均係另設專局上年收數尙旺較歷屆稍有加增官銀錢局以制錢缺乏因設是局行用銅元鈔票以維市面而救錢荒核具開辦章程尙屬詳細如果經理得宜商民信服於公家亦尙有裨銀銅元局從前弊竇甚多核計歷年應得盈餘其歸中飽者數亦不少二十九年冬間經前督臣魏光燾更定新章積弊稍革上年夏間共設三廠鑄造銅元獲利較厚現該局總辦尙在整頓辦法以期涓滴歸公江甯清賦督墾局開辦年餘已清出田地十一萬四千餘畝其未墾田畝亦據稱陸續查擠報熟此項如能悉就清釐自於國計民生兩有裨益吳淞平糶義捐局創設未久旋即改章現所收者係浙甯鈞船運米各捐爲數無幾又清查上海縣灘地局係清丈新漲灘地

及經理無主官荒各地召變升科惟收數亦屬有限此兩局係駐滬有差之道員兼理現在另派專員總辦坐支局用未免虛耗多金以上各項謹將二十九年全年分及三十年正月起至行查之前一月底止均分別開具管收除存四柱實數綴以說略其無細數可列者亦撮舉其簡明辦法彙繕清單恭呈 御覽此外兩淮運司及各岸督銷同收支各款因案卷紛煩尙在詳細覆核俟查考齊全另行具奏謹 奏

山西巡撫張奏查明各屬徵收錢糧情形摺

竊准戶部咨光緒三十年六月初二日奉 上諭方今時事多艱民生重困而官吏壅蔽下情不通甚至地方錢糧浮收中飽以完作欠百弊叢生著各省督撫將各屬經徵錢糧限三箇月內開列簡明表冊該州縣錢糧正額若干現在實徵若干向係收銀者註明每賦一兩正耗各收若干或係收錢折銀或係收銀元作銀均註明每銀一兩折收若干每漕糧一石收本色者正耗各收若干收折色者每石收銀錢若干此外有無陋規雜費逐一登明據實聲敘等因欽此當經恭錄轉行欽遵辦理去後茲據署布政使豐紳泰詳稱晉省各屬向無應徵漕糧計經徵地丁錢糧者一百五廳州縣多係按銀完納每正銀一兩連耗羨及傾銷平餘等費共收銀一兩一錢數分至一兩三四錢不等其完銀多按市平足色蒲州府解州

兩屬則用本地元絲銀間有完錢者仍按銀價時值計算與他省折錢有錢價盈餘者不同且銀每兩止完錢八九百文者其不敷銀價及一切用費均須官爲賠貼以上徵收情形均於光緒十二年經前撫臣剛毅核定通飭各廳州縣勒石大堂民間共見共聞至今循行未改晉省向少優缺上年爲苦缺州縣人皆視爲畏途因酌提稍優之缺津貼最苦之缺俾得盡心治理經此整理州縣皆僅敷辦公實無中飽可提查光緒三十年分錢糧尙未奏銷不能截數茲就二十九年分實徵之數列入表冊並填註向來如何徵收情形呈請分別 奏咨前來臣覆查屬實謹 奏奉 硃批戶部知道欽此

安徽巡撫誠奏查明安徽省各屬征收丁漕錢糧數目摺

竊准戶部咨開光緒三十年六月初二日奉 上諭方今時事多艱民生重困而官吏壅蔽下情不通甚至地方錢糧浮收中飽以完作欠百弊叢生大負朝廷恤民之意著各省督撫將各屬經征錢糧限三箇月內開列簡明表冊該州縣錢糧正額若干現在實征若干向係收銀者註明每賦一兩正耗各收若干或係收錢折銀或係收銀圓作銀均註明每銀一兩折收若干每漕糧一石收本色者正耗各收若干收折色者每石收銀錢若干此外有無陋規雜費逐一登明據實聲敘務令和盤託出不准含混遺漏俟該省奏報到後著戶部核對

財政

財政

二百五十二

八月

由政務處刊入官報俾衆共知藉以察官方而通民隱各該督撫務即認真辦理毋得徇飾
宕延偷敢敷衍搪塞定將該省藩司糧道從重懲處欽此咨行到皖當經恭錄分行司道通
飭各屬一體欽遵將經征丁漕正額實征正耗本折各數若干此外有無陋規雜費等項逐
一登敘據實詳報由該司道核明彙齊開列表冊詳候覆奏去後茲據布政使聯魁署江安
糧道穆克登布會詳稱伏查安徽省各屬征收錢糧經兵燹後於同治年間由司會同善後
局詳定章程每征地丁正銀一兩共收庫平銀一兩二錢零至一兩四錢不等漕米一石折
收錢自四千文起至六千四百文不等應解正耗以及辦公平餘傾鑄火耗解費紙飯等項
一切在內又於光緒二十七年籌議賠款案內詳奉 奏明每地丁正銀一兩漕米一石加
收賠款錢二百文及三百文不等民間以洋錢完納者按照時價折收此外並無陋規雜費
歷年以來遵守定章並無移易各該州縣徵收丁漕所得辦公盈餘本屬無多前於光緒二
十三年奉文提解各屬丁漕平餘銀三萬九千餘兩撥抵鹽貨二釐之用又於光緒二十五
年提解各屬丁漕盈餘銀二萬一千餘兩歸還匯豐鎊款又於光緒二十七年籌議賠款案
內提解各屬丁漕盈餘銀七萬八千兩又於光緒三十年籌議賠款案內提解各屬丁漕盈
餘銀七萬八千兩又於光緒三十年奉籌京師練餉案內各屬認解報効銀五萬一千九百

餘兩計共四次提解銀一十八萬九千餘兩各該州縣辦公已形竭蹶今欽遵 諭旨將各屬經征錢糧開列簡明表冊詳請 奏咨等情前來奴才覆核無異除仍督同司道隨時考察如或日久玩生致有浮收中飽以完作欠各情弊即行從嚴參辦恭摺覆陳伏乞 聖鑒 謹 奏奉 硃批戶部知道欽此

四川總督錫奏川省創辦銀行酌擬章程摺

竊維貨幣貴乎流通利源期於開廣泰西各國以商戰雄視環球莫不有總匯財政之區以爲樞紐其力既厚其用自宏故雖越數萬里而遙創制經營財用不虞匱乏方今戶部奏請設立銀行各省亦多次第籌辦藉以維持財政擴興商業實爲今日迫要之圖川省年來撥款迭增每年京外協餉新舊債款爲數甚鉅多由商號承匯其匯期之遲速匯費之漲落一任居奇操贏且際茲銀緊錢荒本省出入款項亦復周轉不靈官商咸以爲苦銀行爲財幣總匯之所自應亟籌興辦以濬財源當經督同司道一再籌商擬由司庫籌撥銀三十萬兩另招商股二十萬兩共合官商股本五十萬兩先於成都重慶兩處開設銀行並以股款試行大小鈔票無論鹽糧釐稅一切交納公款均准搭用所有股銀專備支發票項不准挪作別用俟根基穩固再行分設京津滬漢等處以期展拓規模擴充利益惟茲事體大創辦維

財政

一百五十四

八月

艱必須有熟諳商務誠實可靠之員方能勝任查有奏調山西候補知府周克昌堪以派充總辦專司其事並飭藩司督同辦理妥議規章俾垂久遠而資信守謹 奏奉 硃批政務處戶部知道單併發欽此

謹將川省設立銀行章程繕具清單恭呈 御覽、一設立銀行牌名濬川源取開通川省利源之義 一銀行係爲維持四川財政而設應由藩司主政即委該司爲督辦另派廉勤明幹通達商務之人爲總辦籌畫專理一切事務 一刊給關防一顆文曰四川官銀行之關防專備公文造冊報銷及股票銀票鈐印之用 一銀行擬在重慶成都先設兩號俟根基穩固再行展設京津滬漢各分號及內地繁盛碼頭以期流通無盡 一銀行遵照新章呈報商部每年酌提若干俟一年期滿酌定數目報効 公家屆時詳明咨報應請照例保護 一銀行作爲官商合資有限銀行倘有虧折不於股外另有攤派以二十年爲限滿期續作隨時聲明 一現在戶部奏設京師總銀行各省尙未分設茲川省由官商合同合股開設銀行所有戶部擬設之銀行應仍候該部另行核辦即使將來官股獲利或願附入戶部銀行其商買願否隨入應聽自便不爲抑制 一凡有行中應作之事由總號執事商同總辦辦理其關緊要事件仍應分稟總督藩司核辦 一銀行既不沾染官派總分各號

均由總號自行刊用圖記不用關防 一川省每年外兌京協賠款各餉擬以三成歸銀行七成歸各票號承兌於挽回利權之中仍寓體恤票商之意 一川省不論何處何項正雜公項巨款銀行但有就近濟商用項准稟商藩司飭撥推一經撥定銀行即應定期備款代爲交納以期官商交益 一川省派員在上海購辦機器軍裝銅斤等件所有匯申各款分歸銀行分領匯存上海分行俟該委員到申隨時取用 一川省應解上海出使經費如數交由銀行領匯 一現在籌辦鐵路將來存放撥兌款項更與銀行爲輔車所有鐵路出入款項酌歸銀行分辦以免利權旁溢 一官商隔閡勢成冰炭故一言合辦動色相戒今銀行商股無論官商紳民均准入股並勸令川省大小官員酌量入股以資提倡庶商股可期踴躍 一銀行雖係裨國裕商而專作川省匯兌公款固係公家自有之利權然終不免奪票商之利擬俟核定章程仍約各票商承認商股以示均利之意如該票商實不欲與官家共事再由銀行自行招股 一向來各票號領兌公款係分成攤派如有某號停買退領者即以其應領之成數或勻分各家或改併一家承兌現在銀行領匯公款三成尙有七成仍歸各票號按照成數公攤嗣後如票號退領公款即將該款歸併銀行領匯庶公利逐漸歸公而於票號亦無所損 一凡官家匯兌各處款項及存放公款均應按照商號時市公

平商議不得以保官商合辦輒用官勢欺壓 一無論官商股本每銀一千兩作為一股給票一紙隨息摺一扣按年五釐給息以便到期憑摺付利如有將股票摺遺失轉賣與他人者尋保報明 一三聯股票者以存根存總號備查存藩庫股票給股東收執均蓋用司印銀行關防暨本行圖記以昭信守 一銀行擬行用千兩五百兩二百兩一百兩五十兩二十兩十兩四兩三兩一兩十種銀票通行本省凡地丁津捐鹽課關稅釐金交庫兌款全准搭用不拘成數不及一成者不收此項銀票均准持票赴重慶成都兩處隨時支取現銀 一銀票發行務期通行運用儻關所局卡官吏稍有阻撓致礙便民之舉查出定即稟明懲處 一銀行既行銀票應將股本專存開發銀票之用不准挪作他用以昭信實 一不論總分各號執事人等俱用殷實公正有安商人不准瞻徇濫舉 一各號帳簿無論流水總帳均由總辦鈐蓋關防發給不得私自更換 一出放各款應以三月六月至一年為限率不得期限過遠即有以本號股票押借銀兩者其息應照官息略加至遠亦以一年為限逾限不繳者股票扣留作為公股 一存款無論多寡無論何人借款或以貨產作抵或憑字號往來均權公平商議不准用官勢欺壓以期平易近人通行無滯 一以一年為帳期所得利益除報効官息支用外分為十大股以三股作為人力股俸又分作十股按照資格

勞績由總辦會商總號派給號中執事人承股仍可隨時按以功過分別升降以一大股作為公積其餘六大股按各股攤分每股得利准以七成提用三成存號存號之款二釐行息以厚財力如有撤股者即將本息一併付清 一每年帳期以三月十五日為定 一每至帳期開具四柱清冊每股得利若干登諸報章牌示號門俾眾共知 一股友每至帳期准其看帳有股本十股以上者准其建議善者必從以期盡美盡善 一所定章程如有隨時變通原可官商商辦儻改章不善准股東隨時撤股官不抑勒 一股東如有用項未到帳期執持股票支息者亦可酌量支付准照官息取利到期本息扣還如股東遠在他省所得股利可由銀行匯交概不取費 一股東撤股願將股銀移交他省者亦可照辦惟須減付兌費以示關顧之意 一銀行開辦之後擬將重慶銀圓局歸併銀行兼辦以一事權而節糜費 一查戶部議設銀行原奏因恐功廢半途仰懇 天恩主持於上旋直隸擬辦債票復經奏奉 特旨作為永遠定案儻違章失信從嚴治罪誠以財政至重且要商情易渙難孚必須妥定章程始終確守方足以昭示大信克底成功以上章程應請 鑒定後飭部立案俾可永遠遵守 以上各章如有未盡事宜及前後情形互異須略為變通者均應隨時斟酌損益以臻完備奉 硃批覽欽此

財政

四川總督錫奏查明川省徵收地丁及折徵制錢銀圓辦法摺

竊前准戶部咨光緒三十年六月初二日奉 上諭著各省督撫將各屬經徵錢糧限三箇月內開列簡明表冊該州縣錢糧正額若干現在實徵若干向係收銀者註明每賦一兩正耗各收銀若干或係收錢折銀或係收銀圓作銀均註明每銀一兩折收若干每漕糧一石收本色者正耗各收米若干收折色者每石收銀錢若干此外有無陋規雜費逐一登明據實聲敘俟該省奏報到後著戶部核對由政務處列入官報等因欽此咨行到川當經督飭藩司欽遵辦理茲據布政使許涵度詳稱查川省地丁向止徵納糧銀並不收完漕米每年額徵正銀六十六萬餘兩遇閏則徵銀六十九萬餘兩有奇計每銀一兩加一五火耗共收銀一兩一錢五分其以錢上納者各屬情形不同均係按照市價折合聽從民便至銀圓川省向未行使上年甫經通飭行銷並派員馳赴各屬較準平砵每銀圓一圓作庫平銀六錢八分一釐三毫一絲六忽一律通行俾無畸輕畸重細加體察各該廳州縣雖徵銀徵錢辦理未能劃一尙無浮收中飽情弊且年清年款歷係奏銷以前一律掃數全完並無拖欠彙造表冊分晰登註詳請奏咨前來除將表冊咨送政務處戶部查核外理合恭摺具陳伏乞聖鑒謹 奏奉 硃批戶部知道欽此

雲貴總督丁奏裁撤滇省撫標官兵及署中員役應支廉俸薪工等銀仍請留供邊餉摺

竊查雲南巡撫一缺遵旨裁撤所有撫標左右兩營參將遊擊守備暨署中巡捕書吏各役均當一併裁汰應支廉俸役食等款並即停發當經行據藩司鹽道善後局查明詳覆除釐金項下年支津貼銀二千四百兩已於二十七年全數節省提歸公款外計司鹽兩庫每年除扣減平外共支七成養廉銀六千五百八十兩司庫應支俸工操賞兵馬錢糧紙張飯食巡捕養廉火藥價值左右兩營官兵俸餉馬乾等銀七千一百五十四兩零鹽庫應支書吏工食鹽菜紙張報銷等銀一千四百八十三兩零善後局年支親兵水軍薪餉等銀七千五百三十八兩零蒙自等關津貼書吏銀三百六十兩每年共應支銀二萬三千一百十六兩有奇查巡撫管理地方所有文職官員升調補署及刑名錢穀一切要政悉歸主持其缺雖裁應辦之事奉命歸臣兼管自仍如舊向有開支亟應酌量裁留以資辦公而歸實際當即督同該司道等一再籌商所有司庫除扣減平年支八成薪俸紙張銀一千八十九兩零齋奏盤費一百六十九兩零皮包紙張一百三十九兩零鹽庫年支鹽務報銷飯食等銀一百六十兩仍應酌留辦公外其廉俸操賞役食馬乾以及鹽菜津貼各項雜款銀二萬一

附啟

一百五十九

乙巳

財政

一百六十

八月

千五百五十八兩零應卽一律截止俾省度支惟滇省素稱邊瘠自湘鄂等省協餉停解時虞不繼凡支發一切莫非挪新掩舊剝肉補瘡近更勇餉日增籌解賠款及練兵派款四十餘萬益形竭蹶現復遵照練兵處新章添練陸軍無米爲炊支絀愈甚所有前項裁缺節省銀二萬一千五百五十八兩零仍請儘數留於本省備供勇餉庶幾裨益邊局等情由署藩司陳燦會同各局道議覆前來臣查核屬實當卽分檄飭遵均截至上年年底止將撫標兩營官兵暨署中員役人等一併裁撤其前項裁節各款銀兩合無仰懇 天恩俯准留於本省備供餉糈以資邊備出自 逾格鴻慈謹 奏奉 硃批戶部知道單併發欽此

署貴州巡撫林奏查明各屬徵收錢糧數目開列簡明表冊摺

竊查准戶部咨光緒三十年六月初二日奉 上諭著各省督撫將各屬經徵錢糧限三箇月內開列簡明表冊該州縣錢糧正額若干現在實徵若干向係收銀者註明每賦一兩正耗各收銀若干或係收錢折銀或係收銀圓作銀均註明每銀一兩折收若干每漕糧一石收本色者正耗各收米若干收折色者每石收銀錢若干此外有無陋規雜費逐一登明據實聲敘各令和盤託出等因欽此欽遵咨會到黔當經前署撫臣曹鴻勛行司會道遵辦嗣以送到表冊不無含混往返駁查未據覆到依限具 奏移交到臣復經飭催各在案茲據

藩司袁開第會同糧道凌卿雲將各屬經徵錢糧正雜各款細數確查開列逐一登明據實聲敘詳送前來臣覆加查核尙屬簡明伏以黔省山地瘠通省錢糧不及江浙一郡之多額數較他省爲少規費亦輕重不一自前撫臣岑毓英酌中核定無論銀米均只准隨收二成以作各屬辦公經費其天柱縣等處十餘屬向雖折收錢文而數皆沿舊民苗亦久已相安至現在通省荒蕪雖尙未及一分然肅清已久豈容猶有民欠臣遵 奏案嚴飭各屬悉以在任日期之多寡核計應墾分數已據貴定清鎮等處先後稟報認墾起徵當可冀將短額逐漸規復臣仍當督飭該司道隨時嚴加考核務期力祛虛浮民盡樂輸庶以上重正供而下恤民隱謹 奏奉 硃批戶部知道欽此

戶部議覆兵部左侍郎鐵奏查明江甯司庫局所進出款項指提備撥片

再按此次原奏單內查出各款有另款存儲者有歷年積存者有以後可以常年撥用者共約可得二百萬兩之譜以現在用款而論若開辦銀行鼓鑄銅元歸還新借洋款在在均關緊要臣部正在繕摺覆陳間接據練兵處咨稱本處具奏提撥江海關存儲武衛軍餉以濟要需等因咨行到部查原奏單內江海關歷年積存武衛軍餉共銀八十八萬兩此外尙有常年應解銀二十六萬兩既據練兵處全行奏提此款應毋庸議其支應局存儲昭信股票

財政

一百六十一

乙巳

財政

一百六十二

八月

銀八萬餘兩附存另儲報部銀六萬餘兩籌防局存儲購買快船餘款並息銀三十六萬兩釐捐局歷年積存縮儲銀十一萬餘兩以上四款共約銀六十餘萬兩應令卽行提解部庫以應急需至江海關外銷各款內每年約可提銀十六萬兩銀銅元局除撥雲南銅本及認解練兵經費並開支學堂等處用款外餘存尙多惟該省尙有應辦各項新政未便令其盡數解部每年約可提銀二十萬兩又籌防局按年提還銀銅元局借本銀五萬兩以上三款共每年約可提四十餘萬兩應令專款存儲聽候部撥不得擅行挪動謹 奏

戶部核議江甯司庫局所進出款項清單

一查甯藩司地丁奏銷及各撥冊內二十九年分報部正項各款有數目相符者有多寡懸殊者有尙未造報者有向不造報者三十年分未屆報銷之期無憑查考又報部雜項一款數目均不相符應令嗣後造報時務按實用實銷勿得舛錯遺漏銅元餘利一款向未報部雖大概數目可於銅元局款內約計聞該省近又添併機器餘利自必加增業經臣部專案行查應令遵照前咨迅卽聲覆勿得遲延隱漏至外銷附存各款向未報部無從核計至原奏所稱留甯辦理新政原定五萬兩現隨意開支已數倍於所收之數以及外銷浮濫宜由該司切實籌畫等語實爲扼要之論應令江督轉飭核實動用以重帑項 一查江安糧道

管收除在各款係由光緒二十九年分起截至三十年八月底止該省漕項等款奏銷現僅報至二十八年其倉項各款雖已報至二十九年但係按屆開報與此次單開截數日期不同銀數多寡不免參差又查單開額征數目除漕倉正銀三十二萬七千七百八十一兩四錢核與奏銷冊報之數相符外其漕倉耗銀三萬四千五百一兩六錢一分二釐核對銷冊計少列銀一千四百六十四兩七錢七分三釐又漕糧米折銀四十四萬三千七百五兩二錢七分一釐按照奏銷冊報漕項米數以各屬應徵折銀數目分晰核算計多列銀一萬九千三百七十六兩零應令該省查明登覆再行查核其額征屯租津貼銀八萬六千四百七十一兩六錢四分一釐係江安兩省額征數目查安省津貼奏銷六萬三千五百九十四兩二錢六釐其江甯津貼奏銷未據造送無從核對贈行南撫等銀二十五萬二千九百九十二兩一錢蘇月米折銀七萬三千九百三十五兩該省漕倉奏銷僅造報額征米數各屬折價不一無從分算至該省兵燹後拋荒缺額據稱近年豐熟之年歲只收銀六十五萬四千餘兩核諸額征數目僅及其半該省承平四十餘年何至荒廢缺額如是之多應由該督撫嚴飭該道督率各屬設法招墾以期歸復原額再江北上年採買秬米十萬石米價運費及購袋雇船等項共銀三十五萬七千二百七十一兩一錢七分五釐查與該省冊報數目計

附 載

財政

一百六十四

八月

不符銀一萬一千六百四十餘兩應由臣部另案核辦惟此項利米業由臣部於光緒三十年六月間奏請循案酌留南漕百萬石由海運京摺內聲明嗣後非奉 特旨飭令採買該督不得率行陳請以節款項奏准行知在案所有停運節省銀兩嗣後應令按年報解部庫以重公帑 一查江南鹽巡道經管長江水師餉項自二十八年後尚未造報到部無憑查考其外銷等款向未造報至龍潭煤礦亦未報部若如原奏所稱月分煤數儘數售出尙不敷局用其辦理未能得法已可概見夫礦務固大利所在而辦理要在得人該礦若非產旺質佳必無多人私採而屢經官辦迄無利益者以該道經管事務已多無暇專精計畫僅憑員司敷衍搪塞甚或乾沒中飽其無效也固宜應令江督轉飭設法整頓務令利源日闢 一查金陵關華洋稅鈔洋藥釐金等款現已報至一百六十八結其自一百六十九結起尙未奏報今據單開一百七十結至一百七十六結新收各款核與稅務司所呈清摺收數尙屬相符開除項下亦均係准支之款解支火耗亦均符合惟出使經費未據聲敘如何核提各項解款匯費係屬籠統總數並未逐項分列均應令查明詳細聲覆又一百七十四結至一百七十六結所支關卡經費銀一萬四千六百八十兩按每月准支銀一千四百六十八兩三結九箇月共應支銀一萬三千二百十二兩核計多支銀一千四百六十八兩應即提

回列收實存項下據稱藥釐項下動支築路開埠滇省鐵路各經費共銀十九萬兩尙未列入開除應俟該關奏報開支再行核辦又附存款內應解戶部土藥稅外務部三成船鈔罰款等銀應卽解京分別交納所存三聯單充公罰款等銀其三聯單銀兩由於何結存起內有無應遵新章提解臣部暨外務部銀兩充公罰款是否歸該關監督之三成均應查明報部又開埠經費所存銀兩一款其開辦時由於何項動撥經費若干已支用若干應令造具支用細數清冊送部核銷並令將該關第一百六十九結起洋稅收支數目迅卽按結奏報造冊送部以憑核辦 一查江海關徵收華洋稅鈔洋藥釐金等款僅報至第一百四十六結其未經奏報者積至二十六結之多光緒二十九年十一月間三十年八月間曾經兩次飛催迄未遵照辦理今據單開新收各款核與稅務司所呈清摺數目大致不甚懸殊其開除項下亦均係准支之款惟數目是否符合款項有無餘存應請 飭下兩江總督轉飭該關道按結奏報並造具細數清冊以憑查核至該關常稅原定正額盈餘共應徵銀六萬五千九百八十兩三錢三分從前歷年短徵之數二萬餘兩至三萬餘兩不等奏定由該關自行彌補自光緒二十七年十月初一日改歸稅務司代徵至二十八年一年期滿計征銀六萬八千七百兩內有罰款另領提解公用銀八千二百二十七兩二十九年一年期滿計征

財政

銀十二萬二千一百餘兩內有罰款另項提解公用銀三萬七千七百六十二兩五十里外各分口尙不在內較之本關自征數目驟加數倍可見該關從前歷年奏報短征必有不實不盡之處至五十里外分口十七處二十八年分僅收正耗銀二萬一千一百九十餘兩二十九年分僅收正耗銀二萬三千餘兩既據查明原收並不止此恐侵蝕分肥等弊在所不免應責成該關嚴加釐剔以期涓滴歸公至外銷各款其向來報部者惟藥釐火耗罰款三項此外如籌防捐碼頭捐以及洋商呈繳地價等項則均不報部今據查明各款每年約收銀四十三萬餘兩而匯費節省常稅節省以及平餘生息等款尙不在內收款如此之鉅果能剔除冗濫核實開支必能提款歸公藉充餉項應令轉飭該關將藥釐火耗罰款三項按結奏報各項抽捐章程起自何年及平餘生息匯費常稅節省各款歷年收支數目並令按年造冊送部核辦 一查鎮江關進出各款單開新關稅鈔自第一百七十結起至一百七十五結止收支數目核與前經該撫奏報該關收支數目尙屬相符惟開除項下列有支解修理正陽門門樓工程銀一款查修理正陽門門樓工程銀兩係由各省督撫報効原不准動支正款今該關並無奏咨案據輒將正款稅銀擅行動用殊屬不合應令提回列收至主貨報單稅罰一項歲入銀十萬兩有奇爲該關外銷一大宗向不報部今據查明此項出款

除京員津貼改作加俸等款係屬正用外餘皆外銷雜款不免糜費嗣後應令該關將各項外銷雜款實力刪減節動支並於結期奏報內另開清單詳列管收除在數目不准絲毫隱匿其暫借墊各款如日後陸續籌還亦應隨時列入收款項下毋得遺漏至揚由關常稅應征正額銀九萬二千七百九十一兩零盈餘銀七萬一千兩二共應征銀十六萬三千七百九十一兩零同治六年以後即藉口於洋稅遞增該關常稅無屆不報短絀近年奏銷臣部有案可稽者計自光緒二十五年五月初一起連閏至二十九年三月底止此四屆中關期報滿其征收稅銀數目總不過四萬四千五百兩最後一屆則自二十九年四月初一日起連閏至三十年二月底止一年期滿亦只報征此數下餘短收銀兩經臣部按照歷屆成案議以賠繳一成五釐並令嗣後實力稽征倘再短少即按照三十年二月臣部奏定整頓關稅新章全數著賠等因奏准行知在案今據該侍郎查明歲征四萬四千餘兩係專指中關白塔芒稻邵伯四正口稅而言若統二十三處分巡零稅計之歲約共收銀十萬四千五千兩除報部候撥銀四萬四千餘兩外所餘之數均作為提解節省經費賠繳短征一成五稅銀以及關支正口分巡等處員役薪水撫署道署辦公經費等項之用並聲明此項零稅擅自開支其弊不自該道始一經查問即行據實陳報尙屬情有可原以後如令實報實銷

財政

一百六十七

乙巳

自不能不准支經費且每年飭提節省銀兩及應賠一成五稅項該道本於此中挹注亦未便仍責繳解等語尙屬持平之論臣等公同商酌擬請將該關三十年二月以前常稅收支各款免究既往其自三十年三月起無論正口分巡亦無論整稅零稅均應令實報實銷統計該關稅項歲入共銀十萬四千兩內除正額仍定歲征銀九萬二千七百九十一兩零外其餘銀一萬二千餘兩作爲盈餘下短盈餘銀五萬八千餘兩暫准免其著賠此係經欽派大臣詳細查明臣部自應核實辦理他關不得意存取巧援以爲例倘徵足十萬五千兩以上仍令儘徵儘報不得隱匿倘不及此數著其全數賠繳並令轉飭該關道實力稽征總期規復舊額毋得恃有減免之數稍形疏懈至應需經費准由土貨報單稅罰項下按照所征常稅一成數目動支以昭公允 一查金陵防營支應總局報部正款造至二十八年止二十九三十等年尙未造報無憑核對惟查二十八年冊列實存庫平銀五萬五千餘兩今單開二十九年舊管存湘平銀四十四萬五千餘兩庫平銀二十二萬五千餘兩數目迥殊則歷來之開報不實已可概見應令嗣後卽照此次查辦之數妥實報銷不得仍前含混至其中虛糜之款應令悉心刪節如密查釐稅遣送災民開支至五六萬兩以軍需正款而濫支濫應如此實屬不成事體應令該督轉飭嗣後似此濫支之款一律刪除不得巧立名

目侵蝕正款至各臺營餉項軍裝雜項薪費虛糜之款尤應實力裁汰以裕餉需至外銷雜支附存各款均屬庫帑亦不得任意取給自宜慎選廉幹之員將竄情之兵勇無用之員司浮冒之購辦實力整頓淘汰必能騰出大宗款項裨益庫儲其實存項下昭信股票銀八萬餘兩及附存另儲報部銀六萬餘兩皆係應報部候撥之款應令加意存儲以備撥用 一查江南籌防局報部正款至二十八年止二十九及三十等年尚未報部且其中款目多係兵工二部核銷之款無憑核對惟二十八年報部結存之數與此案二十九年舊管之數不符開報不實與支應局大致相同又該局既以籌防爲名自宜整頓防務以備緩急若如原奏所稱沿江各礮臺修理均未得法經管各船不盡適用竟有不堪行駛者購置軍火亦多不甚考求每年用百萬之鉅款廢弛至此殊爲可惜應令該督慎選員弁加意講求又該局歲支薪水局用每次報銷諸費所需過鉅應令力加撙節至每次報銷有何需款之處應令該督專案聲覆以憑核辦軍械所修理槍械歲需鉅款槍械半多鏽澀現當整飭戎行之際軍械爲第一要務乃竟腐敗至此殊屬虛糜應令該督將該局總辦嚴定賞罰以昭勸懲又洋務局員既優給薪水復於該局及支應局月津貼數百金實屬重複應令將所支津貼儘數追繳輪船支應所原隸該局既據查明其中弊竇甚多即宜速加裁併仍歸籌防局管理

財 政

二百六十九

乙巳

以節糜費而專責成。陸師學堂向附該局奏銷。應俟銷冊到部時再行核辦。又另存各款項下。除江海關存防費一款。留辦防務外。其銀元局按年提還銀五萬兩及存購快船餘款。並息銀三十六萬兩。應令專款存儲。候部撥用。一查金陵善後局向未報部。無從查核。惟歲費十餘萬金。開列支款名目。皆猥雜不堪。應請如原奏所議。將此局裁撤。歸地方承辦。核實樽節。以重公帑。即將裁剩銀兩。報部候撥。一查金陵釐捐局二十九年分正項與報部數目均屬相符。三十年分及外銷各款。未經報部。無從考查。局用薪費開支太多。應令大加刪減。不得過定章九釐之數。縮儲一項。以釐金正款。輒行提存。二十九年分至十八萬兩之多。歸外銷項下。任意開支。實屬不成。事體應令將實存之十一萬五千餘兩存儲。候撥嗣後。如再查有似此情弊。定即嚴參重懲。又正項內列有每年織造津貼銀一萬二千兩。江南織造現已裁撤。并令將此款存儲。報部候撥。又木釐局向未報部。據稱局用需銀一成三四釐。亦應令其遵照九釐定章辦理。並令將二十九年以後收支各款。隨同釐捐局銷冊報部。以憑核辦。至所稱江北釐捐積弊甚鉅。或收多報少。任意侵漁。或苛擾商民。致增苦累。巡丁勒索時有所聞。全在各總辦於局卡中。慎選廉明方正之員得人而理。庶公帑商情均屬有裨。等語。實為正本清源之論。應令轉飭遵照辦理。一查江甯房膏捐局收支細數。未據開報。無

憑核對原奏稱房捐有聯票可稽或無大弊膏捐憑各屬報解不免侵蝕朦混等語應令該督轉飭詳定章程於膏捐一項亦用聯票隨時將所收之數填入不時派人抽查庶弊端除而捐項可增並令將二十九年後收支之數按年報部以憑查核 一查徐州膏捐局向未開報無從核對原奏稱該局收數並無定額立法未能盡善及薪費局用以上屆收數核計開支幾及一分八釐等語查膏捐收數多寡宜有定額即稍有不同亦不至一年之久僅抵四箇月收數其中顯有不實不盡之弊九釐經費爲各釐局多年定章亦宜將溢支之數大加刪減應令設法整頓核定妥章務使隱漏浮支之弊盡除庶捐務可有起色并令將二十九年後收支細數報部查核 一查裕甯官銀錢局進出款目未據報部無從查核原奏稱該局設立未久尙屬無弊惟提紅三成稍覺太優應令再行更定又稱該局續定章程添印銀元票與鈔票均准完納公款恐出票過多成本挪作他用不敷周轉必致失信商民應設法預爲防範等語實爲遠猷至計應令恪遵辦理以期有利無弊應令將詳細辦法出入數目報部查核 一查江南銀銅元局江南局所惟該局獲利爲最大亦惟該局積弊爲最深以原奏開報之數計之除銀元現鑄無幾不計外銅元一項三廠全工並鑄每月約出四千四五百萬元十二箇月當出五萬四千萬元每百萬枚得餘利銀三千二百餘兩每年當有

財政

一百七十二

八月

餘利一百七十八萬兩之譜而開辦多年迄無成效者餘利之少中飽之多也原奏銀元餘利以任道玉森所辦爲比較銅元餘利以張道廷杰所辦爲比較劉道思訓經鑄銀元應得餘利銀八萬九千六百餘兩計少銀八萬一千七百餘兩劉道錫庚經鑄銀銅元應得餘利銀二十九萬八千四百餘兩計少銀十四萬一千二百餘兩志道鈞經鑄銀銅元應得餘利銀二十九萬七百餘兩計少銀十二萬九千七百餘兩沈道邦憲經鑄銀銅元應得餘利銀十八萬一千餘兩計少銀五萬二千餘兩潘道汝杰經鑄銀銅元應得餘利銀四十八萬三千八百餘兩計少銀七萬六百餘兩此歷任總辦少得餘利之確數也以上承辦各員已於正摺內陳明交部分別議處至原奏所舉該局八弊均屬切實應令該督嚴飭現辦局員痛加滌除庶可日起有功又去年八月間據該督奏籌解練兵經費內稱擬於揚州增設分局約今年春季可以開鑄將來三廠一分局併舉每年可得餘利一百七十八萬擬每年還提八十萬兩解濟練兵處餉項查該省銅元餘利一款自二十九年十二月改歸藩司收放除認解雲南銅本十萬兩外其餘僅供各學堂經費及各項雜支之用且揚州分局現已歸併江甯所稱每年可得餘利銀一百七十八萬兩數必加增除認解雲南銅本練兵處餉項歸還籌防局鑄本及各項雜支等款外餘存之款尙多應令酌提解部並將餘利收支數目按

季報部查核 一查皖南茶釐局收支數目未據報部惟每年解長江水師及支應局共銀二十一萬兩歷經本部隨案奏咨行催迄未造報應令自二十九年分起將收支細數按年報部以憑核辦至原奏所稱嚴核員司比較分別勸懲實辦釐捐不刊之論應令加意整頓以拓利源 一查徐州土藥統捐局二十八九年冊報收數尙屬相符三十年分收數未據報部原奏稱截至八月底止已收銀三十萬七千餘兩較二十八九年僅收銀二十九萬餘兩者已有加增實屬稽征得力應令轉飭益加奮勉認真經辦庶年增一年不難集成鉅款矣 一查江甯府屬清賦督墾局據稱於二十九年二月設立未據該省奏咨立案應令轉飭查明將已墾未墾陸續啓徵之熟田蘆灘山塘草蕩及城內之荒田荒基坐落頃畝細數科則地價隨時報部查核至所稱江南兵燹以後墾復田地不少劣戶隱匿不報官吏任其隱匿該局現經查出之數甫及二十分之一等語自係實在情形應令妥爲經理上緊查擠無任玩延 一查吳淞各口平糶義捐局未據該省奏咨立案既據查明現在無所事事徒耗薪資應令體察情形速爲裁撤或歸併他局經辦以節糜費 一查清查上海灘地局近年收支數目未經造送今據查明於二十一年三月開辦當時曾否奏咨立案本部案卷不齊無從查悉又該局每年收數解籌防局歸還紗機墊款查籌防局報部冊十八案至

二十二案內未經列收此次單開三十年分列有收攤地價內解還紗機墊款湘平銀三萬八千三百餘兩應令該督轉飭將該局歷年收支款目趕造送部至所稱該局辦理此事多隔閡周折收數無幾徒糜薪費局用此後應歸地方官經理一節應令該督查照辦理以杜虛糜

一百七十四

八月

八省土膏統捐試辦章程

一奏明宜昌洪江兩局照四省合辦章程辦理梧州一局照兩粵現行章程辦理蘇閩兩省捐章即照贛皖辦理以九五折完納 一開辦八省統捐後兩湖兩廣境內均設有土膏稅捐局其皖贛蘇閩四省未便漫無稽考應由總局酌派員司於各省入境扼要之區設查驗緝私補收局一處專司查補如已完土稅膏捐貼有總局印花者驗明單貨相符聽其在指運省分境內售銷不得留難需索仍逐日將查驗過土商牌號斤兩及印花張數執照號數係何局收捐給照分別登記按月冊報總局以憑查考如由新關報完子口者查無總局膏捐印花專照即由查驗補抽局照四省合辦章程補收落地膏捐以符如非落地概不重徵之案 一宜昌已完子口稅之土藥應就關預徵落地膏捐始准運往指銷省分惟查兩湖贛皖四省土藥仍照舊章徵收不得議減其新增入之蘇閩兩廣四省向在宜昌新關報運

子口者每淨土百斤酌收膏捐庫平銀五十二兩由總局派員會同洋關委員黏貼總局印花填給專照無論行至何省報明入境查驗驗過放行梧州照辦 一劃撥之款照奏定數目核撥餘款即作為溢收之數按月徑解總局由總局按季冊報戶部陸續交號商領解總局開支經費及新添四省查驗局所酌募緝私勇餉捐票印花電報各雜支需款甚鉅暫將溢收贛皖蘇閩等省土藥善後緝私經費兩項提出列支其土稅膏捐正項存儲備解俟一年屆滿再行察看情形酌定實支活支數目列款奏咨立案 一宜昌洪江兩處擬照江西辦法擇妥實公司包定專送土藥小輪以期迅速宜昌運至九江止常德運至湘潭止只准裝土下駛放空上行酌收水脚不准搭客載貨以杜弊竇行駛章程悉遵關例試辦一年如水脚不敷由總局量予津貼並酌議保險經費俟有的款即由公家造輪裝運常德以上各明湖南撫院派撥礮船分段護送梧州則水陸均有護送舊章無庸再議 一宜昌收捐章程銀錢併收湘省經收錢款係按十足錢一千文收庫平銀八錢不隨市價漲落今改收統捐各省錢價漲落不定辦法必致兩歧此後凡錢款者每十足錢一千文概按庫平八錢折收 一土藥稅捐既重川雲貴等省山路崎嶇間有大幫匪徒攜帶槍枝包送私土拒捕傷人者除酌增緝勇嚴密查拿外如實係土匪持槍傷人應照鹽匪拒捕例格殺勿論以重緝

務 一此項溢收專爲練兵經費現既議辦八省統捐所有四川雲貴等省未便因各省加收落地膏捐亦議加徵出境土稅致土商重困應請由財政處戶部咨明四川雲貴等省各按舊章抽收開辦統捐以後不再加徵至各省所收燈捐爲數無多其中不盡土藥未便遽裁惟不得稍有偏枯亦不再行加重此外如有別捐一律邀免以恤商艱 一報運出境之土間有指運贛省改運皖省指運閩省又折回蘇省者商情全恃周轉自應准予流通但必須在各省查驗局報明如實係原土原票印花號碼相符由查驗局在稅票上註明改運某省加蓋查驗局關防聽其在改運省分銷售不准索取規費惟只准改運一次用示限制 一兩湖兩廣各局緝獲私土除充賞外其充公之私土仍各照舊章變價解交各本省司局核收其新設四省查驗緝私局緝獲私土除五成充賞外所有扣存五成私土變價全數解交總局列收 一劃撥提解溢收及子口加捐四項按月由經收之局依限全數批解總局不准延欠 一兩湖兩廣原設之各局卡員司辦公各經費緝私保商各營弁勇薪糧各歸本省核支冊報並咨總局備查

湖北新定改辦統捐章程

一改辦統捐原所以體恤商民所有各局從前成案稟明之照票掛號灰印三項陋規以及

划子錢提船錢等一切陋規暨隨時勒索各費概行禁革不准再有留難需索 一宜昌爲四川貨物進口寶塔洲及太平口爲湖南貨物進口老河口爲陝西貨物進口張家灣爲河南貨物進口武穴爲江西貨物進口均定爲抽收進口統捐局并查驗出口統捐各該局有向收落地捐者仍照舊辦理如遇貨物進口時在各該局報明指運何處或係經過鄂境或係在鄂行銷即照此次所定統捐章程完納統捐由各該局填給統捐票收執過此以往在鄂省境內如非起坡銷售向來應完落地捐之處及逾於捐票指運之處概不重征現定捐票之式計共四聯第一聯爲收執票交商收執第二聯爲查驗票由經過前途第一局截留彙繳總局查考第三聯爲繳核票由填票之局申繳總局第四聯爲存根票留局備案其出境之外省貨物經過出口之局應查明曾否完足進口之統捐如有統捐票呈驗即將收執一聯上蓋一某局驗訖戳記仍交還商人收執將查驗一聯截留彙繳總局查考如無統捐票呈驗即係繞越偷漏賣放應照章補收並加罰五倍以示儆戒 一本省出產貨物止於內河出江各河口扼要抽收現以金口沙口樊口之南卡鵝公頸富池口蔡甸青灘口沌口爲抽收產地土貨由內河運出長江統捐局凡商人運貨至各該口出江報明指運何處應行經過幾局即照各局現行章程統於此一局抽收出江以後如非向來應完落地捐及逾

於捐票指運之處概不重征惟土客各貨運進以上各口者各該局應查明已否完足應納之統捐如有統捐票呈驗即將收執一聯上蓋一某局查驗訖記仍交還商人收執將查驗一聯截留彙繳總局如無統捐票呈驗即係繞越偷漏竇放應照章補收並加罰五倍一府河口定爲抽收產地土貨往來內河上下水過境統捐局計其經過內地局卡釐數併收如僅運銷內地不出長江不出襄河自不重征其運出長江襄河者亦令指明運銷何處照收統捐比照金口沙口等內河出江之貨一律辦理完足統捐者放行嚴漏統捐者補抽懲罰一襄河以內出產貨物運出長江者現已定爲由蔡甸沌口青灘口三局抽收惟上下游一千四百里向章經過兩局三局四局不等若統照舊章抽收則附近貨物未免偏累若分別遠近又恐取巧影射難於稽查茲參酌襄河現行章程襄河以內出產定爲照向章兩道釐金之數併作一次統捐一漢口石馬頭沙市新隄仙桃鎮均定爲抽收落地百貨捐局襄陽從前係抽收過境百貨捐局今改爲抽收落地百貨捐局各該局於外省本省貨物到埠時如商人有統捐票呈驗即將收執一聯上蓋一某局查驗訖記仍交還商人收執照向來落地章程收捐一次將查驗一聯截留彙繳總局如無統捐票呈驗查係繞越偷漏竇放應照章補抽并加罰五倍一漢口向有過載釐金一項即係各局所收之過境釐

其釐章較落地釐減半抽收現在改辦統捐凡上下游貨物報運之地必須經過漢口者應將此項過境釐在第一卡一併核計統收其在漢口落地銷售者仍由漢口局照章辦理如實係在漢口過境之貨商人朦稱在漢口落地未經在第一卡統收過境釐金者應由漢口局查明補收他處向有過境釐金者亦照過境釐金一律辦理 一貨物運至所指之地復又轉運他埠者約分二類一係已完落地捐後或轉易商人或分撥發售又欲轉運出本口者除前途經過幾局併計應完釐數於轉運出本口時補足統捐外無論該貨轉運何處行抵銷售之地後其落地捐概不重征一係尚未起坡未完落地捐因行情不合改運他處者應驗明原領捐票與過載貨物一律辦理以後經過各局呈驗統捐大票一律查驗放行不再重征 一長江埠定為專收出產土布統捐局河溶定為專收出產絲絹統捐局應城定為專收出產石膏統捐局黃石港改為專收出產石料石灰統捐局安陸船釐改為抽收上下水船隻統捐局將襄陽張家灣向來所收船釐彙總核算統歸安陸抽收 一各局從前加抽之雜糧石餅籐防船捐賑捐等捐係供本省新政要需專款應仍照舊附於統捐辦理

各省財政彙誌

京師 戶部咨行各省略謂內務府經費不足均由本部墊支而部款亦異常支絀實屬無可挪借已奏明由各省每年

錢 款

一百八十

八 月

粵省內務府經費五十萬兩自光緒三十一年起由各省分攤除春季已由本部墊支應照數指省撥還外餘均徑解內務府交納計開各省分攤銀兩如下山東二萬兩山西二萬兩河南二萬兩江蘇二萬兩廣東二萬兩四川二萬兩以上六款共銀十二萬兩均全數交部歸墊 江西二萬兩陝西一萬兩浙江一萬兩福建一萬兩湖北一萬兩湖南一萬兩安徽一萬兩蘇州常稅銀六萬兩江海關洋稅銀二萬兩浙海關洋稅銀二萬兩粵海關洋稅銀二萬兩山海關常稅銀二萬兩宜昌關洋稅銀二萬兩閩海關常稅銀二萬兩鎮江關洋稅銀二萬兩長蘆鹽課銀一萬兩山東鹽課銀一萬兩兩淮鹽課銀二萬兩兩浙鹽課銀二萬兩河南山東新加鹽引銀四萬兩 以上二十款共三十八萬兩均應全數徑解內務府交納統計指撥各省關共銀五十萬兩

直隸 直督袁慰帥呈進四分重黃銅錢式正面雙行龍邊中有光緒通寶四字背面邊旁平鑄北洋二字中有零用一文四字以代制錢行使當奉 諭飭如式鼓鑄並著解交戶部搭放餉銀以廣銷流云

奉天 新任奉天將軍趙次帥以奉省善後各事頭緒紛繁需款甚鉅咨請各省協助經費聞江甯已允助十萬兩秋後先解五萬其餘陸續湊解浙江允助八萬兩均請奏明作正開銷

山東 魯省萊蕪土卡向係四五月間派員前往十月裁撤近經泰源公司商人稟請包辦每年認銷印花數目較之委員承辦時有盈無絀且免開支局用已蒙撫帥批准該商包辦

江蘇 署江督周玉帥曾委吳劍泉觀察前赴徐州與徐州道會議加抽土藥釐金議定每担加收六兩詳奉批示以為數太少飭即查照候補知縣李令條陳仿照湖北一百二十兩之例酌減四成收銀七十二兩除徐州原收釐金三十三兩舊捐十二兩外計加抽銀二十七兩一面電請河南山東安徽各省一律辦理免啓土商避重就輕之弊各省已電覆

照辦 寓滬西商以中國鑄造銅元逐漸進步統計各省新舊機器多至八百餘副將來一齊開工所出銅元必致充斥市面價值低落蓋官場視銅元爲利藪紛紛鼓鑄則銅質必枯工作亦劣民不信用商界大困其弊不可勝言且中國近與各國新訂商約已聲明鑄造一律之國幣今各省自鑄銅元價值不一實有違犯約章議定函致駐京領袖公使請其轉告中國政府務須劃一幣制限制鑄造以維法價而取民信已由代表人立憲作函發矣

安徽 蕪湖常關所征船廠稅向係解部聽候內府提用近以克薩鎊款還期已屆無款可撥關道重觀察特申詳皖撫轉咨大部將三十一年分船廠稅抵還克薩鎊款誠果帥已批准如詳核辦矣 皖省土藥向以北路爲大宗近經新定抽收統捐辦法如下土苗按照畝數抽收二核種戶所產多少三種戶賣與土販四由土販入市五由行家賣與客戶六客戶共收若干向章土藥用簍裝運每簍貼印花一紙者改爲大簍四紙中簍三紙小簍二紙以免混其統捐之數則遵照總局定章每估本百兩抽銀四十兩給與護照運單直抵指銷處所沿途經過關卡不得重征

福建 泉州富紳楊君嘉鑑近集股本一百二十萬兩創設銀行於廈門及南洋各埠而設總行於香港並發行鈔票聞已具稟商部請予立案

廣東 粵省官銀錢局銅元每包值銀二十元每百值銀八錢按之當十之義本有違悖祇以封禁小聞姓後即將此款作抵且西省軍餉全賴挹注亦萬不得已之舉現西事教平錢局日出銅元至二百萬餘較前更臻發達銷流亦更暢旺故大吏擬俟此項再有盈餘即將番攤封禁云

廣西 桂撫李仲帥以桂省地瘠民貧財政拮据近復頻年匪亂出款驟增雖已大局粗平而後患未靖兵難遽撤且辦理善後需款浩繁數年以來幸有膏捐所入足支本省無定之用今既改爲合辦則無米之炊巧婦難爲種種虧從何

財政

一百八十二

八月

彌補特奏請將舊捐仍歸桂省自辦以應急需即奉 旨交柯運憲中丞查酌辦理旋經柯中丞議以劃歸桂省自辦殊多窒礙因電奏不必劃出即由總局札委道員駐桂總辦仍將所收之款歸桂省撥用現已奉 旨允准

各國財政彙誌

日本 日本國債委員銀行總裁高橋氏近赴倫敦紐約及歐洲大陸各國募借英金三千萬鎊以日本國家煙葉專利權作抵

韓國 韓政府近以償還舊債並整理內政需款孔殷議決募借公債二百萬元每百實收九十五週年行息七釐以國庫歲入金為擔保三年償還已與日本第一銀行定約代為經理招募

俄國 俄國近定加稅新章於千九百五年六月分實行遺產稅加抽百分之五十皮酒稅加抽百分之三十三外國釀母^{即釀}加百分之七十內地釀母則加倍提煉之火油精每重一林脫須納稅六十個霍丕克至於官吏薪俸每年有六百個盧布以上者均減二成云

菲律賓 菲律賓羣島改正關稅法定以千九百五年五月三日施行其稅法之主要如下粗製鴉片每啓羅克蘭金貨四元精製鴉片每啓羅克蘭金貨五元天然礦泉一赫克脫里金貨一元五角^{以上三項屬釀稅法作為無稅品}糙米每百啓羅克蘭金貨六元元米每百啓羅克蘭金貨七角五分鹽漬野果實裝玻璃瓶者每啓羅克蘭金貨四分裝盒者金貨分半玻璃及馬口鐵每啓羅克蘭金貨二分瓶果實及扇值百抽三十五舊關稅法第百九十五條至第百九十八條所定家具及木製品稅率均減去舊稅率二分之一惟不得輕於值百抽二十五舊關稅法第百四十二條至第二百五十七條所定之關於器具及機器條項文字上亦稍有更改稅率之大部分或刪除或改為從價稅火柴煤炭棉花生絲及綢緞進口

稅與前無異

商務印書館出版
歷史教科書

中學堂用

中國歷史教科書

錢塘夏穗卿先生撰

中國二十四史卷帙浩繁非史學家不能盡讀即通鑑續通鑑紀事本末九通之類其浩繁亦不下於正史欲撮其綱要成一簡本者代有其人然化極繁為極簡其事大不易易是以成書甚多而善本甚少本館特聘錢塘夏穗卿先生編為此書敘述古今以十三經二十四史為主而緯以羣籍其體裁則兼用編年紀事二體其宗旨則在發明今日社會之本原故於宗教政治學術風俗古今嬗變之所以然誌之獨詳此為從前編中國歷史教科書所未有而本篇之特色也至於篇中博採異說悉註原書於下學者可以按書翻檢隨時觸發其益無方尤便於學堂講習之用焉

全書凡五冊陸續出版

- | | | | | |
|-----|----|----|----|---------|
| 第一冊 | 至起 | 戰上 | 國古 | 每冊定價洋七角 |
| 第二冊 | 至起 | 三秦 | 國始 | 皇 |
| 第三冊 | 至起 | 五代 | 晉 | 至 |
| 第四冊 | 至起 | 明宋 | | |
| 第五冊 | 至起 | 國朝 | | |

商務印書館出版
歷史類教科書

學務大臣審定
中國歷史教科書
中學用

每部二冊
價洋一元

本館編輯○學堂科目彙纂於本國歷史此帙分爲七卷歷朝大事無不備載繁簡適當斷制謹嚴可爲現時中學教科書本

最新中國史教科書
高等小學用

每部二冊
價洋四角

本館編輯○上起五帝下迄兩宮同變下詔變法之日凡分兩冊共二百四十課約十萬言文辭簡明體例精當至敘述國朝事實立言得體無一室時下囂張之習並附歷代圖表尤便檢查

國史初級教科書
高等小學用

每部一冊
價洋三角

本館編輯○凡分三卷一上古史自太古至戰國二中古史自漢至隋一近古史自唐至今極要提綱有條不紊展讀一過可以瞭然於四千年來之大勢文詞亦簡潔名貴足稱史筆

學務大臣審定
西洋歷史教科書

每部一冊
價洋五角

日本本多淺治郎著出洋學生編輯所譯○書凡六編首古代史二近代史三四五皆近代史六最近史條理井然首尾貫串每事皆摘舉綱要列爲款目尤便記憶地名人名均附注原文亦便查檢

雜俎

光緒三十一年五月中國事紀補遺

▲爲記者知此事之見於近日也
▲爲記者以見報之在是日也

五月十八日。▲廣西著匪黃和順竄回宜化。△駐華英使詢外務部以庫倫情形。▲黑龍江將軍達桂交卸。△川督錫良奏贍對土人效順已派員妥爲收回。△飭各省添解外務部經費銀五十萬兩。△外務部駁覆中德商約草稿。△飭查蒙古礦產。二十四日。▲打箭爐文武電告鎮定橋工竣軍士即出關。秦凝寺土司立誓不反。二十七日。▲駐華美使赴津。二十八日。▲外務部宣布會議工約情形。三十日。▲庚子賠款用金辦法劃押。▲打箭爐文武電告官軍已至東俄落。尙未與巴塘番開戰。

光緒三十一年六月中國事紀

六月初一日。△練兵處奏各省新練之軍。皆名陸軍。按省分先後編排數目。以保定所練京旗常備軍。爲中國陸

雜俎

軍第一錢。▲有電。旨申斥江西學政黃均隆。因其所出試題不合也。▲澤道鐵路合同。由督辦鐵路大臣盛宣懷在京畫押。▲揚州鄉民聚毀華商招商英商順昌日商大東小輪船之坐船。△日本在大石橋牛莊海城鞍山站遼陽蓋平賽馬集鳳凰城等處改軍政局爲民政局。△外務部尙書那桐往見英日俄三駐使。陳明中國對於和局之意見。△政府向英美兩使。密商參與會議事。△胡燏芬赴張家口。測勘京張鐵路線。△駐日使臣楊樞電告政府。日本決無占據滿洲之意。請始終與之協議。以定大計。初二日。△新俄使璞科第到京。聯芳代慶親王訪之。▲新簡奉天將軍趙爾巽奏保湖南已革翰林院庶吉士熊希齡。奉。旨開復原官。交趙爾巽差遣委用。△湖北停鑄二兩重銀幣。△俄國照會政府。不承認張家口庫倫開作商埠。初三日。△署奉天將軍廷杰向日本官員商議索回山海稅關。△直督袁世凱電政務處東三省問題當與日本協議。勿請各

五十九

乙巳

雜 報

國干預。致生枝節。△外務部咨行各省督撫。遣派學生留學美國海陸軍事。△鄂督張之洞。為粵漢鐵路督辦大臣。立總局於湖北。設分局於湖南廣東。初四日。△駐杭美領事照會浙省商務總會。代倍次指索承辦浙贛鐵路。△黑龍江將軍達桂奉召入京。遺缺以程德全暫署。△俄使璞科第見慶親王。要求庫倫張家口鐵路權利。△外務部會議決於日俄和局定後。再行商辦張家口庫倫開埠事。初五日。△俄兵在吉林省擄去華官王立山及紳商三人。初六日。△商部奏請嚴杜私賣礦產。△杭州紳士集議。抵制美商要索鐵路。△升允接陝甘總督印。△俄使璞科第詰責蒙古邊境屢次違犯中立。△駐長沙英領事要求在城內通商。△廣東舉前皖撫鄧華熙。為粵漢鐵路督辦。△上諭考取之出洋畢業學生。著於十二日帶領引見。△粵紳稟控潮汕鐵路違章。△川督錫良請賞明正土司總兵銜。以勸土司。△外務部請日本撤還陽海城金州民政局。△日軍

六十

八月

拘康平縣知縣殷鴻壽。初七日。△駐美使臣梁誠電請開放滿洲。△政府調查東三省歷年條約案卷。△滬紳會議填塞上海河道。初八日。△以馬亮調補烏里雅蘇台將軍。長庚調補伊犁將軍。奎順著留京當差。△外務部照會日俄兩國及各國。聲明日俄議和條款。如有關涉中國事件。須經中國應允。方足為憑。△浙江東陽縣屬天主教堂。為鄉民所毀。並戕殺教民。△改蘆漢鐵路總辦為監督。△北洋開辦無線電學堂。副議改習行軍電。初九日。△劉永慶接署江北提督印。△中國請參與日俄和局。日本頗有煩言。△滬城警察局巡士毆辱舖董。初十日。△鐵良兼署兵部尚書。△閩紳力爭邵武金礦展限廿四月之議。△上海公共公廨大裁差役。△北洋停止豫皖募兵。△練兵處設參謀大學堂。十一日。△商部奏准以李經方辦理安徽全省鐵路。△駐華日使內田康哉見慶親王。密商東三省事宜。十二日。△奉 旨出洋學生。給予進士舉人出身。分

別以檢討主事。中書知縣用。▲國督樞密啓入都。△商部奏定江西鐵路章程。十三日。△浙撫鼎銘奏被劫。交閩督查辦。△練兵大臣奏定陸軍各官品級。△農部派員修輯禮部事例。▲電諭湘撫端方來京。陸見。十四日。▲簡派載澤戴鴻慈徐世昌端方。分赴東西洋各國。考求政治。▲簡派外務部左丞汪大燮。充駐美使臣參贊。△署江督周馥飭拿三五會匪。△各省督撫電覆日俄和議事。請飭駐美使臣梁誠就近與議。▲駐滬美總領事發電其駐華公使。爲華商抵制工約之期已近也。十五日。▲與京副都統靈照充。永國守護大臣。多文補授盛京副都統。充。福陵。昭陵守護大臣。▲諭盛京五部侍郎來京。各部事務。均歸將軍兼管。▲賞史念祖以副都統銜。命隨同盛京將軍。辦理賑撫事宜。△庫倫大臣電告外務部。言俄人在庫倫奪取金礦一所。△編修陳伯陶袁勵準均著在南書房行走。△貴遠達賴喇嘛法號。十六日。▲奉天將軍趙

繼

爾巽出京。△美總統答覆中國力保中國主權。△赴比賽會華商受比員之辱。比政府罰比員。△天津濟南商會議自造津濟鐵路。十七日。▲廣西藩司張廷燎另候簡用。以張鳴岐署理。▲奎俊調補吏部尚書。溥興調補刑部尚書。特圖慎補授理藩院尚書。▲張人駿調署山西巡撫。張曾敷調補湖南巡撫。▲授世續大學士。那桐協辦大學士。▲革御史瑞璣職。以濫刑斃命也。△外務部商請日本撤去遼陽等處民政局。△贛撫胡廷幹電奏贛南各屬匪亂平靖。▲上海紳商聚議抵制美國工約辦法。旋議決不定美貨。由各商領袖簽允。十八日。▲甘肅布政使何福茹開缺。▲增崇調補吏部右侍郎。景厚補授兵部左侍郎。▲奏著補授都察院左都御史。△奉天昭信股票允准展限一年。△商部批准吳紹堃開採京西善化寺煤礦。▲上海各幫商董大會於商務總會簽允不定美貨。並電三十五埠照行。▲上海商務會開實行抵制美約大會。△伊犁將軍長庚請開軍

六十一

乙巳

雜 選

防邊。直督袁世凱擬調馬軍前往。十九日。▲儒林補授山海關副都統。▲粵紳泰補授甘肅布政使。王仁寶補授浙江按察使。▲上諭嗣後八旗王公大臣。均當深求兵學。修明武備。勿尚虛文。所有引見人員。例應持弓者。著勿庸持弓。其出入扈從。宮禁守衛官兵。所備軍械。尤應變通盡善。不准虛應故事。▲湘撫端方啓節赴京。△不定美貨以抵制工約。各埠有電至滬。皆表同情。△浙江甯海鄉民與教民相鬪。殺斃教民二名。並率衆拒捕。二十日。△直督袁世凱奏陳辦理東三省善後事宜十條。△疆撫潘效蘇奏准親往南路阿克喀什噶爾兩處巡閱。二十一日。▲裁撤廣東巡撫。△直督袁世凱奏准。凡新選新補各州縣官。必先飭赴日本遊歷三月。方准到任。札飭各屬一體遵行。△北京五城示禁錢商貶抑銅圓價值。△吏部奏准。嗣後藩臬兩司赴任。皆不發給文憑。以歸簡便。二十二日。△上諭整飭廈門商政局。▲川省官軍剿叛番於二郎灘大勝之。

六十二


八月

▲浙江紳商在上海集議。自造浙江鐵路。公舉前署兩淮運使湯壽潛爲總理。候補五品京堂劉錦藻爲副總理。△德皇賞道員梁敦彥蔡紹基寶星。△蒙古諸藩王。咨請練兵處奏派北洋知兵大員。講赴蒙古。改練新軍。△查辦西藏事件。唐紹儀電告政府。改訂藏約。收回權利。擬以三十年期。英使不允。二十三日。△駐四川法領事。欲親往打箭爐。查辦巴塘教案。▲駐滬廣甯洋貨業同行五十七家。一律簽允不定美貨。▲壽勳補練兵處提調。二十四日。▲授孫家鼐文淵閣大學士。裕德東閣大學士。世續體仁閣大學士。▲趙爾巽接慶京將軍印。二十五日。▲壽蔭盛宣懷 賞朝馬。△直督袁世凱電商伍廷芳沈家本。擬設研究所。專定各省州縣詞訟。△廷議命唐紹儀親赴英京。極力磋商藏約。▲命商部右丞紹英隨同各大臣出洋考察政治。△二十六日。▲徐世昌 賞朝馬。△戶部奉 旨籌給出洋考察政治大臣隨員等經費銀五十萬兩。△澳洲華商電請

政府。在澳洲設立領事。△江蘇海州知州王曜。因前次稟報。總人至海州事。撤任。△四川敘州府屏山縣有拳匪滋事。二十七日。△南北洋海軍總統葉祖珪病卒。△直督袁世凱奏准勸建寺刹一概免捐。其餘公立募建寺院。仍照舊章捐辦。△練兵處電調各省出色弁兵北上會操。△川督錫良奏請開辦四川實官捐。二十八日。△政府擬向戰國索取賠款一千萬元。以償東三省之損失。△湘撫端方抵京。二十九日。△文瑞調補青州副都統。樸壽補授歸化城副都統。△慶恕作為西甯辦事大臣。△延祉調補庫倫辦事大臣。△伊犁將軍長庚奏整頓伊犁邊防。請飭各省籌撥的款。協濟改練新軍兩鎮。△兵部尚書鐵良奏劾兵部衙門司官李鍾豫等五員。奉旨革職。△戶部咨飭各省銅圓局。速將鼓鑄行使章程報部查核。△商部飭行各省商務總會。著將關涉錢債一門。先行體察情形。具呈說帖。此外如行船保險專利招工銀行農林漁牧各門。亦當次第條

雜俎

陳。以資訂定各種商律。



雜
型



六
十
四



八
月

書 科 教 堂 學 中

植物教科書
礦物教科書
生理教科書
法制教科書
理法教科書
習字帖
習畫帖
用器習畫帖
歌譜
體操教授法
化學教科書
日語教科書

已出全
已出全

商務印書館新編

初等小學教科書

最新

修身教科書

第一冊

大洋一角

我國經傳多言修身祇以理境精深非幼童所能領會雖曰蒙養而實未嘗有所養也是書爲初等小學堂第一年前半年之用多取古人嘉言懿行之易於奉行者繪爲圖畫不著一字務令兒童見之不生厭倦教員就圖解釋涵養德性自能收效無形

最新

修身教科書教授法

第一冊

大洋一角

依教科書編纂每課均註明出處詳列教法教員得此固便指示即家庭教育亦可採用較彼廿四孝陰騭文有益多矣

小說

天方夜譚

荒塔仙術記

距波斯海濱大率二十日水程。有客利登島者。據大海中。區爲數省。民既繁庶。殖業復殷盛。爲海上一強國。隸斯客瑟孟加利勿。加利勿睿於治。政罔不治。而年就衰。無儲嗣。居恆鬱鬱。一日與維齊語。偶及之。甚以爲戚。維齊對曰。陛下念及於他日社稷之寄。願此中有莫之爲而爲者。無已。其禱諸天乎。加利勿可其言。召僧主者。諭意以申祈祝。無何。東宮變地。馬有身。彌月。舉一男。加利勿大悅。厚資僧衆。臣民聞者。皆歡舞呼萬歲。喜得儲。置酒相慶。

太子之誕生也。抱而朝。加利物見其貌豐下而英特。取皓月初升義。命名曰客馬力兒瑟孟。令善撫之。稍長。能讀書。卽爲慎簡賢師傅。育以德智。太子幼慧。學日進。嘉言之勗。虛己容納。年及冠。才力絕人。譽祿著。爲輿望所歸。加利勿甚愛之。有內禪意。謂維齊曰。嗣子非冲齡。懼其以逸蔽心志。朕衰頹。恐滋叢脞。思傳位於嗣子。俾綜庶務。知國事艱鉅。民生疾苦。以磨勵其精神。而免耽逸欲。予自此將永息仔肩。不復能關政矣。維齊心非之。然不欲顯違旨。對曰。太子春秋尙富。恐不能躬總萬幾。陛下既懼其失德。則盍選賢淑女以爲之妃。俾得內助。且

用情專一。一切紛華靡麗。自不致翫其中。卽陛下欲授以政。可先使參預。以觀其施措。誠能勝任。傳位未晚也。加利勿聽之。退朝。召太子。故事。太子見有時。至是召。驚異。起居後。俯首立。加利勿喜其恭謹。謂之曰。知召汝何意乎。對曰。不知。願賜諭。曰。無他。爲汝議婚事耳。太子色頓變。囁嚅者久。愀然曰。主臣兒愚幼。不欲得婦。夙知女爲不祥之尤。率禍及男子。至願困不可道。歷觀紀載。益信女禍之無極。竊鑒於此。冀有以見。雖然。兒亦未敢固執。父命容熟審之。或他日當能仰承旨意也。

加利勿見太子逆命。心不悅。然不欲驟責之。徐曰。余此事不汝強。汝其自思。嗣續事大。矧將君國者。倘不以予言爲非。其從予命。於是命太子退。許其出入樞密。參與國事。歲暮。復召太子。理前說。太子見問。不復躊躇。抗聲對曰。斯事曾三思之。實有害無利。微特歷史固顯著之。使人怵怵。卽報章中。凡巧佞陰險事。亦出於婦女者爲多。復何能與彼作緣。以自蹈不測。願恕其方命之罪。勿復相迫。兒志已決。父卽多方導飭。恐終無所成。言畢。不待加利勿命。徑趨而出。意頗悻悻。頓異其平日之恂恂恭慎者。

加利勿愛太子甚。仍優容之。冀以婉言徐使之回心。尙不忍立加訶譴。於是以此事告維齊。曰。召客馬力兒來。語以立妃意。初尙猶豫。後則甚似厭聞。使朕憤恨。特強自抑遏。晚歲始得

此子。乃轉取懷惱。卿有何策。以釋予懷。維齊曰。凡事之成。多出於忍耐。太子之不欲娶。或非口舌所可轉移。要之陛下亦不宜深自怨懟。或積歲月。俾自思覺悟。否則以天倫至愛動之。倘竟執迷。則集羣臣以大義詳曉之。太子即甚辯。亦不能抗父命於盈廷。卿相前也。加利勿不得已。往見斐地馬。具告以故。謂強從維齊意。展以歲月。予素知此兒頗能聽母言。願乘間示以利害。謂倘必固執。將加罰於其身。雖悔何及。且使予隱自傷也。斐地馬唯唯。

一日。太子侍斐地馬坐。斐地馬詢之曰。兒拒父命。不欲議婚。致觸父怒。使母鬱鬱。兒意果何屬乎。曰。兒望母勿作是語。益兒懣懣。近心緒鬱亂。恐言語失檢。將取戾於母。斐地馬知太子心氣未平。遂默不一語。久之。見其容度和藹如平常。乃從容詢曰。汝能不憚瑣屑。以不娶之故語予否。汝謂婦人險狡。無出其右。特未見世之譸張爲幻者。其惡將倍蓰於婦人。婦人誠多不善。予亦不能曲爲之貸。惟概加毒視。而不爲之別黑白。得母太過。汝見識既廣。當不爲戰筆者所愚。亦知彼不惜痛詆婦惡。謂害民亂國。實階之厲者。母亦有快其私憾。而深文周內乎。汝流覽史冊。其所載暴主賊臣。破壞綱紀。塗炭生民者。後先相望。汝甯未之見耶。綜而論之。男子之惡居多。婦人之惡僅居少數。載籍具在。可僕指計也。汝甯不思彼賢婦人不幸而屬於亂君賊子。言不見聽。事敗則反受其惡名。念之尤足悲痛。太子曰。兒非謂天下竟

無賢淑女。然安得有令德懿行若吾母也者。兒之不欲娶。實懼得婦後。稍不自持。即慮爲所惑。致失自主之權。且上國儲君。議婚必於鄰邦之貴主。無論容之不稱。即稱矣。而德之備不備。未可知。偷貌美而心很。或盛氣凌厲。勢傾其夫。甚至以一國之帑藏。兆民之膏血。供其起居服食。恣爲無益之費。似此諸弊。念之寒心。此兒厭疾婦人之念所由起也。即使幽嫺無失德。兒別有抱負在。鏢曠固非所計耳。斐地馬曰。汝抱負能具言之否。且予將以數言破汝疑慮。曰。母試言之。兒或能置辨。不至辭窮。斐地馬乃曰。苟不幸取不肖婦人。如汝所言。或防之。或出之。使不致蠹國。又何難措之有。曰。論則善矣。然忍而出此。人孰無情。迴思結髮之愛。其悲感必至切。曷若吾守吾真。不與帷房轉轉之爲愈乎。斐地馬曰。汝見亦良是。然嗣續將由汝而斬。予所望汝光前而裕後者。願竟虛矣。曰。人生浮雲耳。瞬息即杳。且予先父而卒者。亦不知凡幾。兒或夭折。又將奈何。至社稷之無主。由於乏嗣。非由於淫亂亡國。似宜分別觀之。且藐躬他日得居民上。能自策勉。不墜先業。則宗祖之光榮。仍垂於後世。雖無嗣。亦何傷。斐地馬見太子甚口。亦無從置辭。遂罷議。後雖屢爲說。且剛柔互用。竭意開導。不惜焦敝其唇舌。而太子執念益堅。加利勿聞之。惟獨足咨歎而已。

復值羣臣集。太子亦在朝。加利勿語太子曰。議婚事語汝久矣。朕非強汝。而汝屢逆命。使予

悲憤。顧予猶忍不加罪。今復詰汝。汝若固守前見。非惟無禮於朕。且失兆民望。諸公卿在前。亦寧欲詢汝不婚之故。其具語之。太子艷然不懌。對如前。固拒不稍移易。加利勿大恚曰。不肖子。何目無君父。而傲慢乃爾。立命衛士將太子下。幽諸荒塔。僅一榻使休止。書笑他物稱。

是復給一力以應奔走焉。

太子既被幽。意無幾微不適。讀書爲樂。視荒塔無異深宮。夜則沐浴行禱祝禮。誦古倫經。與經一如宮中時。不滅燈而寢。塔中有古井。深不可測。爲女仙密夢裏潛靈之所。密夢里者。天將登力特女也。夜則環游世界。搜訪奇蹟。是夕夜闌。甫出井。見塔中燈光熒熒。潛入視。守戶者不之覺。旋近榻。見一男子臥。衾半覆其面。玉顏微露。啓衾睨之。則瑩然璧人也。狂喜自語曰。余所見顧影少年多矣。未有修美映麗若此君者。其臥態已令見者心醉。脫得其一盼。吾恐雖木石人。亦不自持矣。惜乎位爲儲君。而受其幽厄。能無太息。蓋密夢里已知太子觸加利勿怒。幽囚於此也。愛心不禁頓起。潛吻太子頰。及其額。良久。仍覆以衾。而聳身冉冉入雲際。比高至天空。忽聞振翅聲颯颯。即御風前覓。知爲魔登赫斯客所作。此魔爲斯恰民奧力斯客之子。不服帝制。恣其橫行。夙與密夢里習。知密夢里忠順。位復居己上。深畏之。雅不欲與之見。今咫尺不得避。遂竄立天空。哀請於密夢里曰。望仙垂宥。無加斧鉞。負罪之臣。實不

敢驚左右。密夢里斥曰。爾慎戴爾頭。余姑免爾死。速語我。自何所來。造何孽。見聞有可解願者否。登赫斯克曰。不厭煩瀆。有異事。當以上聞。適自中華來。言未畢。體戰慄不敢仰視。又哀請曰。手述所見後。能蒙赦宥。許他往未。曰。毋喋喋。速以見聞告。余赦汝。勿懼也。爾豈以予若爾之不誠。慣食言以損人者耶。汝或妄造語以欺余。余將斷汝翅。登赫斯克心少定。乃對曰。荷寬宥。又安敢欺飾而不以實告。惟乞恕其言之尤。不誅幸甚。密夢里諾之。

於是登赫斯克叙所見曰。適言中華者。東方強國也。王名開阿。有公主姿絕世。善畫者窮於筆。善辭者窮於舌。其美麗雖百擬之。未由盡其萬一也。姑舉其可髣髴者。主髮黃而潤。長可拂地。疊髻於額。若結鮮葡萄爲巨球然。額若彩鏡可燭。目激而黑。光漾如流波。鼻修整合度。口櫻而齒貝。音吐柔婉。雖新鶯之聲不足偶。羅襟稍解。則玉胸皚然。嫵媚娉婷。儀態萬端。非拙口所能狀。開阿愛主臻至。惟恐拂其意。爲築宮七。供游憩。曰晶。曰赤金。曰鑽。曰古銅。珍過晶鑽。曰珉。曰錄。曰鏐。宮之制。均窮極華麗。而園囿之景物。晝夕之供張。皆稱之。怡情娛曠。誠無有出其右者。

主美既無匹。名噪著。鄰國遣使齎書來求婚者。開阿輒命主自擇。主無一當意。以性喜自適。願暫緩婚事。得常侍左右爲對。開阿乃悉謝使者。久之。復有某國來。乞締姻。其王富強冠諸